

गुजरात पुरातत्त्वमन्दिर ग्रन्थावली


# प्राकृत कथासंग्रह

( प्रथम भाग—मूळ पाठ )

सं पा द क—

मुनि जिनविजय

( आचार्य, गुजरात पुरातत्त्व मन्दिर )



गुजरात पुरातत्त्व मन्दिर

अ म दा बा द

विक्रम संवत् १९७८

प्रथमावृत्ति, प्रति १०००] \* \* [ किंमत १२ आना

---

प्रकाशक—

रसिकलाल छोटालाल परीख  
मंत्री, गु० पुरातत्त्व मन्दिर,  
अमदाबाद.

—१९३९—

मुद्रक—

केशव रावजी गोंधलेकर,  
'जगद्धितेच्छु' प्रेस, १०७, शनवार पेठ, पुणे.

---

# પ્રાસ્તાવિક નોંધ



ગુજરાત વિદ્યાપીઠ દ્વારા પ્રસ્થાપિત આર્યવિદ્યામન્દિરના અમ્યાસ-ક્રમમાં સંસ્કૃત સાથે પાલી અને પ્રાકૃત ભાષાના સામાન્ય અમ્યાસને પળ આવશ્યકીય સ્થાન આપવામાં આવેલું હોવાથી, એ મન્દિરના વિદ્યાર્થિયોને પ્રથમ વાર્ષિક અધ્યયનમાં પ્રાકૃત ભાષાનો સાધારણ પરિચય કરાવવામાટે આ 'પ્રાકૃત કથાસંગ્રહ' તૈયાર કરવામાં આવ્યો છે.

અહિં પ્રાકૃત ભાષાથી તે ભાષા સમજવાની છે, જેને ભાષા-શાસ્ત્રિયો 'મહારાષ્ટ્રી પ્રાકૃત' કહે છે, અને જેમાં મોટે ભાગે જૈનધર્મ-નું પ્રાચીન સાહિત્ય ગ્રથિત થઈ હોઈ, જેનું સંપૂર્ણ વ્યાકરણ ગુજરાતના પ્રસિદ્ધ જૈન વિદ્વાન આચાર્ય શ્રીહેમચન્દ્રે પોતાના સિદ્ધહેમશબ્દા-નુશાસન નામના વ્યાકરણ ગ્રન્થના અષ્ટમ અધ્યાયના પ્રારંભમ આપેલું છે.

આ સંગ્રહમાં આવેલી કથાઓ મૂળ ઉત્તરાધ્યયન નામક જૈનસૂત્રની દેવેન્દ્રગણી ઝર્ફ નેમિચંદ્ર સૂરિકૃત ટીકામાં આવેલી છે. એ ટીકાકાર વિદ્વાન વિક્રમની ૧૨ મી શતાબ્દિમાં થઈ ગયા છે. તેમણે એ ટીકાની રચના ગુજરાતની ગૌરવશાલી રાજધાની અણહિલપુર પાટણમાં કરેલી છે.

આ કથાઓમાંની ૧ લી કથા જર્મનીના વિદ્વાન ડૉ. ફિકે *Eine Jainistische Bearbeitung der Sagar-Sage* નામના નિબંધમાં આપેલી છે, અને બાકીની કથાઓ તેજ દેશના પ્રસિદ્ધ પण्डित ડૉ. હર્મન જેકોબીએ *खास प्राकृत भाषाना अभ्यास माटे ज तैयार करेला Ausgewahlte Erzählungen in Mähārāshtrè : Zur Einführung in Das Studium Des Prakrit* એ નામના પુસ્તકમાં છપાવેલી છે.

-મુનિ જિનવિજય

## अनुक्रमणिका



१. सगरसुअ-कहाणयं	....	....	पृ.	१
२. उदायण	....	....		८
३. सणंकुमार	....	....		१७
४. बम्भदत्त	....	....		२९
५. मूलदेव	....	....		५६
६. मंडिय	....	....		७०
७. अगडदत्त	....	....		७२

॥ णमो त्थु णं समणस्स भगवओ महावीरस्स ॥

## प्राकृत कथासंग्रह



### सगरसुअ-कहाणयम ।

अत्थि अओज्झा नयरी । तीए इक्खागकुलुब्भवो जियसत्तु  
राया । तस्स च सहोयरो सुमित्तविजओ जुवराया विजयाजसमई-  
ओ य ताण भारियाओ । विजयाए चोद्दसमहासुमिणसूइओ पुत्तो  
उववन्नो अजिओत्ति नाम वीयतित्थयरो । जसमतीए वि वीयचक्क-  
5 वट्ठी सगरो उववन्नो । पत्ता ते जोव्वणं परिणाविया उत्तमनरिन्द-  
दुहियाओ । कालेण य जियसत्तुरण्णा ठविओ नियरज्जे अजियकुमारो,  
सगरो जुवरज्जे । अप्पणा य ससहोयरेण दिक्खा गहिया । अजिय-  
राया वि तित्थपवत्तणसमए ठविऊण रज्जे सगरं निक्खन्तो । सगरो  
वि उपन्नचोद्दसरयणो साहियछखण्डभारहो पालेइ रज्जं । जाया  
10 य तस्स सूराणां वीराणां पुत्ताणं सट्ठी सहस्सा । तेसिं जेट्ठो  
जण्हुकुमारो । अन्नया तोसिओ जण्हुकुमारेण कहवि सगरो ।  
भणिओ तेण ‘जण्हुकुमार, वरसु वरं!’ तेण भणियं  
‘ताय, आत्थि मम अभिलासो, जइ तुब्भेहिं अणुन्नाओ चोद्दसरयण-  
समेओ भाइबन्धुसंजुओ वसुमइं परिब्भमामि ।’ पड्डिवन्नं राइणा । सव्व-  
बलेण य पसत्थमुहुत्ते निग्गओ सव्वसहोयरसमेओ । परिब्भमन्तो य अणेगे  
15 जणवए पेच्छन्तो गामनगरागरसरिगिरिसरकाणणाइं पत्तो अट्ठावय-  
गिरिं । हेट्ठा सिविरं निवेसिऊण अरूढो उवरिं । दिट्ठं भरहनरिन्द-  
कारियं माणिरयणकगमयं चउवीसजिणपड्डिमाहिट्ठियं धूभसयसं-  
गयं जिणाययणं । वन्दिऊण य जिणिन्दे पुच्छिओ मन्ती ‘केणेयं

मुकयकम्मुणा अइसयरमणीयं कारियं जिणभवणं ? ' काहिओ तेण भरहवइयरो । तं सोऊण भाणियं जण्हुकुमारेण 'निरूवेह अन्नं अट्टा-वयसरिसं सेलं, जेण तत्थ चेइयहरं कारवेमो ' । निउत्तपुरिसेहि य समन्तओ निरूविऊण साहियं जहा 'नत्थि देव एरिसो अन्नो गिरी ' ।

- 5 तेण भाणियं ' जइ एवं ता करेमो एयस्सेव रक्खं, जओ होहिन्ति कालेणं लुद्धा सदा य नरा । आहिणवकारावणाओ य पुव्वकयपरिपालणं वरं ' । तओ सव्वे वि सगरपुत्ता दण्डरयणं गिण्हित्ता समन्तओ महीहरस्स पासेसु ते लग्गा खणिउं, तं च दण्डरयणं सहस्सं जोयणाणं भिन्दिऊण पत्तं नागभवणेसु ।
- 10 भिन्नाइं ताइं । तं च अच्चब्भुयं पेच्छन्ता भीया नागकुमारा सरणं मग्गमाणा गया जलणपभनागरायस्स समीवं । साहिओ वइयरो, सो वि संभन्तो उट्ठिओ ओहिणा आभोएत्ता आसुरत्तो समागओ सगर-सुयसगासं, भाणियं च ' भो भो, किं तुब्भेहिं दण्डरयणेण महिं भिन्दिऊण कओ भवणभिन्दणेण उवदव्वो नायलोयस्स ? ता अप्पव-
- 15 हाय तुब्भेहिं कयमेयं, जओ

अप्पवहाए नूणं होइ बलं उत्तुण,ण भुयणम्मि ।

नियपक्खवलेणं चिय पढइ पयङ्गे पईवम्मि ॥,

- तओ तस्स उवसामणानिमित्तं भाणियं जण्हुणा भो ' नागराय, करेसु पसायं, उवसंहरसु संरम्भं, खमसु अम्ह अवराहं एयं । न अम्हेहिं
- 20 तुम्होवद्वानिमित्तमेयं कयं, अट्टावयचेइयरवखट्टा परिहा कया एसत्ति । न पुणो एवं काहामो ' । उवसन्तकोवो गओ सट्ठणं जलणपभो । तम्मि य गए भाणियं जण्हुकुमारेण ' एसा परिहा दुल्लङ्गा न सोहए जलविरहिया, ता पूरेमो नीरेणं ' ति । तओ दण्डरयणेण गङ्गं भिन्दि-ऊण आणियं जलं । भरिया परिहा । पत्तं तं नागभवणेसु जलं ।
- 25 जलप्पवाहसंतत्तं नायनाइणीजणं पलायन्तं पोच्छिय पउत्तोवहिको-वाणलपलित्तमणो आसुरत्तो जलणप्पभो भाणिउं पयत्तो 'अहो महा-पावाण जइ तेसिं अणुकम्पाए खमिओ एक्कसिं अवराहो मए, तो तेहिं अहिययरं उवद्वं काउं आदत्तं अम्हं । अहवा दण्डेण चेव

नीयाणमुवसमो, नं सामेणं । ता दंसेमि संपइ अविणयफलं' ति ।  
पेसिया तत्थ हणणत्थं नयनविप्सा महाफणिणो । तक्खणं चिय  
नीहरिउण तेहिं जलन्तनयनेहिं पलोइया समाणा भासरासीभूया सव्वे  
वि सगरसुया ।

- 5 तं पेच्छिय जाओ हाहारवगब्भिणो महाकन्दो सिविरे । विमुक्क-  
केसाओ भग्गवल्याओ तोडियहारल्याओ हा देव, देव त्ति पलव-  
न्तीओ लोलन्ति महीए अवरोहजुवईओ एवं विलवमाणं संठवियं  
सेन्नं मन्तिणा जहा ईइमो चैव असारो संसारो, अणिवरिणज्जो  
दिव्वपरिणामो । किं एत्थ बहुणा विलवणेणं । कज्जे मणो दिज्जइ,  
10 न सोयणिज्जा कुमारा, जओ बहुतित्थवन्दणेणं, इमस्सजिणालयस्स  
रक्खाकरणेण बहुजणोवयारेण य उवज्जियसुहकम्मा । तेण दिज्जउ  
दुरियमेव पयाणयं, गच्छामो महारायसमीवं । अणुमन्नियं च  
मन्तिवयणं, सव्वेहि वि दिन्नं पयाणयं । कमेण पत्ता नियपुरमासन्नं  
सामन्ता, सव्वेहि य मन्तियं तत्थ ' कम्ममिं रायस्स कहिउं पारीयइ,  
15 जं कुमारा सव्वे एक्कपए पेच्छन्ताणं चैव अम्ह दड्ढा, वयं च  
अक्खयदेहा समागया । लज्जाकरमेयं, ता पविसामो सव्वे चैव  
जलन्तजलणं' ।

एवं तेसिं मन्तन्ताणे समागओ एगो दिओ, भणियं च तेण  
' किंभेवमाउलीइया, मुच्चह विसायं, जओ न संसारे किंचि सुहम-  
20 सुहं वा अच्चभुयमत्थि, भणियं च

कालम्मि अणाइए जीवाणं विविहकम्मवसंगाण ।

तं नत्थि संविहाणं संसारे जं न संभवइ ॥

- अहं साहेमि राइणो इमं वइयरं' । पडिवन्नं तं तेहिं । तओ सो  
अणाहं अण्डयं भेत्तूण ' हा मुट्ठो मुट्ठो ' त्ति कलुणं वाहरन्तो  
25 गओ रायदुवारं । निसुओ राइणा तस्स विलवणसद्धो । वाहराविओ ।  
'केण मुट्ठो सि' ति पुच्छिओ वुत्तन्तं । तेण अणियं 'देव, एस एक्को  
चैव मे सुओ । अहिणा दड्ढो य इमो जाओ निचेट्ठो । ता काउण

करुणं जीवावहे इमं । एयम्मि अवसरे पत्ता तत्थ मान्तिसामन्ता,  
पणमिऊण उवविट्ठा अत्थाणे । नरिन्देण य आणत्तो वेज्जो ' कुणसु  
निव्विसमेयं, । वेज्जेण मुणियनरिन्दसुयमरणेण भणियं 'जम्मि गोत्ते  
कुले वा कोइ न मओ, जइ ताओ भूर्इ आणिज्जइ, ता जीवावेमि  
5 ताए इमं '। मग्गिया दिएण भूर्इ जाव, सहस्ससो घरे जायाइं बन्धु-  
मरणाइं । साहियं ' देव, नत्थि विज्जोवदित्थो भूर्इए लम्भो' । राइणा  
भणियं ' जइ एवं, ता किं नियपुत्तं सोएसि ? सव्वतिहुयणसाहारण-  
मिमं मरणं, भणियं च

किं अत्थि कोइ भुवणम्मि जस्स जायन्ति नेव पावाइं ।

10 नियकम्मपरिणईए जम्मणमरणाइ संसारे?

ता माहण, मा रुयसु, मुञ्च सोयं, कज्जं चिन्तेसु, कुणसु अप्पहियं,  
जाव न तुमं पि एवं कवल्लिज्जसि मच्चुसीहेणं' । विप्पेण भणियं  
' जाणामि अहमेयं, परं पुत्तमन्तरेण संपइ चेव मे कलक्खओ होइ ।  
दुहियाणाहवच्छलो अप्पडिहयपयावो सयलपयापालणनिरओ देवो,

15 ता देसु पुत्तजीवावणेण माणुसाभिकखं' । रत्ता भणियं ' भइ, असक्कप-  
डियारं विहिविलसियं । भणियं च

सीयन्ति सव्वसत्थाइं एत्थ, न कमन्ति मन्ततन्ताइं ।

आद्धिपहरणम्मि य विहिम्मि किं पोरुसं कुणउ ? ॥

ता परिच्चयसु सोगं, करेसु परलोगहियं । मुक्खो चेव करेइ हिए  
20 नट्टे, मए वा सोगं' । विप्पेण भणियं ' महाराय, जइ सच्चमेयं, न  
कायव्वो एत्थ जाणएण सोगो, ता तुमं पि मा करेज्जसु सोगं ।  
असंभावणिज्जं तुम्ह सोयकारणं जायं' । तओ संभन्तेण रत्ता पुच्छियं  
' भो विप्प केरिसं सोयकारणं ?' विप्पेण भणियं ' देव, सट्ठिं पि तुह  
सुयसहस्सा कालगया, । सोऊण इमं राया विज्जुप्पहारहओव्व

25 नट्टचेयणो सिंहासणाओ मुच्छाविहल्लुलो निवडिओ धरणिविट्ठे ।  
मुच्छावसाणे सोगाऊरियमणो मुक्ककण्ठं रोविऊण पलावे  
काउ . आढत्तो ' हा पुत्ता, हा हिययदइया, हा बन्धुवलहा, हा  
सुसहावा, हा विणीया, हा सयलगुणनिहिणो, कत्थ



- मं अणाहं मोत्तूण तुब्भे गया ? देह मे तुब्भ विरहदुट्टुस्स दंसणं ।  
 हा निग्घिण पावविहि, एक्कपए चेव सव्वे ते बालए संहरन्तेण किं  
 तए अप्पणं पूरियं ? हा निट्टुरहियय, किं न फुड्ढासि असज्जसुयम-  
 रणदुक्खसंतत्तं पि किं न वच्चसि सयखण्डं । एवं च विलवमाणो  
 5 मणिओ तेण विप्पेण 'महाराय, संपइ चेव ममोवइसासि संसारा-  
 सारयं, ता किं अप्पा गच्छसि सोयपरवसत्तं ? अहवा  
 परवसणम्मि सुद्धेणं संसाराणिच्चयं कहइ लोओ ।  
 नियबन्धुजणविणासे सव्वस्स वि चलइ धीरत्तं ॥  
 दुसहं च एगबन्धुस्स वि मरणं, कि पुण सट्टीए पुत्तसहस्साणं ।  
 10 तहा वि  
 सप्पुरिसाच्चिय वसणं सहान्ति गरुयं पि ताहसेक्करसा।  
 धराणिच्चिय सहइ जए वज्जनिवायं, न उण तन्तू ॥  
 अओ अवलम्बेसु धीरयं । अलमेत्थ विलविणं, जओ  
 सोयन्ताणं पि नो ताणं, कम्मबन्धो उ केवलो ।  
 15 तो पण्डिया न सोयन्ति जाणन्ता भवरूवयं ॥  
 एवमाइवयणविन्नासेण संठविओ राया विप्पेण । भणिया य तेण  
 मन्तिसामन्ता 'साहेह जहा वत्तं राइणो । साहियं च तोहिं पगलन्त-  
 वाहजलेहिं । समागया पहाणपउरा, धीराविओ सव्वेहि वि राया ।  
 कयमुच्चियकरणिज्जं ।  
 20 एत्थन्तरे पत्ता अट्टावयासन्नवासिणो जणा । पणयासिरा विन्नवेन्ति  
 जहा 'देव, जो तुम्ह सुएहिं अट्टावयरक्खणत्था आणिओ गङ्गजल-  
 प्पवाहो, सो परिहं भरिऊण आसन्नगामनगरे उवह्वन्तो पसरइ ।  
 ता तं निवारेउ देवो, नत्थि अन्नस्स तन्निवारणसत्ती । राइणा  
 मणिओ भगीरही नियपउत्तो 'वच्छ, दण्डरयणेण नागरायं अणुन्न-  
 25 विय नेसु उयहिम्मि गङ्गं । सो वि गओ अट्टावयं । अट्टमभत्तेणा-  
 राहिओ नागराया आगओ कयभीसणभुयङ्गहारकेउरो । भणइ  
 'किं संपदेमि ?' भगीरहिणा भणियं पणामपुव्वयं ' तुम्ह पसाएण

- नेमि गङ्ग समुद्दे, उवद्द्वो महन्तो लोयस्स ' । नायराएण भणियं  
 ' विगयमओ करेसु समीहियं, निवारिस्सामि अहं भरहणिवासिणो  
 नागे' ति भणिऊण गओ नागराया । भगीरहिणा वि कया नागाणं  
 बलिकुसुमाईहिं पूया । तप्पभियं च नागबलि कुणइ लोओ । राय-  
 5 सुओ वि गङ्गमागरिसन्तो, दण्डरयणेण भञ्जन्तो बहवे थलसेलवणे  
 जणाबाहाए पत्तो पुव्वसमुहं । जत्थावयारिया गेणहन्ती अणेगाइं  
 नइसहस्साइं गङ्गा, पुणो वि विहिया तत्थ बली नागाणं । जत्थ  
 य सागरे मिलिया गङ्गा, तत्थ गङ्गसायरतित्थं जायं । अज्ज  
 वि तं लोए विक्खायं । गङ्गा वि जणहुणा आणीयत्ति तेण जण्हवी  
 10 नाया, भगीरहिणा विणीयत्ति तेण भागीरहित्ति । सो वि नागेहिं  
 मिलिऊण पूओ गओ अओज्जं । पूओ राइणा तुट्टेण, ठविओ  
 नियरजे । अप्पाणो य निक्खन्तो अनियजिणसगासे, सिद्धो य ।

- अन्नया पुच्छिओ भगीरहिराइणा अइसयनाणी ' भगवं, किं कारणं  
 जण्हुपमुहा ते सट्ठिं पि कुमारसहस्सा सममरणा संजया? ' भगवया  
 15 भणियं 'महाराय, एगया महन्तो सङ्घो चेइयवन्दणत्थं सम्मेयपव्वए  
 पट्टिओ, पत्तो य अरण्णं उल्लङ्घिऊण अन्तिमगामं । तन्निवासिणा  
 सव्वजणण अणारिएणं अच्चन्तमुवद्दविओ दुव्वयणनिन्दणेण वत्थन्न-  
 घणाहरणच्छिन्दणेण य । तप्पच्चयं च बद्धमसुहं महन्तं कम्मम-  
 20 जणं । इयरजणस्स निरवराहस्स परिकिलेसणं बहापावहेऊ, किं पुण  
 एरिसिधम्मियजणस्स । ता जइ सागयपडिवत्ति. इमस्स न सक्केह  
 काऊं, ता उवद्दवं पि ताव रक्खेह' ति भणिऊण निवारिओ सो  
 गामजणो, गओ य सङ्घो । अन्नम्मि य दिणे तन्निवासिणा एगेण  
 नरणे रायसन्निवेशे चोरिया कया । तन्निमित्तेण रायनिउत्तेहि पुरिसे-  
 25 हिं दाराइं पिहेऊण सो गामो पलीविओ । तथा य सो कुम्भयारो  
 सयणेहिं निमान्तिओ गाममन्नं गओ आसि । दड्ढा य तत्थ सट्ठिजण-  
 सहस्सा, उववन्ना पराडवीए अन्तिमगामे माइवाहत्ताए ते सम्भे,

- कोदवियत्ति जाओ लोए मणन्ति । कर्हि चि तत्थागओ करी,  
 तच्चलणेण मद्दिया ते । तओ नाणाविहासु दुक्खपउरासु कुजोणिसु  
 परिममिऊण सुइरं, अणन्तरं भवे किंपि कऊण तहाविहं सुहकम्मं,  
 उववन्ना सगरसुयत्ताए सट्टि. पि सहम्सा, तक्कम्मसेसवसेण य पत्ता  
 5 इमं मरणवसणं । सो वि कुम्भयारो नियआउक्खए मरिऊण जाओ  
 एगम्मि सन्निवेसे धणसमिद्धो वणिओ।तयणन्तरं कयसुकयकम्मो संजाओ  
 मरिऊण नरवई । सुहाणुबन्धसुहकम्मोदएण पडिवन्नो मुणिधम्मं,  
 काऊण य कालं गओ सुरलोयं । तत्तो चुओ जण्हुसुओ जाओ सि  
 तुमं 'ति । इमं च भगीरही सोऊण संवेगमुवगओ भयवन्तं वन्दिऊण  
 10 सभवणं गओ ।



## उदायण



तेणं कालेणं तेणं समएणं सिन्धु-सोवीरेसुं जणवएसु वीयभए नामं नगरे होत्था; उदायणे नाम राया, पभावई देवी । तीसे जेद्वे पुत्ते अभिई नाम जुव्व-राया होत्था; नियए भाइणेज्जे केसी नाम होत्था । से णं उदायणे राया सिन्धु-सोवीर-पामो-

5 क्खाणं सोलसण्हं जणवयाणं वीयभय-पामोक्खाणं तिण्हं तेव-  
ट्टाणं नयरसयाणं महसेण-पामोक्खाणं दसण्हं रायाणं बद्ध-  
मउडणं विइण्ण सेय-चामर-वायवीयणाणं अन्नेसिं च राईसर-  
तलवर-पभिईणं आहेवच्चं कुणमाणे विहरइ । एवं च ताव एयं ।

इओ य, तेणं कालेणं तेणं समएणं चम्पाए नयरीए कुमारनन्दी

10 नाम सुवण्णकारो इत्थि-लोलो परिवसइ । सो जत्थ सुखुवं दारियं  
पासइ सुणेइ वा, तत्थ पञ्च-सया सुवण्णसस दाऊण तं परिणेइ ।  
एवं च तेण पञ्च-सया पिण्डिया । ताहे सो ईसालुओ एक-  
खम्भं पासायं करेत्ता ताहिं समं ललइ । तस्स य मित्तो नाइलो  
नाम समणोवासओ । अन्नया य पञ्चसेल-दीव-वत्थव्वाओ वाणम-

15 न्तीरीओ सुरवइ-निओएणं नन्दीसर-वर-दीवं जत्ताए पत्थियाओ ।  
ताणं च विज्जुमाली नाम पञ्चसेल-हिर्वई; सो चुओ । ताओ  
चिन्तान्ति 'कं पि बुग्गाहेमो, जो अम्हं भत्ता भवइ ' । नवरं वच्च-  
न्तीहिं चम्पाए कुमारनन्दी पञ्च-महिला-सय-परिवारो उवललन्तो  
दिट्ठो । ताहिं चिन्तियं 'एस इत्थी-लोलो, एयं बुग्गाहेमो ' । ताहे

20 सो भणइ ' काओ तुम्हे ? ' ताओ भणन्ति 'अम्हे हासा-पहासा-भिहा-  
णाओ देवयाओ । सो मुच्छिओ ताओ पेच्छइ । ताओ भणन्ति  
'जइ अम्हेहिं कज्जं, तो पञ्चसेलगं दीवं एज्जाहि'त्ति भणिऊण उप्प-  
इऊण गयाओ । सो तामु मुच्छिओ राउले सुवण्णं दाऊण पड-  
हगं नीणेइ ' कुमारनन्दि जो पञ्चसेलगं नेइ, तस्स धण-कोडिं सो

देइ'। थेरेण पडहओ वारिओ। वहणं कारियं पच्छायणस्स भारियं।  
 थेरो तं दव्वं पुत्ताण दाउण कुमाराण्डिणा सह जाणवत्तेण पत्थिओ।  
 जाहे दूरं समुद्दे गओ, ताहे थेरेणं भणइ ' किंचि पेच्छसि ?' सो  
 भणइ 'किं पि कालयं दीसइ'। थेरो भणइ 'एस वडो, समुद्दकूले  
 5 पव्वय-पाए जाओ; एयस्स हेट्ठेणं एयं वहणं जाहिइ, तो तुमं  
 अमूदो वडे विलग्गेज्जासि; ताहे पच्चसेलाओ भारुण्ड-पक्खी  
 एहिन्ति। तोसिं जुयलस्स तिण्णि पाया। तओ तेसु सुत्तेसु  
 मज्झिल्ले पाए सुलग्गो होज्जासि पडेनं अप्पा बन्धिओ। तो ते  
 पच्चसेलयं नेहिन्ति। अह तं वडं न विलग्गसि, तो एयं वहणं  
 10 वलयामुहे पविसिहिइ; तत्थ विणस्सिहिसि। एवं सो विलग्गो  
 नीओ पक्खीहिं। तहि ताहिं वाणमन्तरीहिं दिट्ठो। रिद्धी य  
 से दाइया। सो पगहिओ नीओ ताहिं भणिओ 'न एएण सररीरेण  
 भुज्जामो किंचि; जलणपवेसाइ करेहि! जहा पच्चसेला-हिवई  
 होज्जामि-त्ति, तो किह जामि?' ताहे करयलपुडेण नीओ स  
 15 उज्जाणे छड्ढिओ। ताहे लोगो आगन्तूण पुच्छइ ' किं तुमे तत्थ  
 अच्छेरयं दिट्ठं ?' सो भणइ

दिट्ठं सुयमणु-भूयं जे वित्तं पच्चसेलए दीवे।

इसयच्छि चण्डवयणे हा हासे हा पहासे-त्ति ॥

आढत्तां च तेण तयभिसन्धिणा जलणासेवणं। वारिओ य मित्तेण  
 20 'भो मित्त, न जुत्तां तुह काउरिस-जणो-चियमेयं चेड्डियं'। ता महाणुभाव  
 दुलहं माणुस-जम्मं मा हारसु तुच्छ-भोय-सुह-हेउं।  
 वेरुलिय-मणी-मोत्तेण कोइ किं किणइ कायमणिं ॥

अन्नं च। जई वि तुमं भोगत्थी, तहा वि सद्धम्माणुट्ठाणं चैव करेसु! जओ  
 25 धणओ घणत्थियाणं कामत्थीणं च सव्व-कामकरो।  
 सग्गा-पवग्ग-संगम-हेऊ जिण-देसिओ धम्मो ॥

एवमाइ अणुसासणेण वारिज्जन्तो वि मित्तेण इङ्गिणी-मरणेण  
 मओ पच्चसेला-हिवई जाओ।

सड्ढस्स वि निव्वेओ जाओ: भोगाण कज्जे किलिस्सइ-त्ति  
 २ प्रा. क. सं.

- अन्हे जाणन्ता कीस अच्छामो-त्ति पव्वइओ । कालं काऊण  
अच्चुए उववन्नो । ओहिणा तं पेच्छइ । अन्नया नन्दीसर-वर-  
जत्ताए पलायन्तस्स पडहओ गलए ओलइओ । ताहे वाएन्तो  
5 नन्दिसरं गओ । सड्डो आगओ, तं पेच्छइ । सो तस्स तेयं  
असहमाणो पलायइ । सो तेयं साहरित्ता भणइ ‘भो ममं जाणासि ?’  
सो भणइ ‘को सक्काईए देवे न-याणइ?’ ताहे तं सावग-रूवं  
दंसेइ । जाणाबिओ य । ताहे ‘संवेग-मावन्नो भणइ ‘संदिसह किमि-  
याणिं करेमो’ । भणइ ‘वद्धमाण-सामिस्स पडिमं करोहि ! तओ ते  
10 सम्मत्त-बीयं होहि-त्ति’ । भणियं चः—  
जो कारवेइ पडिमं जिणाण जिय-राग-दोस-मोहाणं ।  
सो पावइ अन्न-भवे सुह-जणणं घम्मवर-रयणं ॥  
अन्नं च  
दारिदं दोहगं कुजाइ-कुसरीर-कुमइ--कुगईओ ।  
15 अवमाण-रोय-सोया न द्योन्ति जिण विम्बकारीणं ॥  
ताहे महाहिमवन्ताओ गोसीस-चन्दण-दारुं घेत्तूण, तत्थ पडिमं  
निव्वत्तेऊण कट्ट-संपुडे ह्हुइ । पवहणं च पासइ समुद्-मज्झे  
उप्पाएण छम्मासे भमन्तं । ताहे अणेण तं उप्पायं उवसामियं ।  
संजत्तियाण सा खोडी दिन्ना । भणिया य ‘देवाहिदेवस्स एत्थ  
20 पडिमा चिट्ठइ । ता तस्स नामेण विहाडेयव्वा खोडी’ । एवं-ति  
पडिवाज्जिय गया वणिया । उत्तिण्णा समुद्दं, पत्ता वीयभयं ।  
तत्थ उदायणो राया तावस-भत्तो । दंसिया खोडी । तस्स  
साहियं सुर-वयणं । मिलिओ ससरक्ख-माहणाइपभूओ लोगो ।  
रुद्-गोविन्दाइ-नामेण वाहिनति फरुसं । तहा हि । केई भणन्ति  
25 ‘बम्मो चैव देवा-हिदेवो, जओ सो चउम्मुहो सव्व-जय-सिद्धि-  
कारओ वेयाणं च पणेया’ । अन्ने ‘विण्हू पहाणो-त्ति भणन्ति, जओ  
सो चैव सव्व-गओ लोगो-ववद्-कारए य दाणवे विणासेइ;  
संहार-काले य उयर-गयं जयं धारेइ’ । अवरं ‘महेसरो उत्तम-

देवो-त्ति । भणन्ति, जओ सो चैव सिद्धि संहार-कारओ अजोणि-  
संभवो; तस्स चैव भागा बम्भ-विण्हू' । एवमाइ-विगप्पणेहिं वाहिज्ज-  
माणो उप्फेडइ परसू । एत्थन्तरे आगया तत्थ उदायणस्स रत्तो  
महादेवी चेडगराय-धूया समणो-वासिंया पभावई । एईए काऊण

5 पूयं भाणियं

गयराग-दोस-मोहो सव्वन्नु अट्ठ-पाडिहेर-जुओ ।  
देवा-द्विदेव-रूवो अरिहा मे दंसणं देउ ॥

वाहविओ परसू । पडन्तस्स विघायस्स विहडिया खोडी । जाव  
दिट्ठा सव्वङ्ग-पाडिपुण्णा अमिलाण-मल्ल-दामा-लंकिया वद्धमाण-सामि-  
10 पडिमा । अईव आणन्दिया पभावई । जाया जिण-धम्म-पभावणा ।  
पडियं च तीए

सव्वन्नु सोम-दंसण अपुणब्भव भवियजण-मणाणन्द ।  
जय-चिन्तामाणि जय गुरु जय जय जिण वीर अकलंका ॥

अन्तेउरे य चेइय-घरं कारियं । पभावई ण्हाया ति-संझं पूएइ ।  
15 अन्नया देवी नच्चइ राया विणं वाएइ । सो देवीए सीसं न पेच्छइ ।  
अधिई से जाया । वीणा-वायणयं हत्थाओ भट्ठं । देवी रुट्ठा भणइ  
' किं दुट्ठं नच्चियं ? निब्बन्धे से सिट्ठं' । सा भणइ ' किं जीविण्ण ?  
निक्कलंको मम सुचिरं सावय-धम्मो पालिओ' ।

अन्नया चेडिं ण्हाया भणइ 'पोत्ताइं आणेहि!' तीए रत्तगाणि  
20 आणियाणि । रुट्ठाए अद्दाएण आहया 'जिण-घरं पविसन्तीए रत्तगाणि  
देसित्ति' । मया चेडी । ताहे चित्तेइ मए वयं खण्डियं; तं किं जीवि-  
एणं-ति । रायाणं पुच्छइ 'भत्तं पच्चक्खामि' । निब्बन्धे 'जइ परं  
बोहेसि' पडिस्सुयं । भत्तपच्चखाणेण मया देवी देव-लोगं गया ।

जिण-पडिमं देवदत्ता दास-चेडी खुज्जा सुस्सूसइ । देवो उदा-  
25 यणं बोहेइ; न संबुज्जई । सो तावस-भत्तो । ताहे देवो तावस-रूवं  
करेइ । अमिय-फलाणि गहाय आगओ । रत्ता आसाइयाणि ।  
पुच्छिओ कहिं एयाणि फलाणि ? भणइ 'नगर-अदूर-सामन्ते आसमो ।  
तहिं तेण समं गओ । भीमायारेहिं तावसेहिं हन्तुं पारद्धो ।

नासन्तो वण-सण्डे साहवो पेच्छइ, तेसिं सरणमुबल्लीणो । मा भा-  
यसु-त्ति समासासिओ । तेहिं नियत्ता ते तावसा । अणुसासिओ  
साहूहिं

धम्मो चेवेत्थ सत्ताणं सरणं भव-सायरे ।

5 देवं धम्मं गुरुं चैव धम्मत्थी य परिक्खए ॥

दस-अट्ट-दौस-रहिओ देवो धम्मो उ निउण-दय-सहिओ ।

सुगुरु य बभ्वयारी आरम्भ-परिग्गहो-वरओ ॥

एवमाइ-उवएसेणपडिबुद्धो पडिवन्नो जिणधम्मं । देवो अत्ताणं  
दरिसेइ । धम्मे य थिरी-काऊण गओ सुरो । जाव अत्थाणीए चैव

10 अत्ताणं पेच्छइ । एवं सट्ठो जाओ ।

इओ य गन्धाराओ सावओ सव्वाओ जिणजम्माइ-भूमीओ व-  
न्दिता वेयड्ढे कणग-पडिमाओ सुणेत्ता उववासेण ठिओ 'जइ वा मओ  
दिट्ठाओ वा' । देवयाए दंसियाओ । तुट्ठा य सव्वकामियाण गुलिया

देइ सयं । तओ नियत्तो सुणेइ वीयभए नगरे जिण-पडिमं गोसीस

15 चन्दण-मइयं । तव्वन्दओ एइ वन्दइ । तत्थ पडिल्लमो देवदत्ताए  
पडियरिओ । तुट्ठेण य से ताओ गुलियाओ दिन्नाओ ।

सो य पव्वइओ ।

अन्नया गुलियमेगं खाइ भे कणगेण सरिसो वण्णो होउ-त्ति ।

तओ जाय-परम-रूवा धन्त-कणग-सरिस-वण्णा जाया; सुवण्ण-

20 गुलिय-त्ति तीए नामं जायं । पुणो सा चिन्तेइ भोगे भुञ्जामि; एस

राया ताव मम पिया, अन्ने य गोहा । ताहे पज्जोयं रोएइ । तं

माणसी-काउं गुलियं खाइ । तस्स देवयाए कहियं 'एरिस रूववइ-

त्ति' । तेण सुवण्णगुलियाए दूओ पेसिओ । तीए भाणियं 'पेच्छामि

ताव तुमं' । सो नल्लगिरिणा रत्ति आगओ दिट्ठो तीए अभिरुइओ ।

25 सा भणइ 'जइ पडिमं नेसि, तो जामि । ताहे पडिमा नत्थि तट्टाण

ठावण-जोग-त्ति रत्ति वसिऊण पडिगओ; अन्नं जिण-पडिम- रूवं

काऊण आगओ । तत्थ ठाणे ठवित्ता जियन्तसामिं सुवण्णगुलियं



- च गहाय उज्जेणिं गओ । तत्थ नलगिरिणा मुत्त-पुरीसाणि मुक्काणि ।  
 तेण गन्धेण हत्थी उम्मत्ता तं च दिस्सिं गन्धो एइ; जाव पलोइयं,  
 नलगिरिस्स पयं दिट्ठं । किं-निमित्तं आगओ-त्ति । जाव चेडी न दीसइ ।  
 राया भणइ ‘ चेडी नीया नाम, पडिमं पलोएह ! नवरमच्छइ निवेइयं ।  
 5 तओ राया अच्चण-वेलाए आगओ पेज्जइ पाडिमा-पुप्फाणि मिलाणाणि ।  
 तओ निव्वण्णन्तेण नायं पाडिरूवगं-ति, हरिया पाडिमा तओ तेण पज्जायस्स  
 दूओ विसज्जओ न मम चेडीए कज्जं, पाडिमं विसज्जेह ! सो न देइ ।  
 ताहे पहाविओ जेट्ठ-मासे दसहिं, राईहिं समं । उत्तरन्ताण य मरुं खन्ध-  
 वारो तिसाए मरिउमारद्धो । रन्नो निवेइयं । तओ तक्खणेण पभा-  
 10 वई चिन्तिया आगया । तीए तिणिण पुक्खराणि कयाणि अग्गिमस्स  
 पच्छिमस्स मज्झिमस्स य । ताहे आसत्थो गओ उज्जेणिं । भणिओ  
 रत्ता ‘ किं लोएण मारिएण ! तुज्जं य मज्जं य जुज्जं भवउ, आसेहिं  
 रह-हीत्थपाएहिं वा, जेण रुच्चइ तव’ । पज्जोओ भणइ ‘ रहेहिं  
 जुज्जामो’ । ताहे नलगिरिणा पडिकप्पिएणागओ, राया राहेण ।  
 15 तओ रन्ना भणिओ ‘ असच्चसन्धो सि, तहा वि ते नत्थि मोक्खो ।  
 तओ णेण रहो मण्डलीए दिन्नो । हत्थी वेगेण पच्छओ लमो ।  
 सो य करी जं जं पायं उक्खवइ, तत्थ उदायणो सरे छुभइ, जाव  
 हत्थी पाडिओ । ओयरन्तो बद्धो पज्जोओ । निटाले य से अंको  
 कओ ‘ दासी-पइ-त्ति’ । उदायणराया य पच्छा नियय-नयरं पहा-  
 20 विओ । पाडिमा नेच्छइ । अन्तरावासेण उ रुद्धो ठिओ । ताहे  
 खन्दय भएण दस वि रायाणो धूली-पायारे करेत्ता ठिया । जं  
 च राया जेमेइ, तं च पज्जोयस्स वि दिज्जइ । नवरं पज्जो-  
 सवणाए सूएण पुच्छिओ ‘ किं अज्ज जेमेसि ? ’ ।  
 सो चिन्तेइ ‘ मारिज्जामि’ । ताहे पुच्छइ ‘ किं अज्ज पुच्छिज्जामि ? ’  
 25 सो भणइ ‘ अज्ज पज्जोसवणा, राया उववासिओ’ । सो भणइ  
 ‘ अहं पि उववासिओ, मम वि मायावित्ताणि  
 संजयाणि; न-याणिहं मया, जहा अज्ज पज्जोसवणं-ति । रन्ना  
 कहियं ‘ जाणामि, जहा सो धुत्तो; किं पुण मम एयंमि बद्धेए

पज्जोसवणा चेव न सुज्झइ । ताहे मुक्को खामिओ य । पट्ठो य सोवण्णो ताणक्खराण छायणनिमित्तं बद्धो । सो य से विसओ दिन्नो तप्पभिर्ई पट्टबद्धया रायाणो जाया, पुवं मउडबद्धो आसि । वित्ते वासा-रत्ते गओ राया । तत्थ जो वणियवग्गो आगओ, सो 5 ताहिं चेव ठिओ । ताहे तं दसपुरं जायं ।

तए णं से उदायणे राया अन्नया कयाइ पोसह-सालाए पोसहिए एगे अभीए पक्खियं पोसहं सम्मं पडिजागरमाणे विहरइ । तओ तस्स पुव्वरत्तावरत्त-काल-समयंसि जागरियं करेमाणस्स एयारूवे अज्झ-त्थिए समुप्पज्जित्था 'धन्ना णं ते गाम-नगरा, जत्थ णं समणे वीरे 10 विहरइ, धम्मं कहेइ; धन्ना णं ते राईसर-पभिर्ईओ, जे समणस्स महावीरस्स अन्तिए केवलि-पन्नत्तं धम्मं निसामेन्ति, एवं पञ्चाणुव्वयं सत्त-सिक्खावइयं सावग-धम्मं दुवालस-विहं पडिवज्जन्ति' एवं मुण्डा भवित्ता आगाराओ अणगारियं पव्वयान्ति । तं जइ णं समणे भगवं महावीरे पुव्वाणुपुव्विं दूइज्जमाणे 15 इहेव वीयभए आगच्छेज्जा, ता णं अहमवि भगवओ अन्तिए मुण्डे भवित्ता जाव पव्वएज्जा । तए णं भगवं उदायणस्स एयारूवं अज्झ-त्थियं जाणित्ता चम्पाओ पडिनिक्खमित्ता, जेणेव वीयभए नयरे, जेणेव मियवणे उज्जाणे, तेणेव विहरइ । तओ परिसा निग्गया उदायणे य । तए णं उदायणे महावीरस्स अन्तिए 20 धम्मं सोच्चा हट्टु-तुट्टु एवं वयासी 'जं नवरं जेट्टु-पुत्तं रज्जे अहिसिञ्चामि, तओ णं तुब्भं, अन्तिए पव्वयामि' । सामी भणइ 'अहासुहं, मा पडिबन्धं करेहि ! तओ णं उदायणे आभिओगियं हत्थि-रयणं दुरुहित्ता सए गिहे आगए । तओ उदायणस्स एयारूवे अज्झत्थिए जाए, जइ णं अभिइं कुमारं रज्जे ठवित्ता पव्वयामि, तो 25 अभिर्ई रज्जे य रट्टे य जाव जणवए य माणुस्सएसु य काम-भोगेसु मुच्छिए अणाइयं अणवयग्गं संसार-कन्तारं अणुपरियट्ठिस्सइ । तं सेयं खलु मे नियगं भाइणेज्जं केसिं कुमारं रज्जे ठवित्ता पव्वइत्तए ।

एवं संपेहेत्ता सोभणे तिहि-करण-मुहुत्ते कोडुम्बिय-पुरिसे य सद्दा-  
वेत्ता एवं वयासि ' खिप्पामेव केसिस्स कुमारस्स राया-भिसेयं उव-  
ट्टवेह ! 'तहो महिड्डीए अभिसित्ते केसी कुमारे राया जाए जाव'  
पसासेमाणे विहरइ । तओ उदायणे राया केसि रायं आपुच्छइ  
' अहणं, देवाणुप्पिया, संसार-भउव्विग्गो पव्वयामि' । तओ केसी

5 राया कोडुम्बियपुरिसे सद्दावेत्ता एवं वयासी; खिप्पामेव उदा-  
यणस्स रत्तो महत्थं महरिहं निक्खमणा-भिसेयं उवट्टवेह ! तओ  
महया-विभूर्इए अभिसित्ते सिवियारूढे भंगवओ समीवे गन्तूण पव्व-  
इए जाव बहूणि चउत्थ-छट्टम-दसम-दुवालस-मासइडमासा-ईणि  
तवोकम्माणि कुव्वमाणे विहरइ ।

10 अन्नया य तस्स अन्तपन्ताहारस्स वाही जाओ । सो वेज्जेहिं  
भाणिओ 'दाहिणा भुञ्जाहि' सो किर भट्टारओ वइयाए अच्छिओ ।  
अन्नया वीयभयं गओ । तत्थ तस्स भागिणेज्जो केसी राया तेणं  
चेव रज्जे ठाविओ । केसी कुमारो अमच्चेहिं भाणिओ 'एस परीसह-  
पराइओ रंज्जं मग्गइ' । सो भणइ 'देमि' । ते भणन्ति 'न एस राय-

15 धम्मो । वुग्गाहोन्ति चिरेण; पडिसुयं । किं कज्जउ ? विसं से दि-  
ज्जउ; एगाए पसुवालीए धरे पउत्तं दाहिणा सह देज्जाहि-त्ति ।  
सा य दिन्ना, देवयाए अवहरियं, भणिओ य 'महरिसि, तुज्ज विसं  
दिन्नं, परिहराहि दाहिं !' सो परिहरइ । रोगो वड्डिउमा-रद्धो । पुणो  
य गहिओ । पुणो वि देवयाए अवहरियं । तइयं वारं दिन्नं, तं पि

20 अवहरियं । सा तस्स पच्छओ य हिण्डिया । अन्नया पमत्ताए देव-  
ञ्जाए दिन्नं । पुणो वि भुञ्जन्तो देवयाए निवारिओ ।

तओ से उदायणे अणगारे बहूणि वासाणि सामण्ण-परियागं  
पाउणित्ता सट्ठि भत्ताइं अणसणाए छेएत्ता, जस्सट्टाए कीरइ नग्ग-  
भावे मुण्ड-भावे, तमट्टं पत्ते जाव दुक्ख-पहीणे-त्ति ।

25 तस्स य सेज्जाययो कुम्भगारो । तम्मि कालगए देवयाए पंसु-वरिसं  
पाडियं । तो य अणवराहि-त्ति काउं सिणवल्लीए कुम्भकार-वेक्खो

नाम पट्टणं तस्स नामेण कयं । तत्थ सो अवहरिऊण ठविओ ।  
वीयभयं च सव्वं पंसुणा पेळ्ळियं । अज्ज वि पंसुओ अच्छइ ।

तए णं अभिई-कुमारस्स पुव्वरत्ता-वरत्त-काल-समयंसि एवमज्झ-  
त्थिए जाए 'अहं उदायणस्स जेड्ड-पुत्ते पभावईए अत्तए; मं रज्जे अ-  
ट्ठावेत्ता केसिं रज्जे ठावेत्ता पव्वइए । इमेणं माणुसेणं दुक्खेणं अभिभूए

- समाणे वीयभयाओ निग्गाच्छित्ता चम्पाए कोणियं उवसंपज्जित्ताणं  
5 विउल-भोग-समन्नागए यावि होत्था । से णं अभिई कुमारे समणो-  
वासए अभिगय-जीवा-जीवे उदायणेणं रत्ता समणुबद्धं—वेर यावि  
होत्था । तओ अभिई कुमारे बहूइं वासाइं समणो-वासग-परियागं  
पाउणित्ता अद्धमासियाए संलेहणाए तीसं भत्ताइं छेएत्ता तस्स ठाण-  
स्सा णालोइय-पडिक्कन्ते कालं किच्चा असुरकुमारत्ताए उववन्नो ।  
10 एगं पलिओवमं ठिई तस्स; महाविदेहे सिज्झिहि-त्ति ।



## ३. सणकुमार



- अत्थि इहेव भारहे वासे कुरुजंगले जणवए हत्थिणाउरं नयरं ।  
तत्थ कुरु-वंसे आससेणो राया, सहदेवी भारिया, चौइसमहासु-  
मिण-सूइओ चउत्थ-चक्कवट्टी सणकुमारो नाम । सो सह पंसुकी-  
लिएण सूर-कालिन्दी-तणएण महिन्दसीहेण सह गहिय-कला-  
5 कलावो जोव्वणमणुप्पत्तो । अन्नया वसन्तमासे रायउत्त-नागरय-  
सहिओ गओ कीलणत्थमुज्जाणं । कीलिउण य तत्थ विसिट्ठ-  
कीलाहिं आस-परिवाहणत्थं आरूढा तुरंगमेसु रायकुमारा । सण-  
कुमारो वि जलहिकल्लोलाभिहाणं तुरंगमारूढो । मुक्का समकाल-  
मासा । तओ विवरीय-सिक्खत्तणओ पंचमधाराए लग्गो कुमार-  
10 तुरंगमो अहंसणी-हूओ खण-मेत्तेण । लग्गो विन्नाय-वुत्तन्तो राया  
सपरियणो मग्गे । एत्थन्तरंमि लग्गो चण्ड-मारुओ । तेण मग्गे  
तुरय-पय मग्गे । महिन्द-सीहेण विन्नत्तो राया 'नियत्तउ महाराओ;  
अहं कुमार-सुद्धिं लहिउण वल्लिस्सं' । नियत्तो राया । महिन्द-  
सीहो वि लग्गो अणुमग्गेण कुमारस्स । पविट्ठो भसिणं महाडइं ।  
15 हिण्डन्तस्स अइगयं वरिसमेगं । एगदिवसंमि य गओ थेवं भूमि-  
भागं । ताव निसुओ सारस-रवो, अग्घाइओ अरविन्द-परिमलो,  
पयट्ठो तय-भिमुहं, दित्थं च सर-वरं, निसुओ महुरो गीय-वेणुरवो ।  
हरिसुप्फुल्ल-लोयणो जाव गच्छइ, ताव पेच्छइ तरुणी-यण-मज्झ-  
संठियं सणकुमारं । विम्हिय-माणसो चिन्तेइ 'किं मण-विब्भमो एस,  
02 किं वा सच्चं चेव एस सणकुमारो ?' वियप्पन्तो जाव चिट्ठइ, ताव  
पदियं बन्दिणा

जय आससेण-नहयल-मयंक कुरु-मवण लग्गणे सग्गम्भ ।

जय तिहुयण-नाह सणकुमार जय लद्धमाहप्प ॥

तओ सणकुमारो-त्ति कय-निच्छओ महिन्द-सीहो । पमोयाऊ-

३ प्रा. क. सं.

- रिय-माणसो य अपुप्वरसन्तर-मणुहवन्तो गओ सणंकुमास्-दंसण-  
पहं । दूराओ चैव सणंकुमारेण परियाणिऊण अब्भुट्ठिओ । पाय-  
वडणुट्ठिओ य उवउदो गाढं । दुवे वि पमोयाऊरिय-माणसा उवावट्ठा  
दिन्नासणेसु । विज्जाहर-लोगो य उवसन्त-गेयाइ-कलयलो पासेसु  
5 अह्णीणो । तयणन्तरं च फुसिऊण आणन्दजलभरियं नयणजुयलं भाणियं  
सणंकुमारेण 'वयंस, कहं तुममेगागी एत्थ भीसणा-रण्णे आगओ,  
कहं च एत्थ-हिट्ठो वियाणिओ हं, किं वा करेइ मम विरेहे  
महाराओ अम्बा य? कहियं जहा-वत्तं माहिन्द-सीहेण । तओ मज्जा-  
विओ वर-विलासिणीहिं माहिन्द-सीहे । कयमुचिय-करणिज्जं' ।  
10 भोयणा-वसाणे य पुट्ठो णेण सणंकुमारो, जहा 'कुमार, तुरंगमेण  
अवहरिओ तुमं तथा कहिं गओ, कहिं ठिओ, कत्तो वा एरिसी  
रिद्धी?' सणंकुमारेण चिन्तियं: न जुत्तं निय-चरिय-कहणं निय-  
मुहेण सप्पुरिसाणं, ता कहावेमि परमुहेणं । तओ भाणिया कन्ना-  
सय-मज्झ-गया परिणीया खयरिन्द-धूया निय-दइया वउलमई 'पिए,  
15 नीसेसं मह वइयरं विज्जाए आभोएऊण साहेसु माहिन्दसीहस्स;  
मम पुण निद्दाए घुम्मान्ति लोयणाइं-'ति भणिऊणुववन्नो रइहरे ।  
वउलमई वि साहिउमाढत्ता कुमार-चरियं ।  
तत्थ तथा तुम्ह नियन्ताण चैव अस्सेणावहरिओ कुमारो  
पवेसिओ तेण घौराए अडविए । बीय-दियहे वि तहेव वच्चन्तस्स  
20 आसस्स जाओ मज्झण्हसमओ । खुहा-पिवासाउलेण य आसेण  
निह्णालिया जीहा, उद्धट्ठिओ चैव सासाऊरिय-गले, थक्को, उत्त-  
रिओ कुमारो । छोडिया पट्टाढा, ऊसारियं पट्टाणं, जाव घुम्मिऊण  
निवाडिओ आसो, मुक्को अकज्ज-कारि-त्ति कलिऊणं पंच-पाणेहिं ।  
तं बुक्कपेसणं च मोत्तूण गओ कुमारो, उदयण्णेसण-परायणो य  
25 हिण्णिडउमाढत्तो । न कहिं पि आसाइयमुदयं । तओ दीहद्धाणयाए  
सुकुमारयाए य मज्झण्ह-कालत्तणओ य दव-दइयाए य रण्णस्स  
अईव हल्लोहली-हूओ । दूर-देसंमि दइण सत्तच्छयं पहाविओ

- तयभिमुहं, पत्तो य तस्स छायाए उवविट्ठो, पडिओ लोयणे  
 भंजिऊण धरणीए । एत्थन्तरंमि य तप्पुण्णाणुभावेणं तन्निवासिणा  
 जक्खेण आणेऊण सिंसिर-सीयलं जलं सित्तो सव्वंगेसु आसासिओ ।  
 लद्धचेयणेण य पीयं सलिलं । पुच्छिओ तेण सो 'को तुमं, कत्तो  
 5 वा एयमाणियं सलिलं'ति । तेण भाणियं 'अहं जक्खो एत्थ निवासी;  
 सलिलं च माणस-सरवराओ तुह निमित्तमाणियं' । तओ कुमारेण  
 भाणियं 'एस मह संतावो परं माणससर-मज्जेण जइ अवगच्छइ-'  
 त्त । तं साऊण भाणयं 'अहं संपाडेमि भवओ मणोरहं'ति भाणिऊण  
 काऊण करयल-संपुडे नीओ माणससरं, मज्जिओ विहिणा । तत्थ  
 10 य वसणावडियं-ति काऊण कुद्धेण वेयडु-वासिणा असियक्ख-  
 जक्खेण सह जुज्झं संवुत्तं । तेण य पढं गुरु-सक्करोह-निब्भरो  
 मोडिय-तरुवरो पवणो मुक्को । तओ नहयलं बहुल-धूलीए अन्धा-  
 रियं । तओ विमुकट्टट्टहासा जलिय-जलण-पिंगल-केसा महुणित्त-  
 जाला-कराल-पिसाया मुक्का । जाहे तेहिं नं भीओ, तओ मुक्क-  
 15 नयण-जाला-फुलिगेहिं नागपासेहिं बद्धो । तओ जुण्ण-रज्जू इव  
 तेण ते तोडिया-दडु-कर-घाएहिं लग्गो । तओ मुडि-पहारणे  
 खण्डाखण्डि कओ । पुणो वि रक्खसेण गुरु-मच्छरेण घणलोह-  
 जडिय-मोगरेण हओ वच्छत्थले कुमारो । तेणावि महाकाय-  
 चन्दण-तरुं उम्मूलिऊण अत्थोडिओ उडुं वट्टन्तो उरुएसु; छिन्न-  
 20 दुमो-व्व पडिओ भूमीए । तओ रक्खसेण दूर-मुक्खिविऊण गिरि-  
 वरो कुमारस्सो वरिं मुक्को । तेण दढपीडियंगो जाओ निच्चेयणो  
 कुमारो । लद्ध-सत्तो य तेण समं बाहु-जुद्धेण लग्गो । कुमारेण  
 कर-मोगाराहओ सयसक्करो व्व कओ । अमरो-त्ति काउं न मओ;  
 विरस-मारडिऊण नट्ट । कोउग-दंसणत्थ-मागएहिं देव-विज्जा-  
 25 हरेहिं पुप्फ-वुट्ठी 'मुक्का अहो जिओ जक्खो कुमारेणं'ति ।  
 तओ जिणिऊण रक्खसं पच्छिम-दिसाए गए सुरे उव्वलिओ  
 सरवराओ अज्जउत्तो, गओ थेवं भूमि-भागं । दिट्ठाओ तत्थ नन्दण-

- वणस्स मज्झ-गयाओ मणोरमाओ अट्ट दिसा-कुमारीओ-व्व दिव्वाओ  
 भाणुवेग-विज्जाहर-धूयाओ । पलोइओ ताहिं ससिणद्धिाए दिट्ठीए  
 सो । तेण वि चिन्तियं काओ पुण इमाओ-त्ति पुच्छामि  
 उवसप्पिऊणं । गओ तासिं समीवं । पुच्छियं महुर-वाणीए एक्कं  
 5 कन्नग-मुद्दिसिऊण, 'काओ तुब्भे, किं-निमित्तं इमं सुण्णमरण्णमालं-  
 कियं तुब्भेहिं ?' ताहिं भाणियं 'इओ नाइदूरंमि पियसंगमाभिहाणा  
 अन्ह पुरी अत्थि । ता तुमं पि तत्थेव ताव वीसमसु'-त्ति भणिऊण  
 किंकर-दरिसिय-मग्गो पयट्ठाविओ अज्जउत्तो । अत्थमिओ य रवी,  
 पत्तो य नयरिं, नेयाविओ य ताहिं कंचुइणा राय-भवणं, दिट्ठो य  
 10 राइणा अब्भुट्ठिओ य । कयमुचियं करणिज्जं । भाणिओ य भाणुवेग-  
 राइणा, 'जहा महा-भाग, मह इमाओ अट्ट कन्नगाओ; एयासिं च  
 तुमं पुवं चेव अच्चिमालिणा मुणिणा वरो आइट्ठो; जहा जो असि-  
 यक्खं जक्खं जिणिस्सइ, सो एयासिं मत्त-त्ति । ता परिणेषु इमीओ !  
 अज्जउत्तेणा वि तह-त्ति पडिवज्जिऊण सव्वमणुट्ठियं । तओ पउत्तो  
 15 वीवाहो, बद्धं कंकणं, सुत्तो य रइ-भवणंमि ताहिं सद्धिं पल्लंके ।  
 जाव निदा-विरमंमि भूमीए अप्पाणं पेच्छइ, चिन्तियं च तेण किमे-  
 यमिति । पेच्छइ य करे कंकणं-त्ति । तओ अविसण्णमणो गन्तुं  
 पयट्ठो । दिट्ठं च रण्णमज्झंमि गिरि-वर-सिहरे मणिमय-खम्भपइट्ठियं  
 दिव्वं भवणं । तेण 'चिन्तियं' इयं पि इन्दियालप्पायं भविस्सइ' ति ।  
 20 गओ य तयासन्ने इत्थिए करुण-सरेणं रुयन्तीए सइं निसामेइ ।  
 पविट्ठो य भवणं गय-भओ, दिट्ठा य सत्तम-भूमियाए दिव्व-कन्नगा  
 करुणेणं सरेणं रुयन्ती भणन्ती य 'कुरु-कुल-नहयल-मयलञ्छण सणं-  
 कुमार अन्न-जम्मंमि वि महं तुमं चेव नाहो होज्जसु'-त्ति भणन्ती  
 पुणो पुणो रोविउमारद्धा । तओ दिन्नासणेण निय-नामासंकिएण  
 25 पुच्छिया अज्जउत्तेण 'किं तुमं तस्स सणंकुमारस्स होसि, जेण तए  
 एयस्स सरणं पडिवन्नं' ? तीए भाणियं 'सो भत्ता भणोरह-मेत्तेणं-ति,  
 जेणा हं साकेय-पुर-नरिन्देण सुरहेण चन्दजसा-जणणीए इट्ठा धूय-  
 त्ति काऊण धूया-नीय-तडीय-चित्तफल-रूव-विमोहिया तस्स पुवं



- उदय-दाणेण दिन्ना. न य वित्तो विवाहो-त्ति । ताव य अहमेगेण विज्जाहरकुमारेण कुट्टिम-तलाओ इहमाणिया । गओ य सो इमंमि विज्जा-विउरुव्विए धवलहेर मं मोत्तूण कंहं पि । जाव एवं जंपइ सा कन्नगा, ताव य तेण असणिवेग-सुय-विज्ज-वेगेण विज्जाहराह-मेण आगन्तूण उक्खित्तो गयण-मंडलं अज्जउत्तो । तो सा हाहा-
- 5 रवं कुणमाणीं मुच्छा-पराहीणा निवडिया धरणीवट्टे । ताव य मुट्ठि-प्पहारेण वावाइऊण तं दुट्ठ-विज्जाहरं समागओ अक्खय-सरिरो तीसे समीवमज्जउत्तो । समासासिया ( साहिओ निय वुत्तन्तो तेण ) विवाहिया य । सा य सुणन्दाभिहाणा इत्थी-रयणं भविस्सइ । थेव वेलाए य समागया वज्जवेग-भगिणीं संज्ञावली नाम, वावाइयं च
- 10 दट्टूण भाउयं कोवमुवगया । पुणो वि सुमरियं नेमित्तिय वयणं, जहा भाइ-वहगस्स भज्जा होही, अज्जउत्तं विवाहत्थमुवट्टिया । सा वि तस्सा णुमईए तहेव वीवाहिया ।

- एत्थन्तरे समागया अज्जउत्त-समीवं दुवे विज्जाहरा । पणामपु-व्वयं भणियं तेहिं 'देव, असणिवेगो विज्जाहर-बलेण जाणिय-पुत्त-
- 15 मरण-वुत्तन्तो तुम्हो वरिं समागच्छइ । अओ चन्दवेग भाणुगेहिं पोसिया अम्हे हरिचन्द-चन्दसेणा-भिहाणा निय-निय पुत्ता; रहो सन्नाहो य पोसिओ; अम्ह पियरो वि तुम्ह चलण-सेवा निमित्त पएसं पत्ता चेव । तयणन्तरं च समागया चन्दवेग-भाणुवेगा अज्ज-उत्त-सहेज्ज निमित्तं । संज्ञावलीए दिन्ना पन्नत्ती विज्जा । तओ
- 20 अज्जउत्तो चन्दवेग-भाणुवेगा य निय-विज्जाहर-बल-समेया असाणि-वेग-बलेण समं जुजुज्झिउं पयत्ता । तओ भग्गसु दोसु वि बलेसु अज्जउत्तस्स असणिवेगेण समं महा-जुज्जे समावाडिए तेण मुक्कं महोरगत्यं; तं च कुमारेण गरुल सत्थेण विणिहयं । पुणो मुक्कं जेण अग्गेयत्थं, तं पि कुमारेण वारुणत्थेण पाडिहयं । पुणो वि मुक्कं
- 25 वायव्वं, तं पि सेल्लत्थेण पाडिपोहियं । तओ गहिय-गण्डीवो नाराए मुचन्तो पहाविओ सो । कुमारेण निज्जीवं कयं तस्स चावं ।

- पुणो कड्डिय-मण्डलगो उट्टिओ; कुमारेण तस्स करो छिन्नो ।  
 तओ बाहु-जुज्झं इच्छन्तो आगओ; कुमारेण वि चक्रेण पुद्धविगलं  
 सरीरं कयं । तओ तक्खणमेवा-सणिवेग-विज्जाहर-रायलच्छी सयल-  
 विज्जाहर-समेया सणंकुमारं संकन्ता । तओ हन्तूण असाणिवेगं  
 थुव्वन्तो चन्दवेग-पमुहेहिं नभाओ रहेण विज्जाहर-सहिओ ओय-  
 5 रिओ पासाय-वडिसए, दिट्ठो य तत्थ हरिसियाहिं सुणन्दा-संज्ञाव-  
 लीहिं, वुत्तो य ताहिं 'अज्जउत्त, सायगं'-ति । तओ लद्ध-जया गया  
 वेयडुं अणेग-विज्जाहर-विज्जाहरी-लोग-परिगया मंगल-तूर-रवाऊ-  
 रिज्जमाण-दियन्ता, पविट्ठा नियय-मन्दिरेसु । कओ य सणंकुमा-  
 रस्स सयल-विज्जहर-राया-भिसेओ । तओ सुहं सुहेण अच्छन्ति ।  
 10 अन्नया य चन्दवेगेण विन्नत्तो चक्की, जहा 'देव' मज्झ मुणिणा  
 अज्जिमालिणा सिट्ठं, जहा तुह एयं कन्नासयं, भाणुवेगस्स अट्ठ  
 कन्नाओ चक्की परिणेही; सो य सणंकुमार-नामा चउत्थो चक्क-  
 वट्ठी जिणेहिं समाइट्ठो, सो य इओ मास-मेत्तेण एही माणस-सर-  
 वरंति । तत्थ मज्जणुत्तिणं वसणावडियं-ति नाउण असि-यक्खो  
 15 नाम जक्खो पुव्व-भव-वेरी दच्छिही । कहं सो पुव्व-भव-वेरी ? भणइ ।

- अत्थि कंचणपुरं नाम नयरं । तत्थ विक्क-मजसो नाम राया,  
 तस्स पच्च अन्तेउर-सयाइं । तत्थ नागदत्तो नाम सत्थवाहो । तस्स  
 रूवजोव्वण-लायण-सोहम्म-गुणेहिं सुर-सुन्दरीण वि अज्झहिया  
 विण्हुसिरी नाम भज्जा । सा विक्कमजसेण कहिंचि दिट्ठा । मयणाउ-  
 20 रेण अन्तेउरे वूढा । तओ नागदत्तो तव्विओए 'हा पिए चन्दा-  
 णणे, कत्थ गया ? देहि मे दंसणं'-ति । एवं विलवन्तो डिम्भ-परि-  
 गओ उम्मत्तीभूओ कालं गमेइ । तओ य सो विक्कमजसो राया  
 अवहत्थिय रज्ज-कज्जो अगणिय-जणा-ववाओ अवमन्निय-वर-तरुणि-  
 पंच-सयावरोहो तीए विण्हुसिरीए समं अच्चन्त-रइ-पसत्तो कालं  
 25 गमेइ । अन्नया ताहिं अन्तेउरियाहिं रत्ता परिभूयाहिं ईसा-परव्व-

- साहिं कम्मण-जोगेण विणिवाइया विण्हुसिरी । तओ राया तीए मरणेण अच्चन्त-सोगाउरो अंसु-जल-भरिय-नयणो, जहा नागदत्तो तहा उम्मत्तीं-भूओ । विण्हुसिरी-कलेवरं न दहिउं देइ । तओ-मन्तीहिं मन्तिऊण रायाणं वंचिय रण्णे कलेवरं नेऊण छड्डियं । राया तमपच्छेन्तो परिहरिय-पाण-भोयणो ठिओ तिण्णि दिणे ।
- 5 मन्तीहिं: अदिट्टे तंमि मरइ-त्ति कलिऊण नीओ रण्णं । दिट्टुं च तं राइणा गलन्त-पूइ-निवहं सुलुसुलेन्त किमि-जालं वायसायाड्डिय नयण-जुयलं खग-चण्ड-तुण्ड-खण्डियं दुरभि-गन्धं । तं पेच्छिय कलेवरं राया तक्खणेण सज्झस-परव्वसो अप्पाणं निन्दिउमाडत्तो, 'कहं जस्स कए, रे जीव, कुलं सीलं जाई जसो लज्जा य परिच्चत्ता, तत्थ
- 10 एरिसी अवत्था जाया ? तओ वेरग्ग-मग्ग-वडिओ रज्जं रट्टं पुर-मन्तेउरं च सयण-वग्गाइ परिचइय तिणामिव सुव्वयायरिय-समीवे निक्खन्तो । तओ चउत्थ-छट्टुमाइ-विचित्त-तवोकम्मेहिं अप्पाणं भाविय संलेहणा-पुव्वं गओ सणकुमार-कप्पं । आउ-क्खए रयणपुरे सेट्टिसुओ जिणधम्मो नाम जाओ । सो य जिण-वयण-भाविय-मई
- 15 सम्मत्तमूलं दुवालस-विहं सावग-धम्मं पालेन्तो जिणिन्द-पूया-रओ कालं गमेइ । इओ य सो नागदत्तो पिया-विरह-दुक्खिओ नट्टु-चित्तो गुरु-अट्ट-ज्झाण-परिखविय-सरीरो मरिउं बहु-तिरिय-जोणीसु भमिऊण सीहउरे नयरे अगिसम्मो नाम बम्मण-सुओ जाओ । कालेण य तिडण्डिय-वयं घेत्तुं दोमास-खमणाइ-तवो-रओ
- 20 रयणपुरं आगओ । तत्थ हरिवाहणो नाम राया भगवय-भत्तो । सो तेण तत्थागओ नाओ, जहा: एत्थ कोविमहा-तवस्सी आगओ । पारणय-दिणे राइणा निमन्तिओ घरमागओ । एत्थन्तरे जिण धम्मो सावगो तत्थ देव-जोगेण आगओ । तं दट्टुं पुव्व-जाय-जव्व-वेरेण मुणिणा रोसारुण-लोयणेण राया भणिओ 'जइ ममं भुञ्जा-
- 25 वेसि, तो इमस्स सेट्टिस्स पिट्ठीए उण्ह-पायसं पत्तीए भुञ्जावेहे !

- रत्ना मणिओ 'अन्न-पुरिस-पिट्टीए भुञ्जावेमि' । तओ मुणिणा वि जम्मन्तर-जणिय-वेराणुबन्धेण वुत्तो राया 'नअन्नहा जेमेमि' । तओ रत्ना अणुरागेण पडिवन्नं । सेट्ठी वि पुंढि-ट्टिय-पत्तिदाहं 'दक्कय कम्म-फलमेवमुवट्ठियं-ति मन्नमाणो सम्मं सहइ' । तओ भुत्ते ससोणिय-
- 5 प्हारुमंस-वसा-पट्ठीओ उक्खया पत्ती । तओ घरं गओ सम्म णिऊण सयण-वग्गं खामेऊण य चेइय-पूयं काऊण घेत्तूण समण-दिक्खं निग्गओ नयरओ, गओ गिरि-सिहरे । तत्थ अणसणं काऊण पुव्व-दिस-मद्धमासं काउस्सग्गेण ठिओ, एवं सेसासु वि दिसासु अद्धमासं अद्ध-मासं । तओ पिट्ठीए गिद्ध-काय-सिवाईहिं खज्जन्तो
- 10 पीडं सम्म सहिय नमोक्कारपरो मरिउं सोहम्म-कप्पे इन्दो जाओ । भगवो वि तस्सेव वाहणं एरावणो जाओ । तेण आभिओ-गिय-कम्मणा तओ एरावणो चुओ, नर-तिरिएसु हिण्डिय असि-यक्खो जक्खो जाओ । सक्को वि तओ चुओ हत्थिणाउरे नयो सणकुमार-चक्की जाओ । एयं च वेर-कारणं-ति ।
- 15 तं मुणिणा एवं सिट्ठे मए तुह अन्तरवासनिमित्तं भाणुवेगं विसाज्जिय पियसंगम-पुरि निवेस-पुव्वं तुमं अट्ठ भाणुवेग-कन्नाओ विवाहाविओ मुक्को य कारणेणं तत्थेव 'कज्ज-समत्तीए सेवं करेहामो' त्ति । खमेज्जह अवराहं, जं मुक्को वणंमि ! ता विन्नवेमि 'मन्नह मे कन्ना-सयस्स पाणिग्ग-हणं-ति; ताओ वि तुम्हट्ठ वहुओ पेच्छन्तु
- 20 सामिणो मुह-कमलं'-ति । एवं होउ-त्ति मन्निए समागयाओ ताओ । महया-विभूर्इए विवाहियमज्जउत्तेण कन्ना-सयं । दसुत्तरेण देवी-सएण सहिओ भुञ्जए भोए । एवं वच्चइ कालो । अज्ज पुण अज्जउत्तेण एवं समाणत्तं, जहा 'गन्तव्वमज्ज, जत्थ जक्खेण सह जुज्झियं, तं सरं-ति । तओ एत्थागयाण मज्झ तुम्हेहिं सह पेच्छणयावसरे
- 25 दंसणं जायं-ति ।

एत्थंतरंमि उट्ठिओ सुह-पमुत्तो रइहराओ सणकुमारो । गया य महया-वडयरेण वेयडुं । विन्नत्तो य अवसरं लहिऊण महिन्द-

- सीहेण जहा 'कुमार, दुक्खेण तुह जणणि-जणया कालं गमेन्ति; ता तदंसणेणं कीरउ पसाओ अम्हारिस जणस्सत्ति विन्नत्ताणन्त-रमेव गया महया-गय-णिट्ठिय-नाणाविह-विमाण-हय-गयाइ-वाहणारूढ--विचित्त--वेसाहरण--भूसिय--विज्जाहर--वन्द्र--सम्मदेणं
- 5 हत्थिणाउरं-ति । आणन्दिया जणणि-जणया नायर-जणो य । तओ महया विभूइए रत्ता आससेणेण सणकुमारं पयइ सम-भेण रज्जमि अहिसिञ्चिऊण महिन्दसीहं सेणावइं निउञ्जिय धम्म-तित्थयर-तित्थे तहाविहाणं थेराणं अन्तिए पव्वज्जा-विहाणेणं सकज्जमणुट्ठियं ति । सणकुमारो वि परिवड्ढमाण-कोस-बल-सारो
- 10 विक्कन्तो रज्जमणुपालेइ । उप्पन्नाणि य चक्क-पमुहाणि चोइस वि रयणाणि नव निहीओ य, कया य तेसिं पूया । तयणन्तरं चक्क रयण-दंसिय-मग्गो मागह-वर-दाम-पभास-सिन्धु-खण्ड-प्पवायाइ कमेण भरहं उयविय वास-सहस्सेणागओ गयपुरं । दिट्ठो ओहिए सक्केण 'पुर्व्विं सुहम्मवइ मह सरिसो आसि'-त्ति । बन्धु-नेहेण आणत्तो
- 15 वेसमणो 'करेह सणकुमारस्स रज्जाभिसेहं, इमं च हारं वणमालं-छत्तं मउडं चामर-जुयं, कुण्डल-जुयं, दुस-जुयं, सीहासणं, पाउया-जुयं पाय-पीढं च पाहुडं ढोएज्जह । वत्तव्वं च तए जहा 'महाराय, सक्को तुम्हं वत्तं पुच्छइ ।' वेसमणो वि 'एवं होउ'-त्ति पाहुडं सक्क-विइण्णं वेत्तूण गओ गयपुरं । रम्भा-तिलोत्तमाओ य पेसियाओ सक्केण
- 20 अभिसेय-महसव-करणत्थं समाप्पियं पाहुडं । विन्नत्तो वेसमणेण चक्की 'तुम्हाभिसेय-निमित्तमम्हे सक्केण पेसिया, ता तं अणु मन्नह तुम्हे । एवं-ति पडिवत्ते चाक्किणा विउत्थियं जोयण-पमाणं मणि-पीढं । तस्सोवरि रयण-मय-मभिसेय-मण्डवं तम्मज्जे मणि-पीढिया तीए उवरि सीहासणं । तत्थ निवेसिय खीरोय-जलेण रयण-कणय-
- 25 कलसावज्जिएणं जय-जय-सइ-साम्मिस्स-गीय-रव-मुहलं अहिसित्तो-सुरेहि; पणच्चियाओ रम्भा-तिलोत्तमाओ । सव्वालंकार-विभूसियं करेत्ता पवेसिऊण महा-विच्छड्डेण गयउरं, गओ सुरलोयं धणयाइ-सुरयणो । चक्की वि भोए भुञ्जन्तो गमेइ कालं ।

प्रा. क. सं. ४

- अन्नया य सोहम्म-सभाए सिंहासणमत्थयत्थो सोहम्मिन्दो सोयामणि नाडयं पेच्छन्तो अच्छइ । एयम्मि अन्तरे एगो ईसाण-कप्पाओ संगमाभिहाणो देवो सोहम्मिन्द-पासे आगओ । तस्स य देह-प्पभाए सभा-ठिय-सव्व-देवाणं तेओ नट्ठो; आइच्चोदए चन्द-
- 5 गहा इव निप्पभा जाया सुरा । गए य तंमि सुरेहि विम्हिएहि सोहम्मिन्दो पुच्छिओ, जहा 'केण कारणेणं, सामि, इमस्स संगम-देवस्स बारसाइच्चोदयाहिओ तेओ'-त्ति । इन्देण भणियं 'इमेण पुव्व-भवे आयम्बिल-वद्धमाणो नाम तवो कओ'-त्ति । तओ देवेहि इन्दो पुणो वि पुच्छिओ, जहा 'अन्नो वि कोइ एरिस-तेय-रूव-संपन्नो किं
- 10 अत्थि'-त्ति । इन्देण भणियं, जहा 'हत्थिणाउरे कुरुवंसे अत्थि सणं-कुमारो नाम चक्कवट्ठी जस्स तेओ रूवं च देवाणं पि अहियम्-इति ।' तओ विजय-जयन्त-देवाअसद्दहन्ता बेम्भण-रूवेण गया तओ पडिहारेण मुक्कदारा पविट्ठा राय-समीवं । दिट्ठो य तेहि राया गन्ध तेल-अब्भंगण-किच्चं कुणन्तो । त्रिम्हिया सक्क-वण्णिय-रूव-सिरीओ
- 15 अहिययरं रूवाइ-संपयं दट्ठुं । पुच्छिया य रत्ता 'किमेत्थमागया ?' ते भणन्ति जहा 'तुम्ह रूवं तिहुयणे वि वण्णिज्जइ तद्दंसण-कोउगेणं ति' । पुणो वि रत्ता अइ-रूव-गन्विण्ण बुत्ता 'भो भो विप्पा ' किं मज्झ रूवं तुम्हेहिं दिट्ठुं! थेवं कालं पडिक्खह जाव अत्थाणं उव-विसामि ।' एवं ति जंपिय निग्गया दिया । चक्की वि लहुं माज्जिऊण
- 20 मण्डण-विहुसणं सिंगारं च काऊण उवविट्ठो सिंहासणे । वाहरिया दिया । ते सरारं दट्ठण विसण्णा । भणियं च तेहिं 'अहो मणुयाणं रूव-लावण-जोव्वणाणि खण-दिट्ठ-नट्ठाणि । तं सोऊण भणियं चक्किणा 'भो किमेवं तुम्हे वि सोयपरा मम सरारं निन्दह ?' तेहिं भणियं 'महाराय, देवाणं रूव-जोव्वण-तेया पढम-
- 25 समयाओ जाव छम्मासाउग-सेसं ताव अवाट्ठिया भवन्ति, तओ हीयन्ति; मणुयाणं पुणो ते य वट्ठमाणो भवन्ति जाव जीविय-मज्झो, तओ परेण हीयन्ति, तुम्ह पुण रूव-जोव्वण-सिरीए अच्छे-

- रयं दीसइ, जओ संपइ चेव सा खल-मेत्तिव्व नडा खणेण ।  
 रत्ता भणियं 'कहं तुम्हे जाणह ?' तेहिं परमत्थो सक्क-पसंसाइओ  
 सिट्ठो । विम्हिण्ण य केऊर-भूसियं बाहु-जुयलं पलोयन्तेण विच्छायं  
 दिट्ठं, वच्छत्थलं पि हार-विभूसियं विवण्णमुवलक्खियं । तं च पोच्छि-
- 5 ऊण चिन्तियं 'अहो अणिच्चया संसारस्स, असारया सरीरस्स,  
 एत्तियमेत्तेण वि कालेण रूव-जोव्वण-तेया पणट्ठा; ता अनुत्तो  
 भवे पडिबन्धो; अन्नाणं सरीर-मोहो; मुखत्तणं रूव-जोव्वणा-  
 भिमाणो, उम्माओ भोगासेवणं, गहो चेव परिग्गहो । ता उज्झऊण-  
 मेयं करेमि पर-लेय-हियं ति चिन्तिऊणमभिसित्तो रज्जे पुत्तो ।
- 10 अणुहरियं धीर तुमे चरियं निययस्स पुव्व-पुरिस्स ।  
 भरह-महा-नरवइणो तिहुयण-विक्रवाय-कित्तिस्स ॥  
 इच्चाइ उवबूहिऊण गया देवा । चक्की वि तक्खणमेव तणं  
 व पडिलग्गं उज्झिय सव्वं परिग्गहं रायायरिय-समीवे पव्वइओ ।  
 इत्थी-रयण-पमुहाणि सव्व-रयणाणि सेसर-मणीओ आभिओइय-सुरा
- 15 महा-नरिन्दा निहीओ सव्वहा, किं बहुणा, समत्थ-खन्धावार-वासिणो  
 वि जणा छम्मासे जाव मग्गाणुलग्गा, भरिया न सीहावल्लोइएणा  
 वि तेण सच्चविय ति । तओ छट्ठ-भत्तेण भिक्खा-निमित्तं गीयरं  
 पविट्ठस्स पढममेव चाणा-कूरं छलिया-तक्केण दिन्नं । तं भोत्तूण पुणो  
 वि छट्ठोववासो कओ । तक्काल-पभिई तेणेव दोसेण, कच्छू, जरो
- 20 सासो, सासो, भत्तच्छन्दो, अक्खि-दुखं, पोट्टुदुखं, एयाओ सत्त  
 वाहीओ दारुणाओ सम्मं वास-सए सत्त आहियासिय उग्ग-तवेतत्त-तवे  
 घोर-तवे करे माणस्स आमोसहि-खेलोसहि-विप्पोसहि-जल्लोसहि-सव्वो-  
 सहि पभिईओ लद्धीओ उप्पन्नाओ । तओ वि सरीर-पडियारं न  
 करेई । पुणो वि सक्केण पसंसिओ 'अहो सर्गकुमारस्स मुणिणो
- 25 धीरया ! वाहि-कयत्थिओ वि न करेइ तप्पडियारं' तमसद्दहन्ता  
 ते चेव देवा सवर-वेज्ज-रूवेणागया । भणियं च 'भयवं, तुह वाहि,  
 पसमं करेमो । भयवं तुण्हिक्को अच्छइ' । जाहे पुणो पुणो भणन्ति-  
 ताहे मुणिणा भणियं 'तुम्हे किं सरीर-वाहिं । फेडेह, उयाहु कम्प-

- वाहिं' ? तेहिं भाणियं 'सरीर-वाहिं' । तओ भयवया निट्टहणेण  
 वसिउण कणय-वण्णा कया अंगुली दंसिया; भाणियं च 'अहं सय-  
 मेवइयर वाहिं फेडेमि, तुम्हे जइ संसार-फेडण-समत्था, तो फेडेह-'  
 दो वि देवा विम्हिय-मणा 'तुम्हे चेव संसार-वाही फेडणे परम-वेज्ज'  
 5 ति पसंसिउण सक्क-सन्तियं वइयरमावेइउण देव-रूवेण पणामिउण  
 गया सट्ठाणं । भयवं च कुमारत्तं मण्डलियत्तं च पन्नास-पन्नासं  
 वास-सहस्साइ, 'वास-लक्खं च चक्कवट्ठित्तं, वास-लक्खं च सामण्णमणु-  
 पालेउण गओ सम्भेय-सेल-सिहरं । तत्थ सिलायले आलोयणा-  
 विहाणेण मासिण्ण भत्तेण कालगओ । सणकुमारे कप्पे उववन्नो;  
 10 तओ चुओ महाविदेह-वासे सिज्झाहि ति ।





## वम्भदत्त

—:—

- सोमे नयरे चण्डवडिसयस्स रत्तो पुत्तो मुणिचन्दो नाम आसि ।  
सो य निव्विण्ण-काम-भोगो सागरचन्दस्स अन्तिए पव्वइओ । अन्नया  
उमं पव्वज्जं करेन्तो, गुरूहिं समं विहरन्तो, देसन्तरं पयट्ठो,  
भिक्षवट्ठा गामं पविट्ठो, सत्थेण मुक्को, पच्छा अडवीए पब्भट्ठो ।  
5 तं पि तण्हा-लुहा-किलन्तं पेच्छन्ति चत्तारि गोवाल-दारगा । तं पडि-  
यरिय तओ तद्देसणाए पडिबुद्धा पव्वज्जं पडिवज्जिया । दो दुगञ्छं  
काऊण देवलोगं गया । तओ दसपुरे नगरे सण्डिल्लस्स माहणस्स  
जसमई-दासीए दो वि पुत्ता जमलगा तेणेव बम्भणेण जाया । अति-  
कन्त-बाल-भावा जोव्वणं पत्ता । अन्नया खेत्त-रक्खणट्ठा अडविं गया ।  
10 तत्थ वडपायवस्स हेट्ठा पमुत्ता वडकोट्टाराओ निग्गन्तूण डक्को भुय-  
ङ्गमेण एगो दारगो । बीओ वि सप्पोवलम्भ-निमित्तं भमन्तो तेणेवा-  
हिणा दट्ठो । तओ अकय-पडियारा दो वि मया सन्ता कालिञ्जर नगे  
मिगीए जमलत्तेण जाया । पुव्व-पीइ-संबन्धाओ आसन्नं चरन्ता वाहेण  
एगेण चैव सरेण दो वि बिणिवाइया । तओ मया गङ्गातीरे दो  
15 वि हंसा एगाए हंसीए गब्भंमि उववन्ना, जाया, कालकमेण अइ-  
कन्त-बाल-भावा । अन्नया तहेव समं भमन्ता एगेण मच्छबन्धेण  
एगाए पासियाए झत्ति गेण्हिऊण खन्धारं वालिऊण विणिवाइया ।  
तओ वाणारसीए नयरीए महाधण-समिद्धस्स भूयदिन्नाभिहाणस्स  
पाणाहिवइणो पुत्तत्ताए उववन्ना । तहेव अईव पीइ-संजुत्ता चित्त-  
20 संभूयनामाणो य भायरो जाया ।

इओ य तंमि विसए वाणारसीए सङ्को नाम राया, नमुईनामो य से  
मन्ती । अन्नया कह वि त्हाविहे खूणे जाए जण-पच्छन्नं वहट्ठयाए  
तस्स भूयदिन्नो पाणाहिवई आणत्तो राइणा । तेण वि पच्छन्नो  
विहिओ भणिओ य रक्खामि अहं तुमं, जइ भूमिहर-ठिओ मम

- पुत्ते पादेसि ' । जीवियत्थिणा पडिवन्नं तेण । तहा करेन्तस्स अइ-  
 कन्तो कोइ काले । अन्नया भूयदिन्नेण विन्नायं, जहा ' मम पत्ती  
 एण सह अच्छइ । मारेउमादत्तो चित्तसंभूएहिं ' उवयारि-त्ति  
 काऊण नासाविओ । पच्छा हत्थिणाउरे नयरे सणकुमारस्स चक्कव-  
 5 ट्टिणो मन्ती जाओ । इओ य तेहि वि चित्त-संभूय-मायङ्ग-दारएहिं  
 रूव-जोव्वण-लायण-नट्ट-गीयाइ-कला-पगरिस-पत्तेहिं विसरय-वेणु-  
 वणिा-सणाहं गन्धव्वं गायन्तेहिं सयलो वाणारसी-जणो हय-हियओ  
 कओ । अन्नया मयण-महूसवे जाए पवन्नासु नाणाविहासु लोगच-  
 च्चरीसु नच्चन्तेसु तरुण-तरुणी-गणेषु चित्त-संभूयाइ-पाणाणं पि चच्चरी  
 10 निग्गया । तओ तेसिं साइसयं गीयं नट्टं च सौऊण पसूण वि चित्त-  
 हरं सव्वो वि नयरी-लोगो विसेसओ तरुणी-जणो ताण समीवं  
 गओ । तओ पउर-चाउव्वेज्ज-लोएण ईसालुयाए . रायाणं विन्नविंयं,  
 जहा ' देव, एएहिं सव्वो वि लोगो विट्ठालिओ 'त्ति । निवारिओ  
 ताणं नयरी-पवेसो । गओ को वि काले । अन्नया कोमुई-महूसवमि  
 15 लोलिन्दियत्तणओ कोउहल-परा विस्सारिऊण राय-सासणं अग-  
 णिऊण निय-भूमिं पविट्ठा नयरिं । तओ पेच्छणयं पेच्छमाणाणं अइ-  
 रसओ कोलहुयरसिअं सोउं भञ्जेऊण वयणं निग्गयं गेयं । तओ  
 वत्थावगुण्ठियमुहा गाइउं पवत्ता एगंमि देसे । तओ तं समाय-  
 णिऊण सुइ-सुहं ताण गेयं समन्तओ परियरिया सव्व-लोगेणं,  
 20 भणियं च ' केण एयं किन्नराणुकारिणा महुरगेण अमयरसेणेव  
 सवणाण सोक्खमुप्पाइयं ? ' तओ कड्डिऊण उत्तरिज्जाइं पलोइयं मुहं  
 जाव ते चेव एए मायङ्ग-कुमारे-त्ति, तओ ' हण हण ' त्ति भण-  
 न्तेहिं पाय-प्पहार-चवेडाईहिं हम्ममाणा निग्गया नयरीओ, पत्ता  
 बाहिरुज्जाणं । तओ विसण्णा दुम्मणा चिन्तिउं पवत्ता ' धिरत्थु  
 25 अम्हाणं रूव-जोव्वण-कला-कोसल्लाइ-गुण-कलावस्स, जेण मायङ्ग-  
 जाइ-कलङ्क-मेत्तेण सव्वो सो दूसिओ, लोग-परिभूयाय जाय ' त्ति  
 गुरु-वेरगं गया । अकाहिऊणं बन्धवाणं मरण-कय-निच्छया पयट्ठा

- दाक्खिण-दिसामुहं । तओ दूर-देसन्तर-गएहिं दिट्ठो एगो गिरिवरो । तमारुहन्तोहिं एगंमि सिलायले विकिड-तव-सोसियङ्गो सुहज्जाणो-  
 वगओ वग्गारिय-पाणी काउस्सग्गेण आयावेमाणो दिट्ठो एगो महामुणी ।  
 तं पेच्छिय जाय हरिसा गया तस्स समीवं । तओ भत्ति-बहुमाण-  
 5 पुव्वयं वन्दिओ भयवं । तेण वि ज्ञाण-समत्तीए धम्म-लाभ-पुव्वयं  
 ' कुओ भवन्तो समागय'त्ति संभासिया । तेहि वि पुव्व-वुत्तन्त-  
 कहणा पुव्वं साहिओ निययाहिप्पाओ, जहा ' एत्थ गिरिवरो  
 पडणं क्रुरेमो ' । तओ महरिसिणा भणियं ' न जुत्तं तुम्हारिसाण  
 अणेग-सत्थावबोहावदाय-बुद्धीणं पागय-जण-चेट्टियं ति । करेह  
 10 सारीरमाणसाणेय-दुक्ख--बीय--भूय--कम्म--वण--दहण--सहं जिणिन्द-  
 पणीयं साहु-धम्मं'ति । तओ महा-वाहि-पीडिएहिं व आउरेहिं सुवे-  
 जस्स व निस्सङ्कियं पडिच्छियं तस्स वयणं, भणियं च ' देह, भयवं,  
 अम्ह निय-वयं ! तेण वि जोग्गत्ति कलिउण दिन्ना ताण दिक्खा ।  
 काल-क्कमेण य जाया गीयत्था । तओ छट्ठम-दसम-दुवालसद्धमास-  
 15 मासाइएहिं विचित्त-तवोकम्मेहिं अप्पाणं भावेमाणा गामाणुगामं विह-  
 रन्ता कालन्तरेण पत्ता हत्थिणाउरं । ठिया बाहिरुज्जाणे । अन्नया  
 मास-खमण-पारणए संभूओ साहू पविट्ठो नगरं । गेहाणुगेहं इरिया-  
 समिओ भमन्तो रायमग्गावडिओ दिट्ठो नमुइ-मन्तिणा, पच्चभिन्ना-  
 ओ, जहा ' एसो मायङ्गदारओ रत्तो अत्तेसिं च जाणावेसइ'-त्ति  
 20 अप्पभएण निय-पुरिसे पट्टविउण जट्ठि-मुट्ठि-लउड-पहारेहिं कयत्थिय  
 निद्धाडाविओ । तओ तस्स निरवराहस्स हम्मन्तस्स कोव-करालि-  
 यस्स तेओ-लेसा तेसिं डहण-निमित्तं मुहाओ निग्गया । तओ कसि-  
 णब्भ-पडलेहिं व धूम-निवहेहिं समन्ता अन्धयारियं नयरं । तओ  
 भय-कोउहलेहिं आगया नागरया वन्दिउं, सपरियणा पसाइउं  
 25 पयत्ता । सणकुमार-चक्कवट्ठी वि तप्पसायणत्थं आगओ । पण-  
 मिउण कयञ्जालिउडेणं भणियं तेण ' भयवं, खमेह अम्हारिसे-  
 हिं मन्दभग्गेहिं अणेज्जेहिं अवरद्धं ति, संहर तव-तेयं, करेह पसायं  
 जीवियप्पयाणेणं ! भुय्यो न एवं करिस्सामो 'त्ति । जाहे न पसीयइ,

ताहे चित्तासाहू जण-वायं सुणिय बहुल-भूम-छाइयं च गयणं दट्टण तस्स  
समीवमागओ । भणिओ तेण ‘ भो संभूय, उवसमसु कौवाणलं !  
उवसम-पहाणा चेव महरिसओ भवन्ति; अवरद्धे वि न कोवस्सा-  
वगासं देन्ति, जओ दुरन्तो सव्वाणत्थहेउ, चरणिन्धण-दवाणलो  
5 कोहो । भणियं च

जह वणदवो वणदवं दवस्स जलिओ खणेण निदहइ ।  
एवं कसाय-परिणओ जीवो तवसज्जमं दहइ ॥

अन्नं च

कोहो पीइं पगासेइ कोहो दुग्गइ-वट्टणो ।

10 परितावकरो कोहो अप्पाणस्स परस्स य ॥  
मासुववासु करइ, विचित्तु वणवासु निसेवइ,  
पढइ नाणु ज्ञाणेण निच्चु अप्पाणं भावइ ।  
धारइ दुधरु बम्भचेरु, भिक्खासणु भुज्जइ  
जसु रोसु, तसु सयलु एउ निप्फलु संपज्जइ ॥

15 एवमाइ उवसमप्पहाणेहिं जिणिन्द-वयणजलोहेहिं विज्जाविओ कोह-  
मी । गओ वेरग्गं । तओ नियत्तो तप्पएसाओ । गया य तमुज्जाणं ।  
चिन्तियं च णेहिं कय-संलेहणा अन्हे, ता एण्हिं जुत्तमणसणं  
काउं’ति । ठिया अणसणे । तओ सणंकुमारेणं नायामच्च-वुत्त-  
न्तेणं कोवमुवगएणं दद्ध-रज्जु-बद्धो नेयाविओ सो ताण समीवं ।  
20 तेहि वि अणुकम्पाए मोयाविओ नमुई । सणंकुमारो वि तेसिं वन्द-  
णत्थं सन्तेउरो गओ तमुज्जाणं । वन्दिया ते भात्ति-बहुमाण-पुव्वं  
अन्तेउर-साहिण्ण । तओ इत्थी-रयण-सुणन्दाए पाएसु पडन्तीए  
साइसयं अलग-फासमणु-भवन्तेणं काउमारद्धं नियाणं संभूएणं ।  
तओ चित्तमुणिणा चिन्तियं ‘ अहो दुज्जयत्तं मोहस्स ! अहो दुद्-  
25 न्तया इन्दियाणं ! अहो उम्माहयत्तं विसायणं ! जेणेस सुचारियत-  
वो वि सुचिइय-जिणिन्द-वयणो वि जुवई-बालग्ग-फासेण वि एरिस-  
मज्झवसइ’ । तओ पडिबोहिउ-कामेण भणिओ सो ‘ भो उवरमसु

एयाओ असुभज्जवसाणाओ । जओ असारा परिणाम-दारुणा  
संसार-परिब्भमण-हेऊ काम-भोगा; निसेविज्जन्ता वि करेन्ति अहि-  
यगुम्माहयं, दुहरूवा य ते परमत्थओ; सुहाभिमाणो तेसु मोह-  
विलसियमेव । भणियं च—

5 जह कच्छुल्लो कच्छुं कण्डुयमाणो दुहं मुणइ सोक्खं ।  
मोहाउरा मणुस्सा तह कामदुहं सुहं वेन्ति ॥

किं च ' भोग-निबन्धणं माणुस्सयं सरीरं केवलासुइ-रूवं चैव  
सव्वं, अओ न किंचि तंमि राग-कारणं । जओ भणियं—

सुक-सोणिय-संभूयं असुई-रस-वाड्डियं ।

10 तय-रत्त-मंस-मेयट्ठि-मिब्ज-सुक-विणिम्मियं ॥१॥

नवेण रस-सोएहिं गलन्तमसुई-रसं ।

अमेज्ज-कोत्थलो देहं छवि-मेत्तं मणोहरं ॥ २ ॥

आढयं रुहिरस्सेव वसाए अद्ध-आढयं ।

कुडवो पित्त-सिम्भाणं सुक्कस्स य तदद्धयं ॥३॥

15 सिरा-सयाइ सत्तेव नव ण्हारु-सया भवे ।

न सरीरंमि एयंमि सुइत्तं किं पि विज्जए ॥४॥

मणुन्नमसणं पाणं खाइमं साइमं वरं ।

सरीर-संगमावन्नं सव्वं पि असुई भवे ॥५॥

वरं वत्थं वरं पुप्फं वरं गन्ध-विलेवणं ।

20 विणस्सए सरीरेणं वरं सयणमासणं ॥ ६ ॥

उल्ली दन्तेसु दुग्गन्धा मुहे वि असुई रसो ।

विलीणो नासिगाए वि सिम्भो वहइ निच्चसो ॥७॥

अट्ठीसु ईसियाइं ति कण्णेसु असुभो मलो ।

झरेइ रोम-कूवेहिं सेओ दुरभि-गन्धओ ॥८॥

25 एयारिसे सरीरंमि सव्व-रोगाण आगरे ।

सुनिच्छियागमो होउं मा मुज्ज मुणि-पुंगव ! ॥९॥

प्रा. क. सं. ५

एवमाइ अणुसासिओ वि न पडिबुद्धो एसो । मोहस्स उक्क-  
डयाए कयं च नियणयं संबुइणा ' जइ इमस्स तवस्स अत्थि  
फलं, तो जम्मन्तरे चक्कवट्ठी होज्जाहं ' ति । सच्चवियं इमं  
तेण, जहा—

- 5 अइविसमो मोहतरू अणाइ-भव-भावणा-वियय-मूलो ।  
दुक्खं उम्मूलिज्जइ अच्चन्तं अप्पमत्तेहिं ॥

तओ मरिउं सोहम्मे कप्पे दो वि देवा जाया । तत्तो चित्त-जीवो  
चुओ पुरिमताले इब्भ-पुत्तो जाओ । संबूय-जीवो तओ चुओ सन्तो  
( कम्पिल्लपुरे बम्भो नाम राया, तस्स चुलणी नाम देवी ) तीए

- 10 उदरे चोइस-महा-सुमिण-सूइओ उप्पन्नो जाओ य कमेणं । कयं च  
से नामं बम्भदत्तो ति । वड्ढिओ देहोवचएणं कला-कलावेण य ।  
तस्स य बम्भराइणो उत्तम-वंस-संबूया महारायाणो चत्तारि मित्ता  
आसि । तं जहा—

कासि-विसयाहिर्वई कडओ गयउर-वई कणेरदत्तो ।

- 15 कोसल-विसयाहिर्वई दीहो चम्पाहिर्वई पुप्फचूलो ति ॥  
ते अच्चन्त-नेहेण परोप्परं विरहमणिच्छन्ता समुइया चेव वच्छरमे-  
क्केकं परिवाडीए विविह-कीला-विसेसेहिं-सरज्जेसु चिट्ठन्ति । अन्नया  
ते समुइया चेव बम्भ-समीवमागया । चिट्ठन्ताण य ताणं मरण-पज्ज-  
वसाणयाए जीव-ल्लोयस्स बम्भस्स मन्त-तन्तोसहाइणमसज्जो उप्पन्नो  
20 सिर-रोगो । तओ तेण वाहराविया कडगाइणो मित्ता; ताण उच्छङ्गे  
मुक्को बम्भदत्तो; वुत्ता य ते, जहा—'तुब्भेहिं एस रज्जं कारेयव्वो'  
एवं रज्जचिन्तं काउण कालगओ । कयं से वयंसेहिं  
पेय-किच्चाइयं । तओ कडगाईहिं भाणियं ' जाव एस  
कुमारो रज्ज-धुरा-वहण-जोगो होइ, ताव अम्हेहिं एयं रज्जं  
25 पालेयव्वं' ति मन्तेउण सव्व-सम्मएण दीहं ठविउण गया स-रज्जेसु  
सेसा । गएसु य तेसु सो दीहो परिवालेइ सयल-सामगियं रज्जं,  
पलोएइ भण्डारं, पविसइ अन्तेउरं, मन्तइ समं चुलणीए; तओ

- दुन्निवारयाए इन्दियाणं, अगाणिऊण बाम्भमित्तत्तणं, अवमन्निऊण वयणीययं, संपलग्गो समं चुलणीए । एवं पवड्डमाण-विसय-सुह-रसाणं गच्छन्ति दिणा । तओ बम्भराइणो बीय-हियय-भूएण धणु-नामेण मन्तिणा अवितहं मुणियं, चिन्तियं चणेण, जहा ' जो एवंविहं पि
- 5 अकज्जमायरइ, सो किं बम्भदत्त-कुमारस्स उदयं इच्छइ'त्ति चिन्तिऊण वरधणु-नाम कुमारो एगन्ते भणिओ, जहा ' पुत्त, एयस्स माया दुच्चारिणी जाया; ता एयस्स रहसि जाणावेहि एयं वइयं कुमारस्स' ति । तथा कयं तेण । तओ कुमारो माउदुच्चरियं असहमाणो तीए जाणावणा-निमित्तं काय-कोइला-संगहणं
- 10 घेतूण अन्तेउर-मज्जे गन्तुं भणइ ' अन्नो वि जो एवं करिस्सइ, तस्सा हं निग्गहं काहामि'त्ति भणइ । अन्न दियहे भद्-करिणीए सह संकिण्ण-गयं घेतूण तहेवागओ । तओ दीहेण एयं मुणिय भणिया चुलणी ' अहं कागो, तुमं कोइल ति' । तीए संलत्तं ' बालो कुमारो, जं वा तं वा उल्लवइ' । तओ तेण वुत्तं ' न एवं
- 15 अन्नहा; ता मारिज्जउ कुमारो रइ-विग्घ-करो; ममंमि साहीणे तुह अन्ने सुया भविस्सन्ति'त्ति । तओ रइ-नेह-परव्वसाए एरिसं पि मणसा वि अचिन्तणीयं पडिसुयं इमीए । जओ—

महिला आलं कुलहरं महिला लोयंभि दुच्चरियं खेत्तं ।

महिला दुग्गइ-दारं महिला जोणी अणत्थाणं ॥

- 20 मारइ पिय-भत्तारं हणइ सुयं तह पणासए अत्थं ।  
नियगेहं पि पलीवइ नारी रागाउरा पावा ॥

- मणियं च तीए ' जइ कहवि तेण उवाएण मारिज्जइ, जहा जणाववाओ रक्खिज्जइ ' । तेण वुत्तं ' एवमिमं कज्जं, कुमारस्स विवाहं करेमो; तस्सामग्गीए सह अणेग-खम्भ-पइड्डियं गूढ-निग्गम-
- 25 पवेसं करेमो जउहरं । तत्थ विवाहाणन्तरं सुह-पसुत्तस्स अग्गि-दाणेण अलक्खियं कज्जं करिस्सामो'त्ति मन्तिऊण एगस्स महा-राइणो धूया वरिया, पारद्धा य विवाह-निमित्तं सयला सामग्गी ।

इओ य धणु-मन्तिणा बम्भदत्त-कज्जावहिण्ण विन्नतो दीहराया,  
 जहा ' एस मम पुत्तो वरधणू कुमारो रज्ज-धुरा-चिन्तण-समत्थो  
 वट्टइ; अहं पुण परलोग-हियं करेमि'त्ति । तओ तेण कइयवेण  
 भणिओ ' अलं अन्नत्थ पउत्थेणं ! इहट्टिओ चेव दाणाइणा धम्मं  
 5 करेहि 'त्ति । इमं च पडिवंज्जिऊण धणुणा गंगा-तीरे महई पवा  
 कारिया । तत्थ पन्थिय-परिव्वायगाईण पकामं अन्नपाणं दिज्जिउं  
 पवत्तं । दाण-माणोवगार-गहिण्हिं य पच्चइय-पुरिसेहिं दुगाउय-  
 पमाणा सुरंगा खणाविया, जाव जउहरं पत्तं ति । इओ य सा वहू  
 विविह-नेवच्छ-परियण-परिगया पुर-वरं संपत्ता, पवेसिया । महा-  
 10 विभूईए जाव वित्तं पाणिग्गहणं । तयणन्तरं विसज्जिऊण जण-  
 समूहे पवेसिओ कुमारो सह वहूए जउहरं । तओ तत्थ वहू-  
 सहिज्जस्स आसणोवविट्ठ-वरधणु-सहियस्स विसाज्जिय-सेस-परियणस्स  
 गयं जामिणी-जाम-दुगं ।

तओ समन्ता पलीवियं वास-भवणं उच्छलिओ हाहा-रवो । तओ  
 15 'किं कायव्वं' ति मूढ-माणसेण पुच्छिओ वरधणू ' किं एयं' ति । तेण  
 भणियं, जहा ' सा राय-धूया लेह-पेसणेण विणिवारिया; एसा काइ  
 अन्ना; इमाए पडिबन्धो नं कायव्वो त्ति । एत्थ जउहरे पण्हि-प्पहारं  
 देसु, जेण निग्गच्छामो ' । तेण तहा कयं । तओ भेत्तूण तं सुर-  
 20 ङ्गाए निग्गन्तूण दुवार-देसे गया । इओ य धणुमन्तिणा पुव्वमेव  
 दो पच्चइय-पुरिसा सुरङ्गा-दुवारे तुरङ्गमारूढा धरिया । ते वरधणुस्स  
 संकेय-मिलिय-आसेसु य ते कुमारे आरोविय गया । कुमारा विय पयट्ठा  
 गन्तुं, गया य पन्नास-जोयण-मेत्तं भूमिभागं । दिहरद्धाणस्सेएणं निवडिया  
 तुरङ्गा । पाएसु चेव गन्तुं पयट्ठा, पत्ता य कोट्ठाभिहाण-गामं ।  
 तओ कुमारेण वरधणू भणिओ, जहा ' छुहा वाहाति, दढं परिसन्तो  
 25 भ्हि ' । तं तत्थ सण्ठवेऊण पविट्ठो गामं; मुण्डयं घेत्तूणागओ ।  
 मुण्डावियं कुमारस्स सीसं, परिहाविओ कसायवत्थो । चउरङ्गुल-  
 पमाण-पट्टबन्धेण सिरिवच्छालङ्किय-छाइयं वच्छत्थलं । वरधणुणा



षि कओ वत्थ-परावत्तो । पविट्ठा गामब्भन्तरं । ताव य एक्क-दिय-  
वर-मन्दिराओ निग्गन्तूण दास-चेडेण भाणिया ते 'एह, भुञ्जह'त्ति ।  
तओ गया तत्थ रायाणुरूव-पडिवत्ति-जुत्तं भुञ्जाविया ते ।

- तदवसाणे य एक्का पवर-महिला बन्धुमइमुद्दिस्स कुमार-उत्तमङ्गे
- 5 अक्खए पक्खिवइ । भणइ य 'एस इमाए कन्नगाए वरो'त्ति ।  
एयमायाण्णिऊण भाणियं वरधणुणा 'किमेयस्स मुक्ख-  
बडुयस्स कए अप्पाणं खेएह?' तओ घरसामिएण भाणियं  
'सामि, सुव्वउ ! पुवं नेमित्तिएण साहियं अम्हं, जहा—इमाए  
बालियाए जो पट्टच्छाइय-वच्छो समित्तो भुञ्जिही भोयणं, स होही
- 10 भत्तारो'त्ति । एवमाइ भाणिओ तंमि दियहे काराविओ पाणिग्गहणं  
कुमारोत्ति । बीय-दिणे भाणिओ कुमारो वरधणुणा 'दूरं गन्तव्वं'त्ति ।  
तओ बन्धुमईए सब्भावं कहिय निग्गया । गच्छन्ता पत्ता दूरगा-  
मन्तरं । तत्थ सालिलत्थी वरधणू पविट्ठो । लहुमागन्तूण भणइ जहा  
'दीहराइणा बम्भदत्तस्स सव्वओ पन्था बन्धाविय'त्ति जण-वाओ
- 15 एत्थ मए सुओ । ता कुमार, नस्सामो !' तओ  
पयट्ठा उम्मग्गेणं । पत्ता महाडइं । तओ कुमारं वडस्स  
हेट्ठा ठविउं तिसाभिभूयं गओ वरधणू जलट्ठा । ताव य दिणा-  
वसाणे दिट्ठो वरधणू जम-भडेहिं व दीह-निउत्त-नरेहिं हम्ममाणो  
दूर-देसमागओ । कुमारस्स सत्ता कया । पलाणो बम्भदत्तो, पडिओ
- 20 य दुग्गाम-कन्तारं ।

- तओ तण्हा-लुहा-परिस्सम-किलन्तो अइक्कमिऊण महाडइं तइय-  
दिणे पेच्छइ तावसमेक्कं । दंसण-मेत्तेणेव जाया तस्स जीवियासा ।  
पुच्छिओ य सो 'भयवं, कत्थ तुम्हाणमासमो ?' तेण वि कहिउं  
नीओ कुलवइ-समीवं, पणमिओ कुलवई । भाणिओ य तेण 'वच्छ,  
25 कहिं ते आगमणं ? बहुपच्चवायमरणं' । तओ तेण सव्वं जहावत्थि-  
यमवितहं साहियं । तओ सो भाणिओ कुलवइणा 'जहाहं तुह  
जणयस्स चुल्लताओ'त्ति; ता नियं चेवासमपयं तुम्ह; जहासुहं  
चिट्ठह'त्ति । मुण्णिऊण तस्स चित्ताहिप्पायं अच्छिउं पयत्तो । ताव

- य समागओ जलय-कालो । तत्थ सो अज्जएण सयलाओ धणुव्वे-  
याइयाओ महत्थ-विज्जाओ गुणाविओ । अन्नया सरय-समयंमि फल-  
कन्द-मूल-कुसुम-सामिहेय-निमित्तं अरण्ण-परिसरे गच्छन्तेसु तावस-  
कुमारेसु सो वि कोऊहलेण निरुब्भन्तो वि कुलवइणा गओ  
5 रण्णं । तत्थ सरस-फल-कुसुम-सामिद्धां पलोयन्तेण दिट्ठो तेण महा-  
करी । कओ य तेण गल-गज्जिय-रवो । तओ अणुमगेण चलिओ करी  
तयाभिमुहं । तओ तेण तस्स पुरओ वेण्टली-काऊण पक्खित्तमुत्तरीयं ।  
तेणा वि तक्खणं चव सोण्डाए गहिय खित्तं गयणे । जाव कोहन्यो  
जाओ, ताव तेण छलिऊण दक्खत्तणओ गहियं । तओ तेण नाणा-  
10 विह-कीलाए परिस्समं नेऊण मुक्को करी ।  
तओ पयट्ठो गन्तुं पडिपहेणं मूढ-पुव्वावर-दिसा-भागो । इओ तओ  
परिभमन्तो पेच्छइ गिरी-नई-तड-सन्निविट्ठं पुराण-पडिय-भवण-खण्ड-  
भित्ति-मेत्तोवलक्खियं जिण्ण-पुर-वरं । तद्दंसणंमि य जाय-कोऊ-  
हलो दिसि दिसि निहित्त-दिट्ठी पलोएन्तो पेच्छइ पास-परिमुक्क-खे-  
15 डय-खग्गमेक्कं वियड-वंस-कुडङ्गं । तं च दट्ठणं कोउगेण खेळं वाहियं  
तंमि वंस-कुडङ्गे तं खग्गं । एक-पहारेण निवडिया वंस-कुडङ्गी ।  
वंसन्तरालडियं च निवडियं रुण्डमेगं दर-फुरन्त-उट्ट-उडं मणोहरा-  
यारं सिर-कमलं । दट्ठण तेण तं ससंभन्तेण ‘ हा ! धिरत्थु मे वव-  
सियस्स’ त्ति निन्दियं अत्तणो बाहु-वलं । तओ पच्छायाव-परद्वेण  
20 पलोएन्तेण दिट्ठं बद्धं उद्ध-चलणं धूम-पाण-लालसं कबन्धं । सम-  
हियं से अधिई जाया । पुणो वि पलोएन्तेण दिट्ठं पवरमुज्जाणं,  
तत्थ य समन्तओ असोग-वर-पायव-परिक्खित्तं सत्त-भूमियं पासाय-  
भवणं । दट्ठण य तं अवलग्गो कमेण सत्त-भूमिगाए दिट्ठा य तत्थ  
वियसिय-कुवलय-दलच्छी विज्जाहर-सुन्दरि व्व परिगलिय-विज्जा एक्का  
25 पवर-महिला । पुच्छिया य सा तेण ‘ सुन्दरि, का सि तुमं ?’ तओ  
सा ससज्जसमेव जंपिउं पयत्ता, जहा ‘ महाभाग, महन्तो मईओ  
वइयरो; ता तुमं चव साहसु को तुमं, कर्हि वा पयट्ठो ?’ तओ

- सोऊण तीसे कोइलालाव-महुरं वयण-विन्नासं समावज्जिय-माणसेण अवितहं भाणियं तेण ' सुन्दरि, अहं पञ्चालाहिवइणो बम्भराइणो पुत्तो बम्भदत्तो नाम । ' तओ तव्वयण-सवणाणन्तरमेव आणन्द-वाह-परिपुण्ण-नयणा सहसच्चिय अब्भुट्टिया, हरिस-फुल्ल-नयणा
- 5 पडिया तस्स चरणेसु, रोविउं पयत्ता । तओ कारुण्ण-गहिय-हिय-एणं तेणुन्नामियं वयणं ' मा रुवसु'त्ति भणन्तेण संठाविया पुच्छिया य ' सुन्दरि, कासि तुमं'ति । तओ फुसिय-नयणा भाणिउं पयत्ता ' कुमार, अहं तुह माउलगस्स पुप्फचूल-राइणो धूया तुम्ह चैव विइण्णा । विवाह-दियहं पडिच्छमाणी निय-घरुज्जाण-दीहिया-पुलिणे कीलन्ती
- 10 दुट्ट-विज्जाहरेण इहाणीया । जाव य बन्धु-विरहग्गि-संपलित्ता चिट्ठामि अहं, ताव तुमं आचिन्तिय-हिरण्ण-वुट्टि-समो सहसच्चिय आगओ । ता जाया मे जीवियासा, जं तुमं दिट्ठो सि'त्ति । तओ तेण वुत्ता ' कहिं पुण सो मह सत्तु, जेण से परिक्वेमि बल-विसेसं ? ' तीए भाणियं ' सामि, दिन्ना मे तेण पडिय-सिद्धा संकरी नाम विज्जा,
- 15 भाणियं च-तुह सा सुमारिय-मेत्ता सहि-दासाइ-परिवारा होउं आएसं काही, पच्चणीयं तुज्झन्तियमेन्ती निवारही, साहिस्सइ य मम चेट्टियं तुह पुच्छिया सन्ती । सुमारिया य सा मए, ता साहेमि । नट्टुमत्तो नामेस विज्जाहरो, जेणाणीयाहं । न य सो मह पुण्णाहियाए तेयं सहिउं सक्कइत्ति मं मोत्तुं विज्जा-निम्भियंमि सिय-रत्त-पडाया-भूसिए
- 20 पासाए, पेसिउं च मह वइयर-जाणावणत्थं निय-भगिणीणमन्तिए जाणावणिं नाम विज्जं, सयं गओ वंस-कुडङ्गं, विज्जं साहिय निग्गओ य मं परिणेहि त्ति । अज्जं च किर से विज्जा-सिद्धि भविस्सइ । ' तओ एयं सोऊण बम्भदत्तेण पुप्फवईए सिट्ठो तन्निहणण-वइयरो । सहरिसं च भाणियं तीए ' अज्जउत्त, सोहणं कयं, नं सो दुरप्पा
- 25 निहओ ' । तओ सा तेण गन्धव्व-विवाहेण विवाहिया । ठिओ य कंचि कालं तीए समं । अन्नया निसुओ तेण दिव्व-विलयाण आलावो । पुच्छिया सा तेण ' कस्स एस सद्दो ? ' तीए वुत्तं ' अज्ज-

उत्त, एयाओ तस्स तुह वइरिणो नट्टमत्तस्स भगिणीओ खण्ड-विसाह-  
नामाओ विज्जाहर-कुमारीओ तन्निमित्तं विवाहोवगरणं घेत्तूण आग-  
याओ । ता तुब्भे ताव अवक्कमह लहुं, जाव एयासिं भावं उवक्क-  
मामि त्ति । जइ तुम्होवरि राओ भविस्सइ एयासिं, तोऽहं पासा-  
5 ओवरिं रत्तं पडागं चालिस्सामि त्ति, अन्नहा सियं ति ।'

तओ थेव-वेलाए धवल-पडागं दट्ठं सणियमवक्कन्तो तप्पएसाओ  
पत्तो गिरि-निउञ्ज-मज्झंमि । दिट्ठं च महा-सर-वरं । मज्जिओ जहा-  
विहिं तंमि, उत्तिण्णो य उत्तर-पच्छिम-तीरे । दिट्ठा य तत्थ एक्का  
वर कन्नगा । चिन्तियं च तेण ' अहो ! मे पुण्ण-परिणई, जेणेसा  
10 दिट्ठि-गोयरं पत्ता ' तओ सो वि सिणेह-निब्भरं पलोइओ तीए ।  
तओ पलोयन्तिया पत्थिया सा तप्पएसाओ, जाव थेव-वेलाए तीए चेव  
पेसियाए चेडीए समप्पियं वत्थ-जुयलं पुप्फ-तम्बोलाइयं च । भणियं  
च तीए ' जा सा तुमे दिट्ठा महा-सर-तीरे तीए पेसियमिमं । वुत्ता  
य अहं तीए—हले वणलइए, एयं महाणुमावं अम्हं ताय-मन्तिणो  
15 मन्दिरे सररि-डिइं कारेह । ता एह तुम्हे ? ' तओ कुमारो पसा-  
हियालंकिओ गओ नागदेवामच्च-मन्दिरं । वुत्तो य तीए मन्ती 'एस  
तुम्ह सामिणो सिरिकन्ताए धूयाए पेसिओ, ता सायरं दट्ठव्वो !'  
मन्तिणा तहेव कयं । बीय-दिणे नीओ राय-समीवं । तेणवि अब्भु-  
ड्डिऊण धुरे दिन्नमासणं । पुच्छिओ सो वुत्तन्तं । भुत्तुत्तर-काले य  
20 ' अम्हारिसेहिं तुम्हं न अन्नं विसिड्ढं सागय-किच्चं काउं तीरइ '  
त्ति भणिय सायरं दिन्ना सिरिकन्ता कन्नया । पहाण-दिणे वित्तो  
विवाहो । अन्नया कुमारणे पुच्छिया पिया ' किमत्थं मज्झ एगा-  
गिणो दिन्ना तुमं ' ? तीए वुत्तं ' अज्जउत्त, एस अम्ह ताओ  
बालिय-दाइय-मोह्ळिओ इमं विसमं पळ्ळिं समस्सिओ । सो य नयर-  
25 गामाइ हन्तूण दुग्गे पविसइ त्ति । सिरिमईए तायस्स पत्तीए चउण्हं  
पुत्ताणं उवरि अहं जाया वल्लहा अईव पिउणो । जोव्वणत्था य  
अहं वुत्ता रत्ता ' पुत्ति, सव्वे विरुद्धा मम राइणो; ता इहट्ठियाए

चेव जो तुह मणोरमो वरो, सो कहियव्वो' त्ति । तओ अहं पल्ली-ओ निग्गन्तूण महा-सर-वरं गन्तूण पुरिसे पलोएमि जाव, तुमं दिट्ठो पुण्णेहिं ति । एस परमत्थो'त्ति । तओ सिरिकन्ताए समं विसय-सुहं माणन्तस्स गच्छन्ति दिणा ।

- 5 अन्नया सो पल्लि-नाहो निय-बल-समिओ गओ विसयं हन्तुं । सो वि तेण समं गओ । ताव य दिट्ठो तेण तम्माम-बाहिरासन्ने कमल-सर-तीरे सहसच्चिय वरधणू । सो वि तं पच्चभिजाणिऊणं असं-भावणीय-दंसणं रोविउं पयत्तो । संठविओ तेण । सुह-निसण्णेण पुच्छिओ वरधणुणा कुमारो 'मम परोक्खे किं तए अणुभूयं ?' तेण
- 10 वि सव्वं सिट्ठं ति । तेण वि पुच्छिण्ण वुत्तं 'कुमार ! सुव्वउ, तथा हं नग्गोह-हेट्ठा तुमं ठविय जलट्ठा गओ । तओ दिट्ठं मए महासरं । तओ पुडए घेत्तूण जलं जाव तुहन्तिए पयट्ठो ताव य सहसच्चिय सन्नद्ध-बद्ध-कवएहिं ताडिओ दीह-भडेहिं 'रे रे वरधणू, कहिं बम्भदत्तो त्ति' भणन्तेहिं । मए भणियं 'न याणामि ।'
- 15 तओ तेहिं दढयरं ताडिज्जमाणेण भणियं मए जहा 'वग्घेण भाक्खिओ' । तेहिं वुत्तं 'दंसेहि तं पएसं' । तओ हं इओ तओ भमन्तो कवडेण गओ तुह दंसण-पहं । 'पलायसु'त्ति कया तुह सन्ना । मया वि परिव्वायग-दिन्ना मुहे कया गुलिया । तप्पभावेण य जाओ निच्चेयणो । तओ मओ त्ति नाऊण गया ते । चिरेण य
- 20 कडिडया मुहाओ मया गुलिया । तओ तुमं गवेसिउं पयट्ठो, न य मए दिट्ठो । गओ एगं गामं । तत्थ दिट्ठो एगो परिव्वायगो । तेण वुत्तं 'तुह तायस्स अहं मित्तो वसुभागो नाम' कहियं च तेण जहा—धणू पलाओ; माया य ते मायङ्ग-पाडए पक्खित्ता दीहेण ।' तओ एयं सौऊण महा-टुक्खेण अहं गओ कम्पिल्लपुरं । कावालिय-
- 25 वेसं काऊण वच्चिऊण मायङ्ग-मयहरं अवहरिया माया । तओ एगंमि गाभे पिउ-मित्तस्स देवस्सम्मस्स माहणस्स धरे मोत्तूण मायरं तुममण्णेसन्तो इहागओ ।

- एवं सुहं दुक्खं मन्नन्ता जाव अच्छन्ति, ताव एक्को पुरिसो समा-  
गओ । तेण वुत्तं, जहा—‘महा-भाग, न कर्हिं चि हिण्णियव्वं; तुम्ह-  
ण्णेसणत्थं दीह-निउत्ता चरा इहागय’त्ति । तओ दोवि लहुं वण-  
गहाणाओ निग्गन्तुं भमन्ता गता कोसम्बि । तत्थ नयरी-बाहिरुज्जाणंमि  
5 दिट्ठं दोण्हं सेट्ठि-सुयाणं सागरदत्त-बुद्धिल-नामाणं पणी-काऊण  
सय-सहस्सं संपलग्गं कुक्कुड-जुज्झं । हओ सागरदत्त-कुक्कुडेण बुद्धिल-  
कुक्कुडो; पुणो वि बुद्धिल-कुक्कुडेण हओ सागरदत्त-कुक्कुडो ।  
तओ भग्गो सागरदत्त-कुक्कुडो बुद्धिल-कुक्कुडस्स संमुहं कीरमानो  
वि णाहिलसइ जुज्झिउं ति हारियं सागरदत्तेण लक्खं । एत्थन्तरंमि  
10 य वरधणुणा भणिया सागरदत्त-बुद्धिला, ‘किमेसो सुजाई वि  
भग्गो कुक्कुडो बीय कुक्कुडाओ ? ता पेच्छामि, जइ न कुप्पह  
तुब्भे’ । सागरदत्तो भणइ ‘भो महाभाय, पेच्छ पेच्छ, जओ नत्थेत्थ  
कोइ मम दव्व-लोभो, किं तु अभिमाण-सिद्धीए पओयणं ।’

- तओ पलोइओ वरधणुणा बुद्धिल-कुक्कुडो । दिट्ठाओ य तच्चल-  
15 ण-निबद्धाओ सुद्धलण्हाओ लोहमय-सूर्इओ । लक्खिओ य सो  
समीवमागन्तुं ‘जइ न जंपासि सूर्इ-वइयरं, तो दाहं तुह लक्खद्धं’  
ति निहुयं साहियं वरधणुणो । तेणा वि ‘भो निरूवियं मए,  
परं न किं चि दीसइ’त्ति जंपन्तेण वि, जहा बुद्धिलो न लक्खइ, तथा  
कहं चि लोयणङ्गुलि-संचार-प्पओंगओ जाणाविओ सागरदत्तो । तेणा-  
20 वि कडिड्डउणालक्खं पिव सूर्इ ओभेडिओ निय-कुक्कुडो । तेण य  
पराजिओ बीय-कुक्कुडो त्ति हारियं बुद्धिलेण वि लक्खं । तओ  
जाया दोण्ह वि सरिसरी । परितुट्ठो य सागरदत्तो पप्फुल्ल-वयणो  
‘अज्जउत्ता, गिहं गम्मउ’ त्ति वोत्तुमारोविउं रहवरे दोवि गओ निय-  
गेहं । कय-उचिय-किच्चो निच्चं पेच्छइ पीईए ।

- 25 तन्नेह-नियन्तियाणमन्नयर-दिणे आगओ एगो दासचेडो । सहिओ  
चाणेण वरधणू, नीओ एगन्ते । तओ ‘सूइ-वइयराजंपणे, जं ते  
सुक्खियमासि बुद्धिलेण अद्धलक्खं, तन्निमित्तमेसो पेसिओ चालीस-

साहस्सो हारो' ति वोत्तुं समप्पिउं च हार-करण्डियं गओ दास-  
चेडो । वरधणू वि तं धेत्तूणागओ बम्भदत्तन्तियं, साहिय-सरूवो य  
दरिसेइ से करण्डियाओ कड्ढित्तु हारं । पलोइन्तेण य कुमारेण तदेग-  
देसावलम्बिओ दिट्ठो बम्भदत्त-नामङ्किओ लेहो, पुच्छियं च ' वयंस,

5 कस्सेसो लेहो?' वरधणू भणइ ' को जाणइ ? बहवे बम्भदत्त-नामगा  
पुरिसा सन्ति; किमेत्थ चोज्जं ?' तओ अवहेरी-परे कुमारे वरधणुणा  
एगन्ते नेउं विहाडिओ लेहो, दिट्ठा य तस्स मज्झंमि इमा गाहा—  
पत्थिज्जसि जइ वि जए जणेण संजोय-जणिय-जत्तेण ।

तहावि तुमं चिय धणियं रयणवई मुणइ माणेउं ॥

10 चिन्तन्तस्स य 'कहमवगाच्छिस्समिमीए भावत्थं'ति वरधणुणो  
बीय-दिणे आगया एगा पव्वाइया । सा य पक्खविऊणऽक्खय-कुमु-  
माणि कुमार-उत्तमङ्गे 'पुत्तय, वास सहस्साऊ भवसु'ति भणन्ती वर-  
धणुमेगन्ते नेइ; मन्तिऊण य तेण समं किं पि पडिगया । तओ  
पुच्छिओ कुमारेण वरधणू ' किमेसा जंपई ?' सो भणइ ' एयाए

15 इमं संलत्तं, जो सो तुम्हाणं बुद्धिलेण करण्डमि हारो पोसिओ, तेण  
समं लेहो समागओ; तस्स पडिलेहं समप्पेह ।' मया भणियं ' एसो  
बम्भदत्त-रायनामङ्किओ दीसइ, ता साहह, को एसो बम्भदत्तो ।'  
तीए भणियं ' सुम्मउ, किं तु न तए कस्स वि साहियव्वं । अत्थि  
इहेव नयरीए सेट्ठि-धूया रयणवई नाम कन्नया । सा य बाल-भा-

20 वाओ चेव अईव मम नेहाणुरत्ता । जोव्वणमणुपत्ता दिट्ठा य मया  
अन्न-दिणंमि सा किं चि ज्ञायमाणी । तओ हं गया तीए समीवं ।  
भणिया य मया ' पुत्ति रयणवइ, किं चिन्तेसि ?' परियणेण भणि-  
यं ' बहुणि दिणाणि एवमेईए दुम्मणाए' । तओ पुणो पुणो  
पुच्छिया वि मए जाव न किंचि जंपइ ताव भणियं तस्स सहीए

25 पियङ्गुलइयाए ' भयवइ, एसा लज्जन्ती न किं पि तुज्ज साहिउं  
सक्कइ, ता अहं क्हेमि । इओ गयंमि कंमि वि दिणे कीडत्थमु-  
ज्जाणगयाए भाउगस्स बुद्धिल-सेट्ठिणो लक्ख-पणेणं जुज्जावेन्तस्स  
कह वि तप्पएसागओ दिट्ठो अपुव्वो को वि वर-कुमारो ।

- तं च ददृणेसा एरिसी जाया ' । तं च मए सोऊण लक्खिओ तीए मयण-वियारो । भणिया य ससिणेहं ' पुत्ति, साहसु सब्भावं !' तओ कहकहवि सब्भावमुवगया भणइ ' भयवइ, तुमं मम जणणी; ता नत्थि किं पि तुम्हं अकहणीयं । एयाए
- 5 पियङ्गुलइयाए जो कहिओ, सो बम्भदत्त-कुमारो जइ मे पई न होइ, तो नूणं मरामि । तओ एयमायण्णिऊण भणिया सा मए ' वच्छे, धीरा होहि ! तहा करिस्सं, जहा तुह समीहियं संपज्जि-स्सइ ' । तओ सा किंचि सत्था जाया कल्ल-दिणंमि य हिययासा-सणत्थं भणिया मए ' वच्छे, दिट्ठो सो मए बम्भदत्त-कुमारो ' ।
- 10 तीए सोउमेवं समूससिय-हिययाए भणियं ' भयवइ, तुम्ह पसाएण सव्वं सुन्दरं भविस्सइ; किं तु तस्स विस्सास-निमित्तं बुद्धिल-ववए-सेणेमं हार-रयणं करण्डए पक्खिविऊण पेसेहि बम्भदत्त-नामङ्कियं चेयं लेहं ! निरूवियं च तं तहा कल्लं मए । ता महाभाग, कहिओ तुहेसो लेह-वइयरो । संपयं पडिलेहं देहि !' मए वि समप्पिओ तीए
- 15 इमो पडिलोहो—

गुरु-गुण-वरधणु-कलिउं त्ति माणिउं मुणइ बम्भदत्तो वि ।  
रयणवई रयणवई चन्दो वि य चन्दणी-जोगो ॥

- सोउं चेमं वरधणु-साहियमदिट्ठाए वि रयणवईए जाओ कुमारो तम्मणो । तहंसण-समागमोवायमण्णेसमाणस्स य गयाणि कइ-
- 20 वय-दिणाणि ।

- अन्नंमि य दिणे समागओ बाहिराओ वरधणु-संभन्तो भणिउं पयत्तो, जहा ' कुमार, इह नयर-सामिणो कोसलाहिवेण अम्हाण गवेसण-निमित्तं पेसिया पच्चइय-पुरिसा, पारद्धो य नयर-सामिणा उवक्क-मो त्ति सुम्मइ बहुसो घुणाहुणी । तओ नाउमेयं वइयरं सागरदत्तेण-
- 25 गोविया दो वि भूमिहरए । समागया रयणी । भणिओ कुमारेण सागरदत्तो 'तहा कुणसु, जहा अम्हे अवक्कमामो !' एवं चायण्णिऊण निग्गओ नयरीओ सागरदत्तो गया थेवं भूमि-भागं, तओ अणिच्छ-



- माणं पि कहकहवि नियात्तिऊण सागरदत्तं पयट्टा कुमार-वरधणू ।  
 गच्छन्तेहि य नयरीए बाहिं जक्खाययणुज्जाण-पायवन्तराल-परिसं-  
 ठिया पहरण-समन्निय-रहवर-समीवत्था दिट्ठा एक्का पवर-महिला ।  
 तओ तीए सायरमब्भुट्टिऊण भणियं ' किमेत्तियाओ वेलाओ
- 5 तुम्हे समागया ?' तं च सोउं कुमारो भणइ ' भद्दे, के अम्हे ?'  
 तीए भणियं ' सामि, तुब्भे बम्भदत्त-वरधणुणो ' । कुमारो भणइ  
 ' कहमेवमवगयं ? ' तीए भणियं ' सुम्मउ ! इहेव नयरीए धण-  
 पवरो नाम सेट्ठी । तस्स धणसंचया नाम भज्जा । तीएऽहमट्टण्हं  
 पुत्ताणमुवरि धूया जाया । अइक्कन्त-बाल-भावाए मज्झं न रुच्चइ
- 10 को वि पुरिसो । तओ जक्खमिममाराहिउमाढत्ता । जक्खेण वि  
 मह भत्ति-तुट्टेण पच्चक्खेण होउं भणिया ' वच्छे, तुह भविस्स-चक्क-  
 वट्ठी बम्भदत्त-कुमारो पई भविस्सइ ' । मए भणियं ' कहं मए सो  
 नायव्वो ? ' जक्खेण भणियं ' पयट्टे बुद्धिल-सागरदत्ताणं कुक्कुड-  
 जुज्जे जो दिट्ठो तुहाणन्दं जणेही, सो नायव्वो बम्भदत्तो ' त्ति
- 15 साहियं च मे तेण, जं किं चि कुक्कुड-जुज्झ-कालाओ वरधणु-सहा-  
 यस्स, सामि, तुहेह वित्तं, जं च जहा मए हार-पेसणाइ-किच्चमेव-  
 मायरियं ति' । सोउमेवं साणुरागो कुमारो समारूढो तीए सह तं रह-  
 वरं । पुच्छिया य सा ' कओ हुत्तं गन्तव्वं ? ' रयणवईए भणियं  
 ' अत्थि मगहा-पुरंमि मम पिउणो कणिट्ट-भाया धणसत्थवाहो नाम
- 20 सेट्ठी; सो य मुणिय-वइयरो तुम्हमम्हं च समागमणं सुदरं मन्निस्सइ ।  
 ता ताव तत्थ गमणं कीरउ; तदुत्तर-कालं, जहिच्छा तुम्हाणं ।'  
 तओ रयणवइ-वयणेण पयट्टो तयभिमुहो कुमारो । कओ वरधणू  
 सारही । गामाणुगामं च गच्छमाणा निग्गया कोसम्बिजणवयाओ  
 संपत्ता गिरि-गहणमेगं । तत्थ य कण्ठय-सुकण्ठयाहिहाणा दुवे चोर-
- 25 सेणावइणो । ते य दट्टण पहाण-रहं विभूसियमित्थी-रयणं च अप्प-  
 परिवारत्तणओ संन्नाज्जिऊण पयत्ता पहरिउं । कुमारेणावि विविह-  
 भङ्गेहिं पहरन्तेणं जित्ता ते पलाणा दिसो दिसिं । तओ पुणो वि

- रहवराख्खडो चलिओ कुमारो, भणिओ वरधणुणा ' कुमार, दद-परिसन्ता तुम्हे, ता मुहुत्त-मेत्तं निदा-सुहमेत्थेव रहे सेवेह ! ' तओ रयणवईए सह सुत्तो कुमारो जावच्छइ, ताव गिरि नइमेगं पाविऊण थक्का तुरङ्गमा ' । तओ
- 5 कहवि पडिबुद्धो कुमारो, उट्ठिओ वियम्भमाणो । पलोइयाइं पासाइं न दिट्ठो वरधणू । पाणिय-निमित्तमोइण्णो भविस्सइ त्ति कलिऊण सद्दिओ ससंभमं । पडिवयणमलभमाणेण परामुसियं रहधुरग्गं, दिट्ठं च तं बहल-लोहियालिद्धं । तओ वावा-इओ वरधणु त्ति कलिऊण ' हा हओ सि त्ति; भणमाणो निव-
- 10 डिओ रहुच्छङ्गे । पुणो वि लद्ध-चेयणो, ' हा भाइ वरधणु त्ति भणमाणो पलावे काउमाढत्तो । कहकहवि संठविओ रयणवईए; तं भणइ, जहा ' सुन्दरि, न नज्जइ फुडं; किं वरधणू मओ, किं वा जी-वइ । ता अहं तस्सण्णेसणत्थं पच्छओ वच्चामी ' । तीए वुत्तं ' अज्जउत्त, न एस अवसरो पच्छा-वलियव्वस्स; कुओ ? जेणहमे-
- 15 गागिणी चोर-सावयाईहिं भीममिममरणं । अन्नं च इह नियड-वात्तिणा वसमेण भवियव्वं, जेण परिमलिया कुस-कण्टया दीसन्ति ।' तओ तहेव पडिवाज्जिऊण तीए सह पयट्ठो मगहविसयाभिमुहं कुमारो । पत्ता य तव्विसयसान्धि-संठियं एकं गामं । तत्थ य पविसमाणो गाम-सहा-मज्झ-ठिएण दिट्ठो गाम-ठक्कुरेणं । दंसणाणन्तरमेव न एस
- 20 सामन्नो त्ति कलिऊण सोवयार-कय-पडिवत्तिणा पूइओ, नीओ निय-घराभिमुहं ति । दिण्णो आवासो । सुह-निसण्णो य भणिओ तेण कुमारो ' महा-भाग, गाढमुव्विगो विय लक्खीयसि' कुमारेण भाणिणं ' मज्झ भाया चोरेहिं सह भण्डणं कुणन्तो न नज्जइ, किमवत्थन्तरं पत्तो । ता मए तयण्णेसण-निमित्तं
- 25 कत्थ गन्तव्वं ' तेण भाणियं ' अलं खेएण; जइ इहाडवीए भवि-स्सइ तो लहिस्सामो त्ति भाणिऊण पेसिया नियय-पुरिसा, गय-पच्चा-गएहिं सिट्ठं तेहिं जहा अम्हेहिं कोइ कहिंवि न सच्चविओ । केवलं

- पहे निवडिओ एस बाणो पाविओ । तव्वयणायण्णणंमि य 'नूणं विणिवाइओ'त्ति; परितप्पिऊण गुरुसोयाउलिज्जन्त-माणसस्स जाया रयणी; पसुत्तो य रयणवईए सह कुमारो । एक्क-जामावसेसाए रयणीए सहसा तंमि गामे निवडिया चारे-धाडी । सा य कुमार-
- 5 पहार-कडुयाविया भग्गा परम्महा कया । अहिणन्दिओ कुमारो सयल-गामाहिड्डिएणं गाम-पहुणा । गोसम्मि य आउंच्छिऊण गाम-ठक्कुरं तत्तणय- सहाओ पत्थिओ रायगिहं, पत्तो जहाणुकमेण तत्थ । नयर-बाहिरियाए एक्कंमि परिव्वाइयासमे ठविऊण रयणवइं पयट्ठो नयरब्भन्तरं । तं पविसमाणेण य दिट्ठं एक्कंमि एएसे विविह-
- 10 कम्म-निम्मियं धवल-हरं । तत्थ दिट्ठाओ दो पवर-कत्ताओ । ताओ य कुमारं दट्ठण पयाडिय-गरुयाणुरागाओ भाणिउं पयत्ताओ ' किं जुत्तं तुम्हारिसाण वि महा-पुरिसाण भत्ताणुरत्तं जणमुज्झिय परिभमिउं ? ' तेण वुत्तं ' को सो जणो, जेणेवं भणह ? ' ताहिं वुत्तं ' पसाओ कीरउ आसण-गहणेण । ' तओ
- 15 निसन्नो; कओ मज्जण-भोयणाइओ उवयारो । तयवसाणे य भाणिउं पयत्ताओ, जहा 'महासत्त, अत्थि इहेव भरहे वेयड्ढ-गिरि-दाहिण-सेदीए सिवपुरं नयरं, जल्लासिहो राया, तस्स य विज्जुसिहा नाम देवी । तीए अम्ह दुवे धूयाओ । जेट्ठो य अम्ह नट्टमत्तो भाया । अन्नया अम्ह पिया अग्गिसिहाभिहाणेण मित्तेण समं गोटीए चिट्ठइ जाव,
- 20 ताव पेच्छइ गयणे अट्ठावय पव्वयाभिमुहं जिणवर-वन्दण-निमित्तं गच्छन्तं सुरासुर-समूहं । तं दट्ठण राया वि मित्तेण धूयाहि य सहिओ पयट्ठो, कमेण य पत्तो अट्ठावयं । वन्दियाओ जिणिन्द-पडिमाओ । कप्पूरागरु-धूवय-वुद्धारविन्द-सुराहि-गन्धेहिं कओ उवयारो । तिप्पयाहिणं काउं निगच्छन्तेणं एगस्स
- 25 असोग-पायवस्स हेट्ठा दिट्ठं चारण-मुणि-जुयलं, पणमिऊणं य तं निसण्णा तयासन्ने । तओ तेहिं पत्थुया धम्मकहा, जहा- ' असारो संसारो, भङ्गुरं सरीरं, सरयब्भ-विब्भमं जीवियं, तडी-

- विलासियाणुगारि जोव्वणं, किंपाग-फलोवमा भोगा, संज्ञा-राय-समं  
 विसय-सोक्खं, कुसग्ग-जल-बिन्दु-चञ्चला लच्छी, सुलहं दुक्खं, दुलहं  
 सुहं, अणिवारिय-प्पसरो मच्चू । ता एवं ठिए छड्डिज्जउ मोह-प्पसरो,  
 कीरउ जिणिन्द-पणीए धम्मं मणं ति' । एवं सुणिय लद्ध-सम्मत्ता-
- 5 इणो जहागयं पडिगया सुराइणो । तओ लद्धावसरेण भणियं अग्गि  
 सिहिणा मित्तेण जहा 'भयवं, एयाणं बालियाणं को भत्ता भविस्सइ  
 त्ति ।' तेहिं भणियं ' एयाओ भाइ-वहगस्स भज्जाओ भविस्सन्ति ।'  
 तओ एयं सुणिय साम-मुहो जाओ राया । एत्थावसरे वुत्तो  
 अम्हेहिं ' ताय, संपयं चेव साहियं मुणीहिं संसार-सरूवं । अलं
- 10 अम्हाणमेवंविहावसाणेण विसय-सुहेणं' ति; पडिवन्नं च तं ताएणं ।  
 एवं च वल्लहयाए भाउणो चत्त-निय-देह-सुह-कारणाओ तस्स चेव  
 प्हाण-भोयणाइयं चिन्तन्तीओ चिट्ठम्ह जावन्न-दिणे अम्ह भाउणा  
 पुहविं भमन्तेण दिट्ठा तुम्ह माउलगस्स धूया पुप्फवई कन्नया । तं  
 च रूवाइखित्त-चित्तो हरियागओ । तदिट्ठिमसहन्तो विज्जं साहिउं
- 15 गओ । अओ उवारि तुब्भे नाय-वुत्तन्ता । ताहे महाभाग, तंमि  
 काले तुब्भन्तियाओ आगन्तूण पुप्फवईए सामेण वुत्ताओ अम्हे,  
 साहिओ भाउ-वुत्तन्तो । तं सुणिय सोय-निब्भराओ रोविउं पयत्ताओ ।  
 संठवियाओ महुर-वयणेहिं पुप्फवईए । अन्नं च संकरि-विज्जा-सया-  
 साओ विइय-तुम्ह-वुत्तन्ताए भणियं तीए ' सुमरिज्जउ मुणि-वयणं,
- 20 मन्निज्जउ बम्भदत्तो भत्त त्ति ' । तमायाण्णिऊण जायाणुरागाहिं  
 मन्नियमम्हेहिं । तओ रहस-पर-वसत्तणओ पुप्फवईए चालियाए  
 सिय-संकेय-पडागाए, अन्नत्थ कत्थइ पउत्थे तुमंमि नाणाविह-गाम-  
 नगराइसु भमन्तीहिं तुमं न जाहे कहिं चि दिट्ठो ताहे विसण्णाओ  
 इहागयाओ । तओ अप्पताक्किय-हिरण-वुट्ठि-विब्भममेत्थ तुह
- 25 दंसणं जायं ति ! ता भो महाभाग, सुमरिऊण पुप्फवइ-वइयरं, कीरउ  
 अम्हाणं समीहियं ?' एयं सुणिय सहरिसं मन्नियं कुमारेण । निव्व-  
 त्तिऊण गन्धव्व-विवाहं ठिओ रत्तीए ताहिं समं । गोस-काले य  
 वुत्ताओ 'गच्छह तुब्भे पुप्फवइ-समीवं, जाव मह रज्ज-लाभो होइ' ।

‘ एवं काहामो ’ त्ति भाणिय गयाओ तांओ । गयासु तासु जाव पलोएइ पासाइं ताव न तं धवल-हरं नय सो परियणो । चिन्तियं च तेण, ‘ एसा विजाहरी माया; अन्नहा कहमेयं इन्दियाल-विठ्ठमं ताण विलासियं ? ’

- 5 तओ कुमारो सुमरिय रयणवईए तयण्णेसणनिमित्तं गओ आस-  
माभिमुहं । जाव ‘ न तत्थ रयणवईं न य अन्नो कोई, तओ कं  
पुच्छामि’त्ति कलिऊण पलोइयाइं पासाइं, न य कोई सच्चविओ ।  
तओ तीए चेव वइयरं चिन्तयन्तस्स खणन्तरेणागओ एक्को कल्लाणा-  
गिईं परिणओ पुरिसो । पुच्छिओ सो कुमारेण ‘ भो महाभाय, एवं  
10 विह-रूव-नेवच्छ-विसेसा कल्ल-दिणे अज्ज वा न दिट्ठा का वि एत्थ  
बाला ? तेण य भाणियं ‘ पुत्तय, किं सो तुमं रयणवईए भत्ता ? ’  
कुमारो भणइ ‘ एवं ! ’ तेण भाणियं ‘ कल्लं सा मए रूयन्ती दिट्ठा  
अवरण्ह-वेलाए; गओ य तीए समीवं पुच्छिया य सा मए—पुत्ति,  
कासि तुमं, कओ वा समागया, किं वा सोय-कारणं, कहिं वा  
15 गन्तव्वं ? ’ तओ तीए किंचि कहियंमि पच्चाभिन्नाया भाणिया य ‘ मम  
च्चिय दोहित्ती तुमं होसि । ’ मुणिय-वुत्तन्तेण य मया तीए चुल्ल-  
पिउणो गन्तूण सिट्ठं । तेण य जाणिय-विसेसा सायरं पवेसिया  
निय-मन्दिरं । अण्णेसिया सव्वओ तुब्भे, न कहिंचि दिट्ठा ता  
संपयं सुन्दरमणुट्ठियं जमागया । एवं चालविऊण नीओ तेण कुमारो  
20 सत्थवाह-मन्दिरं । कय-सव्वोवयाररस य रयणवईए वित्तं पाणि-  
गहणं । तओ तीए सह विसय-सुहमणुहवन्तो चिट्ठइ ।

- अन्नया वरधणुगो दिवसओ त्ति पकप्पियं भोज्जं भुञ्जन्ति बम्भ-  
णाइणो जाव, सयं चेव वरधणू जणिय-बम्भण-वेसो भोयण-निमि-  
त्तमागओ भणिउं पयत्तो, जहा ‘ भो साहिज्जउ तस्स भोज्ज-कारिणो  
25 जहा, जइ मज्झ भोयणं पयच्छह, तो तस्स परलोय-वत्तिणो वयणो-  
यरंमि उवणमइ । ’ सिट्ठं च तेहिं तमागन्तूण कुमारस्स । विणिग्गओ  
कुमारो । सहरिसं च पलोइओ सो कुमारेण, पच्चाभिन्नाओ य ।  
आलिङ्गितं पविट्ठो मन्दिरं । निवत्त-मज्जण-भोयणावसरम्मि य  
प्रा. क. सं. ५

पुच्छिओ तेण वरधणू निय-पउत्ति । साहिउं पयत्तो, जहा ' तीए  
 रवणीए मिद्धा-वसमुचगयाण तुम्हाण पिड्डओ धाविउण निविड-कुड-  
 झन्तरडिय-तणुणा एक्केण चोर-पुरिसेण पहओ बाणेण । तप्पहार-  
 वेयणाए परायत्तणओ निवाडिओ महि-यलंमि । अवाय-भीरुत्त-  
 णओ न साहियं तुम्हं । वोळणो रहवरो तमन्तरालं । अहमवि परि-  
 निविड-तरु-अन्तराल-मज्जेण सणियं अवक्कममाणो क्हक्कहवि पत्तो तं  
 गामे, जत्थ तुम्हे निवासिया । साहिया य तग्गामाहिवेण तुम्ह  
 पउत्ती । समुप्पन्न-हियय-तोसो य पउण-पहारो भोयण-पत्थण-वव-  
 एतेण समागओ इहइं जाव, दिट्ठा तुम्हे । एवं च सहरिसमविरत्त-  
 10 वित्ताणं जन्ति दियहा ।

अन्नया य मन्तियं परोप्परं बम्भदत्त-वरधणूहिं ' केत्तियं कालं  
 मुक्क-पुरिसयारेहिं अच्छियवं ?' एवं च चिन्तयन्ताणं निग्गमोवाय-  
 मुत्तमुयाणं समागओ महु-माप्से । तंमिय पयत्ते मयण-महूसवे निग्गाए  
 नयारि-जणवए उज्जाणेसु कोउह्लेपं मया दो वि कुमार-वरधणू । तओ  
 51 पयत्ते निब्भरे कीला-रसे कीलन्तेसु विविह-कीलाहिं तरुण-नर-नारी-  
 सत्थेसु अतक्कियं चेव मय परव्वसो गालिय-मिण्ठो निरङ्कुसो विय-  
 रिओ राय-हत्थी । समुच्छलिओ कलयलो; भग्गाओ कीला-गोड्डीओ ।  
 एत्तं च पयत्ते हल्लोहलए एका बालिया समुन्नय-अओहरा वियड-  
 नियम्ब-विम्बा मत्त-करि-करोरू-भय-वेविरङ्गी सरणं विस्समाणत्त  
 20 पडिया करिणो दिट्ठि-पहं । तओ उच्छलिओ हाहा-रबो, कूइयं  
 से परिचणोण । तत्थन्तरे दर-अहियाए तीए पुरओ झेउण हक्किओ  
 कुमारैण करी, मुक्काविया एसा । सो वि करी तं बालियं ओत्तण  
 सोस-वस-वित्थारिय-ओषणो पसारिष-घोर-करे तंइडविय-कण्णे झत्ति  
 तदभिमुहं पधाविओ । कुमारैण वि संपिण्डिय उवरिहं पक्खिअ  
 25 तदभिमुहं । तेणावि निब्भरसम्मरिस-पराहीणेण खेतुं तं पक्खित्तं  
 गयणे, निवडियं धरणीए । जाव करी तत्थ परिणवह, ताव  
 दक्खसणओ सभारुहिय कन्धराए निबद्धमासणं कुमारैण, ताडिओ

तिब्रस्वङ्गसेण, अप्फालियो कुम्भ-भाए, महुर-वयणेहिं मेहाविओ मच्छरं करी । तओ समुच्छलिओ साहुकारो; नयइ कुमारो-त्ति पढिय बन्दिणा । नीओ खम्भुट्टाणं, आगओ तमुद्देसं नरवई । दट्टण तं अणण्ण-सरिस-चेट्टियं विम्हयं गओ भणिउं पयत्तो ' को उणे पूसे ? ' तओ कुमार-वइयराभिन्नेण साहिओ वुत्तन्तो मन्तिणा । तओ तुट्टेण राइणा नीओ निय-भवणं कुमारो, काराविओ मज्जण-भोयणाइ-उच्चिय-करणिज्जं । तओ भोयणावसाणे दिन्नाओ अट्ट धूयाओ कुमारस्स । सोहण-दिण-मुहुत्तेण वित्तं पाणिग्गहणं । नहा सुहं द्विया तत्थ कइवय-दिणे ।

- 10 अलया एगा महिला आगन्तूण कुमार-समीवं भणिउं पञ्चत्ता, जहा 'कुमार, अत्थि तए सहवत्त व्वं किं पि' । तेण वुत्तं 'मण !' तीए वुत्तं ' अत्थि इहेव नयरीए वेसमणो नाम सम्भवाहो, तस्स धूया सिरिमई नाम । सा मए बाल-भाबाओ आरब्भ पालिया, जा तुमए हत्थि-संभमाओ रक्खिया । तीए हत्थि-संभमुच्चरियाए उज्झि-
- 15 ऊण भयं, जीविय-दायगो ति मुणिऊण तुमं साहिलासं पलोइओ । तओ अच्चन्त-सुन्दर-रूव-जोव्वण-लायण-कला-कोसंझाण पग-रिसो ति काऊं समुप्पन्नो ताए तुज्जोवरि दडमणुराओ । तओ तप्पभिइं तं चव पलांमाणी थम्मिय व्व लिहिय व्व कालिय व्व टङ्कु-करिय व्व निच्चल-निहित्त-लोयणा खणमेक्कं ठिया । बोलीणो हत्थि-
- 20 संभमे कहकहवि परिजणेण नीया निय-मन्दिरं । तन्ध वि न मज्जण-भोयणाइयं देह-ट्टिइ करेइ, केवलं मोणेण अच्छइ । ताहे मए वुत्ता ' पुत्ति, कस्सिं अञ्जण्डिच्चिय असब्भाविणी जाया, जेण मज्झ वि अवहरीसि वयणं ? ' ताव सविलक्खं हसिऊण भाणिय तीए ' किम-च्च ! तुम्हाण वि अकहण्णिज्जमत्थि ? किं तुलजा एत्थावरण्हइ; ता
- 25 सुव्वउं, जेणाहं हत्थि-संभमाओ रक्खिया, तेण सह पाणिग्गहणं जइ न होइ, तो मे अवस्सं मरणं सरणं ति ' । तओ एधमाथण्णिऊण य कइओ तीए पिउणो वुत्तन्तो । तेणावि तुह समीवे भइं पैसिया

ता पडिच्छसु इमं बालियं । ' मन्नियं च तेण । पसत्थ-दियहे वित्तो विवाहो । वरधणुणो वि सुबुद्धिनामेणामच्चेण नन्दाभिहाणं कन्नं दाउं कयं विवाह-मङ्गलं । एवं च दोण्ह वि विसय-सुहमणुहवन्ताणं अइक्कन्ता कइवि वासरा । उच्छलिया सव्वओ तेसिं पउत्ती ।

- 5 तओ गया वाणारसिं । तओ बम्भदत्तं बाहिं ठविय गओ वर-धणू कडय-समीवं । हरिसिओ एसो सबल-वाहणो निग्गओ सम्मुहो । तओ समाइच्छिउणारोविउं हत्थि-खन्धे पवोसिओ निय-भवणे । कमेण य दिन्ना निय-धूया कडयावई नाम अणेग-गय-हय-रह-भण्डार-समेया । पसत्थ-दिणे वित्तो विवाहो । तीए समं विसय-
- 10 सुहमणुहवन्तस्स वच्चइ कालो । तओ धूय-संपेसणेण समागओ सबल-वाहणो पुप्फचूलो राया, धणू मन्ती, कणेरदत्तो, अन्ने य चन्दसीह-भवदत्तादओ बहवे रायाणो । तेहिं वरधणू सेणावइ-पए अहिसि-ञ्चिउण पेसिओ दीह-राइणो उवरिं, पयत्तो अणवरयं गन्तुं । एत्थन्तरे पेसिओ दीहेण कडगाईण दूओ । निब्भच्छिओ सो तेहिं ।
- 15 अप्पणो वि अणवरय-पयाणएहिं गच्छन्ता पत्ता कम्पिल्लपुरं । तओ समन्तओ निरुद्ध-निग्गम-पवेसं कयं तं । तओ सो दीह-राया ' केत्तियं कालं बिले पविट्टेहिं अच्छियव्वं' ति साहसम-वलम्बिउण निग्गओ सम्मुहो । समावडियं महा-समरं दोण्ह वि सेन्नाणं । तओ भग्गं निय-सेन्नं दड्डण दीहो, काउण पोरुसं अन्नहा वि
- 20 नत्थि मोक्खो त्ति कलिउण सम्मुहमुवट्टिओ । तओ तं पेच्छिउण बम्भदत्तो संधुक्किय-कोवाणलो चालिओ तदभिमुहं । लग्गमाओहणं तओ गण्डीव-खग्ग-कुन्त-गया-भिण्डिमाल-पमुहेहिं पहारिउण मुक्कं बम्भद-त्तेण चक्कं । तेण दीह-राइणो कबन्धी कयं सरीरं । तओ ' जयइ चक्कवट्टी' ति उच्छलिओ कलयलो । सिद्ध-गन्धव्वेहिं मुक्का कुसुम-
- 25 बुट्टी । वुत्तं च; जहा—'एस बारसमो चक्कवट्टी उप्पन्नो ।' तओ पुर-जणवएण नागारिय-लोएण य अभिनान्दिज्जमाणो पविट्टो निय-मन्दिंरं । कओ सयल-सामन्तेहिं महा-चक्कवट्टि-रज्जाभिसेओ । पसा-



हियं चिरन्तण-चक्कवट्टि-कमेण छखण्डं पि भरहं । समागयं पुप्फवड्-  
पमुहं सयलमन्तेउरं । एवं चक्कवट्टित्तणं कुणन्तस्स गच्छन्ति दिणा ।

अन्नया नडेण विन्नतो, जहा 'महाराय, अज्ज महुयसी-गीयं नाम  
नट्टविहिं उवदांसिस्सामि त्ति' । तेण वुत्तं ' एवं होउ'त्ति । तओ

5 अवरण्ह-समए पारद्धो नच्चिउं । एत्थन्तरे दास-चेडीए सयल-  
कुसुम-समिद्धं बम्भदत्तस्स कुसुम-दाम-गण्डमुवट्टवियं । तं पेच्छन्तस्स  
महुयरी-गीयं च सुणन्तस्स वियप्पो जाओ: ' एवंविह-नाडय-विही  
दिट्ठ-पुव्वा मए ।' एवं चिन्तन्तस्स सोहम्मे पउमगुम्मे विमाणे दिट्ठ-  
पुव्व त्ति सुमरिओ पुव्व-भवो । गओ य मुच्छं पडिओ य भूमीए ।

10 तओ पास-परिवत्तिणा सामन्त-छोएण सरस-चन्दणालिम्पणेण  
समासत्थीकओ । राइणा सुमरिय-पुव्व-भव-भाइ-वइयरेण तयण्णे-  
सणत्थं रहस्सं गोविन्तेण मणिओ निय-हियय-निव्विसेसो वरघणू  
नाम महामच्चो, जहा, 'लम्बिऊण इमं सिलोगद्धं घोसावेसु नगरे  
तिय-चउक्क-चच्चरेसु; जो इमस्स सिलोगस्स पच्छिमद्धं पुरेइ, तस्स  
15 राया नियरज्जस्स अद्धं देइ' त्ति । एवं च पइदिणं पयत्तमाघोसणं,  
लम्बिओ य बहुसु पएसेसु पाओ ।

अत्रावसरे सः पूर्वभविकश्चिन्नाभिधानस्तत्सहोदरजीवः पुरि-  
मतालनगरादिभ्यपुत्रो भूत्वा संजातजातिस्मरणो गृहीतव्रतस्तत्रैवागतः  
समवसृतो मनोरमाभिधाने कानने । तत्र यथाप्रासुके भूभागे निक्षिप्य

20 पात्राद्युपकरणं स्थितो धर्मध्यानोपगतः कायोत्सर्गेण । अत्रान्तरे  
आरघट्टिकेण पठचमानम्

आस्व दासौ मृगौ हंसौ मातङ्गावमरौ ततः ।

इदं श्लोकार्थं निशम्य प्राह मुनिः—

एषा नौ षष्ठिका जातिरन्योन्याभ्यां वियुक्तयोः ॥

25 ततोऽसावारघट्टिकस्तच्छ्लोकार्थं पत्रके विलिख्य प्रफुल्लास्यपंकजो  
गतो राजकुलं । पठितः प्रभोः पुरतः सम्पूर्णः श्लोकः । ततः  
झेहातिरेकेण गतो मूर्छा राजा । ततः क्षुभिता सभा । रोषवशागतेन

- परिषंज्जेमः एतद्वचनेन राजेदृशी दशां गत इति चंपेटाभिर्हन्तुमारुह्योऽसौ । हन्यमानो ' न मयाऽयं पूरित ' इति त्रिलषत्रसौ विमोक्षितः; कर्द्धकेभिः पृष्टश्च ' कोऽस्य पूरक ' इति । स प्राह अग्रदृ-समीषवर्ती मुनिरिति । ततो राजापि चन्दनरससैकादिभिर्ल-
5. षधचेतनोऽवगतमुनिवरागमवृत्तान्तस्तद्वाक्तीस्नेहाकृष्टचित्तः संपरि-  
करो निर्ययौ । ददृशे च तेन मुनिरुद्याने । तुष्टचेतसा वन्दितः ।  
सविमयं उपविष्टस्तदन्तिके मुनिनारब्धा धर्मदेशनां, दार्शिता भव-  
निर्गुणता, वर्णिता कर्मबन्धहृतेवः, श्लाघितो मोक्षमार्गः, ख्यापितः  
शिवसौख्यातिशयः । संविग्ना परिषद्, न भावितो ब्रह्मदत्तः, प्राह-
10. च ' भगवन्, यथा स्वसंगमसुखेनाल्हाद्विता बयं, तथाऽऽल्हादयतु  
भगवान् राज्यस्वीकारणेन, पश्चात् तपः सममेव करिष्यावः ।  
एतदेव वा तपसः फलम् ' । मुनिराह 'युक्तमेतद्भवदुपकारोद्यता-  
नाम्; केवलं दुर्लभेयं मनुष्यावस्था, सततपालुकमायुः, चञ्चला श्रीः  
अम्वस्थिता धर्मबुद्धिः, विपाककटवो विषयाः, तदासक्तानां ध्रुवो
- 15 नरकपातः, दुर्लभं पुनर्मोक्षबीजं विशेषतो विरतिरत्नं, न तस्यागाद्  
दुस्तरनरकपातहेतुककतिपयदिनभाविराज्याश्रयणाम्नाऽल्हादयति चित्तं  
विदुषाम् । तत् परित्यज कदाशयं, स्मर प्राग्भवानुभूतदुःखानि,  
पिब जिनवचमामृतहरसं, संचरस्व तदुक्तमार्गेण, सफलीकुरु मनुष्य-  
जन्म ' इति । स प्राह 'भगवन्, उपनतसुखख्यामेनादृष्टसुखवाञ्छा
- 20 अज्ञानलक्षणम् । तस्मैवमादिश, कुरु मत्समीहितं ' । ततः पुत्रुरुक्त-  
मुक्तोऽपि यथा न प्रतिबुध्यते, तदा चिन्तितं मुनिना ' आं ज्ञातं,  
पूर्वभवे स्नत्कुमारचक्रिखीरत्नालकसंस्पर्शविदनाजाताभिलाषातिरेकेण  
मया निवार्यमाणेनापि कृतं तत्प्राप्त्यर्थं संभूतेन सता निदानं, तदिदं  
विजृम्भतेऽतः कालदृष्टवदसाह्योऽयं जिनवचनमन्त्रतन्त्राणाम् ' इति ।
- 25 गतो मुनिः, कालान्तरेण मोक्षं च प्राप्तः । राज्ञोऽपि चक्रिसुखमनुभ-  
वतौऽतीतः कश्चित् कालः ।  
अन्वद्वेनेन द्विजेनोक्त्रोऽसौ 'अहो नृपेश, ममेदृशी वाञ्छोऽपिना  
एवमिभोऽज्ञानं भुङ्क्ते ' । राज्ञोक्तं ' भो द्विज, न मामकमृचं त्वं

- भोक्तुं क्षमः । यतो मां हित्वा एतदन्नमन्यस्य न सम्यक् परिणमति' । द्विजेनोक्तं ' धिगस्तु ते राज्यलक्ष्मीमाहात्म्ये यदन्नमात्रदानेऽप्यालोचयसि ' । ततो राज्ञा असूययानुज्ञातं, भोजितश्चासावाहारदानेन स्वभार्यापुत्रस्नुषादुहितृपौत्रादिबान्धववृन्दान्वितः । गतः स्वगृहमा-
- 5 मतायां निशिथिन्यां परिणमत्यन्नेऽत्यन्तजातोन्माद्प्रसरोऽनपेक्षित-  
मातृस्नुषाभगिनीव्यतिकरो गुरुमदमवेदमानप्टचित्तः प्रवृत्तोऽन्योन्यम-  
कार्यमाचरितुं द्विजपरिजनः । प्रत्यूषसि लज्जितो द्विजः  
परिजनश्चान्योन्यमास्यं दर्शयितुमपारयन्निर्गतो मगरसञ्चिन्तितं च  
द्विजेन 'कथमनिमित्तवैरिणा राज्ञेत्यं विडम्बितोऽहम्' । ततोऽमर्षितेन
- 10 तेन वनेऽटता दृष्ट एकोऽजापालकः, कर्करिकाभिरश्रत्थपत्राणि  
काणीकुर्वैश्चिन्तितं च तेन ' मद्विवक्षितकार्यकरणयोग्योऽर्थ' इति  
कृत्वोपचरितस्तेन दानसन्मानादिभिः । कथितस्तेन स्वाभिप्रायस्तस्य  
रहसि । तेनापि प्रतिपन्नम् । अन्यदा गृहान्निर्गच्छतो ब्रह्मदत्तस्य  
कुड्यान्तरिततनुनाऽमोघवेध्यत्वेन गोलिकन्यैककालमुत्पाटिते लोचने ।
- 15 ततो राज्ञा वृत्तान्तमवेत्योत्पन्नकोपेन सपुत्रबान्धवोऽसौ घातितः  
पुसेहितो, अन्यानपि द्विजान् धातयित्वाक्तो मन्त्री यथा ' एषाम-  
क्षीणि स्थाले निक्षिप्य मम पुरतो निधेहि, येनाहं स्वहस्तमर्दनेन  
सुखमुत्पाद्यामि ' इति । मन्त्रिणापि क्लिष्टकर्मोदयवशतां तस्याव-  
गम्य शाखोटकतरुफलानि स्थाले निक्षिप्य दौकितानि तस्य । सोऽ
- 20 पि रौद्राध्यवसायोपगतस्तान्यक्षिबुद्ध्या मर्दयन् स्वं सुखाकुर्वन्  
दिनान्यतिवाहयति । एवं च विदधतोऽतीतानि कतिचिद्दिनानि ।  
ततः सप्तवर्षशतानि षोडशोत्तराणि आयुरनुपाल्य तत्क्षये प्रवर्ध-  
मानरौद्राध्यवसायो मृत्वोत्पन्नः सप्तमंनरकपृथिव्यां त्रयस्त्रिंशत्साग-  
रायुर्नारकः ।

# मूलदेव



- अत्थि उज्जेणी नयरी । तीए य असेस-कला-कुसलो अणेग-  
विन्नाण-निउणो, उदार-चित्तो कयन्नु पडिवन्न-सुरो गुणाणुराई  
पियंवओ दक्खो रूव-लावण्ण-तारुण्ण-कलिओ मूलदेवो नाम राय-  
उत्तो पाडलि-पुत्ताओ जूय-वसणासत्तो जणंगावमाणेण पुह्विं परि-  
5 भमन्तो समागओ । तत्थ गुलिया-पओगेण परावात्तिय-वेसो वामण-  
याकारो विम्हावेइ विचित्त-कहाहिं गन्धवाइ-कलाहिं नाणा-कोउ-  
गेहिं य नायर-जणं । पसिद्धो जाओ । अत्थि तत्थ रूव-लावण्ण  
विन्नाण-गव्विया देवदत्ता नाम पहाणा गणिया । सुयं च तेण ' न  
रञ्जिज्जइ एसा केणइ सामण्ण-पुरिसेण अत्त-गव्विया' तओ कोउएण  
10 तीए खोभणत्थं पच्चूस-समए आसन्नत्थेण आढत्तं सुमहुर-रवं बहु-  
भङ्गि-घोलिर-कण्ठं अन्नन्न-वण्ण-संवेह-रमणिज्जं गन्धव्वं । सुयं च तं  
देवदत्ताए चिन्तियं च ' अहो अउव्वा वाणीः ता दिव्वो एस कोइ  
न मणुस्स-मत्तो ' । गवेसाविओ चेडीहिं । गविट्ठो दिठो मूलदेवो  
वामण-रूवो, साहियं जह-डियमेईए । पेसिया तीए तस्स बाहरणत्थं  
15 मादवाभिहाणा खुज्ज-चेडी । गन्तूण विणय-पुव्वयं भणिओ तीए  
' भो महायस, अम्ह सामिणी देवदत्ता विन्नवेइ, कुणह पसायं  
एह अम्ह घरं ।' तेण य वियड्डयाए भणियं ' न पओयणं मे  
गणिया-जण-सङ्गेण निवारिओ विसिद्धाण वेसा-जण-संसग्गो ।  
भणिं =

20

या विचित्रविट्ठकोटीनिघृष्टा  
मद्यमांसनिरतातिनिकृष्टा ।  
कोमला वचसि चेतासि दुष्टा  
तां भजन्ति गणिकां न विचिष्टाः ॥ १ ॥

योपतापनपराऽग्निशिखेव चित्तमोहनकरी मदरेव ।

देहदारणकरी क्षुरिकेव गहिता द्वि गणिका शालिकेव ॥२॥

- अओ नत्थि मे गमणाभिलासो । तीए वि अणेगाहिं भणिइ-  
भङ्गीहिं आराहिऊण चित्तं महा-निबन्धेण करे घेत्तूण नीओ  
5 घरं । वच्चन्तेण य सा खुज्जा कला-कोसहेण विउजा-पओगेण  
य अप्फालिऊण कया पउणा । विम्हय-खित्त-मणाए पवेसिओ  
सो भवणे । दिट्ठो देवदत्ताए वामण-रूवो अउव्व-लावण-धारी,  
विम्हियाए य दवावियमासणं । निसन्नो य सो । दिन्नो तम्बोलो,  
दंसियं च माहवीए अत्तणो रूवं, कहिओ य वइयरो, सुट्टुयं वि-  
10 म्हिया, पारद्धो आलावो महुराहिं विथडू-भणिईहिं, आगरिसियं  
तेण तीए हियं । भणियं च—

‘अणुणय-कुसलं परिहास-पेसलं लडह-वाणि-दुल्लालियं ।

आलवणं पि हु छेयाण कम्मणं किं च मूलीहिं ॥

- एत्थन्तरे आगओ तत्थेगो वीणा-वायगो । वाइया तेण वीणा ।  
15 रञ्जिया देवदत्ता, भणियं च ताए, ‘साहु ! भो वीणा-वायग,साहु !  
सोहणा ते कला ।’ मूलदेवणे भणियं ‘अहो ! अइनिउणो उज्जेणी-  
जणो, जाणइ सुन्दरासुन्दर-विसेसं ।’ देवदत्ताए भणियं ‘ भो किं  
एत्थ खूणं ? ’ तेण भणियं ‘ वंसो चेव असुद्धो, सगज्जा य तन्ती’ ।  
तीए भणियं ‘ कहं जाणिज्जइ ? ’ ‘दंसेमि अहं ।’ समप्पिया वीणा,  
20 कडिडओ वंसाओ पाहणगो तन्तीए वालो । समारिऊण वाइउं  
पयत्तो । कया पराहीण-माणसा स-परियणा देवदत्ता । पच्चासन्ने  
य करेणुया सया रवण-सीला आसि सा विठिया घुमन्ती ओलम्बिय-  
कण्णा । अईव विम्हिया देवदत्ता वीणा-वायगो य ।’ चिन्तियं च ‘अहो  
पच्छन्न-वेसो विस्सकम्मा एस ।’ पूइऊण पेसिओ तीए वीणा-वायगो ।  
25 आगया भोयण-वेला । भणियं देवदत्ताए ‘ वाहरह अङ्गमइयं  
जेण दो वि अम्हे मज्जामो ’ ! मूलदेवेण भणियं ‘ अणुमन्नह अहं  
चेव करेमि तुम्ह अहभङ्गण-कम्मं’ । ‘किमेयं पि जाणासि ?’ ‘न याणाभि  
श्री. क. सं. ८

- सम्मं परं ठिओ जाणगाण सयासे' । आणियं चम्पगतेळं, आढतो  
अभाङ्गिउं । कया पराहीण-मणा । चिन्तियं च णाए 'अहो विन्नाणा-  
इसओ, अहो अउव्व-करय-फासो ! ता भवियव्वं केणइ इमिणा  
सिद्ध-पुरिसेण पच्छन्न-रूवेण, न पयईए एवं-रूवस्स इमो पगरिसो'त्ति,  
5 ता पयडी-करावेमि रूवं ।' निवडिया चलणेसु, भणिओ य ' भो  
महाणुभाव, असारिस-गुणेहिं चैव नाओ उत्तम-पुरिसो पडिवन्न-  
वच्छलो दक्खिण-पहाणो य तुमं । ता दंसेहि मे अत्ताणयं ! वाढं  
उक्कण्ठियं तुह दंसणस्स मे हिययं ' । मूलदेवेण य पुणो पुणो  
निब्बन्धे कए इसि हसिऊण अवणीया वेस-परावत्तणी गुलिया ।  
10 जाओ सहावत्थो, दिट्ठो दिण-नाहो व्व दिप्पन्ततेओ, अणङ्गो व्व  
मोहयन्तो रूवेण सयल-जणं नव-जोव्वण-लायण-संपुण-देहो । हरिस-  
वसुब्भिन्न-रोमञ्चा पुणो निवडिया चलणेसु । भाणियं च 'महा-पसा-  
ओ' त्ति । अब्भङ्गिओ सहत्थेहिं, मज्जियाइं दो वि, जिमियाइं महा-  
विभूईए, पहिराविओ देव-दूसे, ठियाइं विसिद्ध-गोटीए; भाणियं च  
15 तीए 'महाभाग, तुमं मोत्तूण न केणइ अणुरञ्जियं मे अवर-पुरि-  
सेण माणसं । ता सच्च मेयं  
नयणेहि को न दीसइ केण समाणं न होन्ति उल्लावा ।  
हिययाणन्दं जं पुण जणेइ तं माणुसं विरलं ॥  
'ता ममाणुरोहेणः एत्थ घरे निच्चमेवागन्तव्वं' । मूलदेवेण भाणियं 'गुण-  
20 राइणि, अन्न-देसीएसु निद्धणेसु अम्हारिसेसु न रहए पडिबन्धो, न  
य ठिरी-हवइ । पाएण सव्वस्स वि कज्ज-वसेण चैव नेहो । भाणियं च—  
वृक्षं क्षीणफलं त्यजन्ति विहगाः शुष्कं सरं सारसाः,  
पुष्पं पर्युषितं त्यजन्ति मधुपा दग्धं वनान्तं मृगाः ।  
निर्द्रव्यं पुरुषं त्यजन्ति गणिका भ्रष्टं नृपं सेवकाः,  
25 सर्वः कार्यवशाज्जनोऽभिरमते कः कस्य को वल्लभः ॥  
तीए भाणियं 'स-देसो पर-देसो वा अकारणं सप्पुरिसाणं' । भाणियं च-  
जलहि-विसंघडिएण वि निवसिज्जइ हर-सिरंमि चन्देणं ।  
जत्थमया तत्थगया गुणिणो सीसेण बुब्भन्ति ॥

तहा—अत्थो वि असारो; न तंमि वियक्खणाण बहुमाणो, अवि य गुणेषु चेवाणुराओ हवइ त्ति । किं च—

वाया सहस्स-मइया सिणेह-निज्जाइयं सय-सहस्सं ।  
सब्भावो सज्जण-माणुसस्स कोटिं विसेसेइ ॥

5 ता सव्वहा पडिवज्जसु इमं पत्थणं ति ।' पडिवन्नं तेण । जाओ तेसिं नेह-निब्भरो संजोगो ।

अन्नया राय-पुरओ पणच्चिया देवदत्ता, वाइओ मूलदेवेण पडहो । तुट्ठो तीए राया । दिन्नो वरो । नासीकओ तीए । सो य अईव जूय पसङ्गी; निवसण-मेत्तं पि न रहए ।

10 भाणीओ य साणुणयं तीए पिय-वाणीए ' पिययम, कोमुइ-मयङ्कस्सेव हरिण-पडिबिम्भं तुम्हं सयल-गुणालयाणं कलङ्कं चेव जूय-वसणं । बहु-दोस-निहाणं च एयं । तहा हि

कुल-कलङ्कणु सच्च-पडिवक्खु  
गुरु-लज्जा-सोय-करु

15 धम्म-विग्घु अत्थह पणासणु ।  
जं दाण-भोगेहि रहिउ  
पत्त-दार-पिइ-माइ-सोसणु ।  
जहिं न मुणिज्जइ देउ गुरु  
जहिं न वि कञ्जु अकञ्जु ।

20 तणु-संतावणु कुगइ-पहु  
पिय तहिं जूइ म रज्जु ॥

ता सव्वहा परिच्चयसु इमं' । अइरसेण य न सकए मूलदेवो परिहरिउं ।

अत्थि 'य देवत्ताए गाढाणुरत्तो मूलिओ मित्तसेणो अयल-नामा सत्थवाह-पुत्तो । देइ सो जं मग्गियं, संपाडेइ वत्थाभरणाइयं ।

25 वहइ य सो मूलदेवोवरि पओसं, मग्गइ य छिद्दाणि । तस्स सङ्काए न गच्छइ मूलदेवो तीए घरं अवसरमन्तरेण । भाणिया य देवदत्ता जणणीए ' युत्ति, परिच्चय मूलदेवं ! न किंचि निद्धण-चङ्गेण पओ

यणमेएण । सो महाणुभावो दाया अयलो पेसेइ पुणो पुणो बहुयं  
दव्व-जायं । ता तं चैव अङ्गी-करेसु सव्वप्पणयाए । न एकंमि  
पड्डियारे दोन्नि करवालाइं मायन्ति, न य अलोणियं सिलं कोइ  
चट्टेइ । ता मुच्च जूयारियं इमंति । तीए भाणियं ' नाहं अम्ब,  
5 एगन्तेण धणाणुरागिणी, गुणेषु चे मे पड्डिबन्धो । ' जणणीए  
भाणियं ' केरिसा तस्स जूयकारिस्स गुणा ? ' तीए भाणियं ' अम्ब,  
केवल-गुणमओ खु सो; जओ—

धीरो उदार-चित्तो दक्खिण्ण-महोयही कला-निउणो ।  
पिय-भासी य कयणू गुणाणुराई विसेसन्नु ॥

10 अओ न परिच्चयामि एयं । तओ साऽण्णेगेहिं दिट्ठन्तेहिं आढत्ता  
पड्डिबोहिउं ' अलत्तए मग्गिए तरिसं पणामेइ, उच्छु खण्डे पत्थिए  
छोइयं पणामेइ, कुसुमेहिं जाएहिं बेण्ट-मेत्ताइं पणामेइ । चोइया य  
पड्डिभणइ ' जारिसमेयं, तारिसो एसो ते पिययमो, तहा वि  
तुमं न परिच्चयसि । ' देवदत्ताए चिन्तियं ' मूढा एसा, तेणेवंविहे दिट्ठन्ते  
15 देइ । '

तओ अन्नया भाणिया जणणी ' अम्मो मग्गेहि अयलं उच्छुं !'  
कहियं च तीए तस्स । तेण वि सगडं भरेउण पेसियं । तीए भाणियं  
' किमहं करिणिया, जेणेवंविहं स-पत्त-डालं उच्छुं पभूयं पेसिज्जइ ।  
तीए भाणियं ' पुत्ति, उदारो खु सो, तेण एवं पेसियं ' ति । चिन्तियं

20 च णेण ' अन्नाणं पि सा दाहि ति । ' अवर-दियहे देवदत्ताए भाणिया  
माहवी ' हला भण्णहि मूलदेवं, जहा उच्छूण उवरि सद्धा देवद-  
त्ताए; ता पेसेहि मे ' । तीए वि गन्तूण कहियं । तेण वि गहि-  
याओ दोन्नि उच्छु-लट्ठीओ निच्छो-लिउण कयाओ दुयङ्गुल-  
पमाणाओ गण्डियाओ, चाउज्जाएण य अवचुणियाओ, कप्पु-  
25 रेण य मणागं वासियाओ, मूलाहि य मणागं भिन्नाओ;  
गहियाइं अभिणव-मल्लागाइं, भरिउण ताइं दक्खिउण य  
पेसियाणि । ढोइयाइं च गन्तूण महावीए, दंसियाणि तीए वि



- जणणीए । भणियाय ' पेच्छ अम्मो, पुरिसाण अन्तरं ' ति ।  
 ता अहं एएसिं गुणाणमणुरत्ता । जणणीए चिन्तियं 'अच्चन्त-  
 मोहिया एसा, न परिच्चयइ अत्तणा इमं; ता करेमि किंपि उवायं,  
 जेण एसो वि कामुओ गच्छइ विएसं; तओ सुत्थं हवइ'त्ति चिन्ति-
- 5 ऊण भणिओ अयलो ' कहसु एईए पुरओ अलिय-गामन्तर-गमणं,  
 पच्छा मूलदेवे पविट्ठे मणुस्स-सामग्गीए आगच्छेज्जह; विमाणेज्जह यतं,  
 जेण विमाणो सन्तो देस-च्चायं करेइ । ता संजुत्ता चेट्ठेज्जह ! अहं  
 ते वत्तं दाहामि ।' पडिवन्नं च तेण । अन्नंमि दिणे कयं तहेव तेण ।  
 निग्गओ अलिय-गामन्तर-गमण-मिसेण । पविट्ठो य मूलदेवो । जाणा-
- 10 विओ जणणीए अयलो, आगओ महा-सामग्गीए, दिट्ठो य पविस-  
 माणो देवदत्ताए । भणिओ य मूलदेवो ' ईइसो चैव अवसरो, पडि-  
 च्छियं च जणणीए एयपोसियं दव्वं; ता तुमं पल्लङ्क-हेट्ठओ महुत्तगं  
 चेइह ताव ।' ठिओ सो पल्लङ्क-हेट्ठओ, लक्खिओ अयलेण ॥ निसण्णो  
 पल्लङ्के अयलो । भणिया य सा तेण 'करेह ण्हाण-सामग्गिं' ! देव-
- 15 दत्ताए भाणियं ' एवं ' ति; ता उट्ठिह नियंसह पोट्ठिं जेण अब्भ-  
 ङ्गिज्जह ।' अयलेण भाणियं ' मए दिट्ठो अज्ज सुमिणओ, जहा.  
नियत्थिओ चैव अब्भङ्गियगतो एत्थ पल्लङ्के आरूढो ण्हाओ त्ति ।  
 ता सच्चं सुमिणयं करेसु । देवदत्ताए भाणियं ' णणु विणासिज्जइ  
 महग्गियं तूलियं गण्डुयमाइयं ।' तेण भाणियं ' अन्नं ते विसिट्ठतरं
- 20 दाहामि' । जणणीए भाणियं ' एवं ' ति । तओ तत्थट्ठिओ चैव अब्भङ्गिओ  
उव्वट्ठिओ उण्ह-खलि-उडगेहिं पमज्जिओ । भरिओ तेण हेट्ठ-ट्ठिओ  
 मूलदेवो । गहियाउहा पविट्ठा पुरिसा । सन्निओ जणणीए अयलो ।  
 गहिओ तेण मूलदेवो वालेहिं, भणिओ य ' रे ! संपयं निरूवेहि,  
 जइ कोइ अत्थि ते सरणं ।' मूलदेवेण य निरूवियाइं पासाइं जाव,
- 25 दिट्ठं निसियासि-हत्थेहिं वेढियमत्ताणयं मणूसेहिं । चिन्तियं च 'नाह-  
 मेएसिं उच्चरामि, कायव्वं च मए वइर-निज्जायणं, निराउहो संपयं,  
 ता न पोरिसस्सावसरो ' त्ति चिन्तिय भणियं ' जं ते रोयइ, तं  
 करेहि !' अयलेण चिन्तियं ' उत्तम-पुरिसो कोई एस आगईए चैव

नज्जइ, सुलभाणि य संसारे महापुरिसाण वसणाइं । भाणियं च—

को एत्थ सया सुहिओ कस्स व लच्छी थिराइ पिम्माइं ।

कस्स व न होइ खलियं, भण को व न खण्डिओ विहिणा ? ॥

भाणिओ मूलदेवो ' भो एवंविहावत्थं गओ मुक्को संपयं तुमं ममं पि  
5 विहि-वसेण कयावि वसणपत्तस्स एवं चेव करेज्जह । '

तओ विमणो-दुम्भणओ निग्गओ नयराओ मूलदेवो । ' पेच्छ  
कहं एएण छलिओ ' ति चिन्तयन्तो ण्हाओ सरोवरे, कया  
पडिवात्ति । चिन्तियं ' गच्छामो विएसं, तत्थ गन्तूण करोमि किंपि  
इमस्स पडिविप्पिउवायं ' पट्टिओ बेण्णायड-संमुहं । गाम-नगराइ-

10 मज्जेण वच्चन्तो पत्तो दुवालस-जोयण-पमाणाए अडवीए मुहं ।  
चिन्तियं च तत्थ ' जइ कोइ वच्चन्तो वाया-मेत्तं सहेज्जो वि  
दुइओ लब्भइ, तो सुहं चेव छिज्जइ अडवी । ' जाव थेव-वेलाए  
आगओ विसिद्धाकार-दंसणीओ सम्बल-थइया-सणाहो दक्क-बम्भणो  
पुच्छिओ य ' भो भट्ट ! किं दूरं गन्तव्वं ? ' तेण भाणियं ' अत्थि अडवीए

15 परओ वीरनिहाणं नाम ठामं, तं गमिस्सामि । तुमं पुण कत्थ  
पत्थिओ ? ' इयरेण भाणियं ' बेण्णायडं । ' भट्टेण भाणियं ' ता एहि  
गच्छम्ह । ' तओ पयट्टा दो वि । मज्झण्ह-समए य वच्चन्तेहिं  
दिट्ठं सरोवरं । दक्केण भाणियं ' भो वीसमामो खणमेगं ' ति ।  
गया उदग-समीवं, धोया हत्थ-पाया । गओ मूलदेवो पालि-संठिय-

20 रुक्ख-छायं । दक्केण छोडिया सम्बल थइया, गहिया वट्टयंमि सत्तुया ।  
ते जलेण उल्लेत्ता लग्गो भक्खिउं । मूलदेवेण चिन्तियं ' एरिसा  
चेव बम्भण-जाई भुक्खा-पहाणा हवइ, ता पच्छा मे दाही । ' भट्टो  
वि भुञ्जित्ता, बन्धिउण थइयं पयट्टो । मूलदेवो वि, ' नूणं अवरण्हे  
दाही ' चिन्तेन्तो अणुपयट्टो । तत्थ वि तहेव भुत्तं, न दिन्नं तस्स ।

25 ' कल्लं दाहि ' ति आसाए गच्छइ एसो । वच्चन्ताण य आगया  
रयणी । तओ वट्टाओ ओसरिउण वड-पायव-हेट्टओ पसुत्ता । पच्चूसे  
पूणो वि पत्थिया, मज्झण्हे तहेव थक्का, तहेव भुत्तं दक्केण, न दिन्नं  
एयस्स । जाव तइय-दियहे चिन्तियं मूलदेवेण नित्थिणा पाया अडवी ।

ता अज्ज अवस्सं मम दाही एस । जाव तत्थ वि न दिन्नं । नित्थिणा  
 य तेहिं अडवी । जायाओ दोण्ह वि अन्नन्न-वट्टाओ । तओ  
 भट्टेण भाणियं ' भो ! तुज्झ एसा वट्टा, ममं पुण एसा, ता वच्च  
 तुमं एयाए । ' मूलदेवेण भाणियं ' भो भट्ट, आगओ अहं तुज्झ  
 5 पहावेणं; ता मज्झ मूलदेवो नामं, जइ कयाइ किंपि पओयणं मे  
 सिज्झइ, तो आगच्छेज्ज बेण्णायडे । किंच तुज्झ नामं ?' ढक्केण  
 भाणियं ' सद्धडो, जण-कया वड्ढेण निग्घिणसम्मो नाम । ' तओ  
 पत्थिओ भट्टो स-गामं, मूलदेवो वि बेण्णायड-सम्महं ति ।

अन्तराले य दिट्ठं वसिमं, तत्थ पविट्ठो भिक्खा-निमित्तं, हिण्डियं  
 10 असेसं गामं । लद्धा कुम्मासा, न किं पि अन्नं । गओ जलासया-  
 भिमुहं । एत्थन्तरम्मि य तव-सुसिय-देहो महाणुभावो महातवस्सी  
 मासोववास-पारणय-निमित्तं दिट्ठो पविसमाणो । तं च पेच्छिय हरिस-  
 वसुब्भिन्न-पुलएण चिन्तियं मूलदेवेण 'अहो ! धन्नो कयत्थो अहं, जस्स  
 इमंमि काले एस महातवस्सी दंसण-पहमागओ ! ता अवस्स-भवियव्वं  
 15 मम कल्लाणएण । अवि य—

मरुत्थलीए जह कप्प-रुक्खो दरिइ-गेहे जह हेम-बुट्ठी ।  
 मायङ्ग-गेहे जह हात्थि-राया मुणी महप्पा तह एत्थ एसो ॥  
 किं च—

दंसण-नाण-विसुद्धं पञ्च-महव्वय-समाहियं धीरं ।  
 20 खन्ती-मइव-अज्जव-जुत्तं मुत्ती-पहाणं च ॥ १ ॥  
 सज्झाय-ज्झाण-तवोवहाण-निरयं विसुद्ध-लेसागं ।  
 पञ्च-समियं ति-गुत्तं अकिंचणं चत्त-गिहि-सङ्गं ॥ २ ॥

सु-पत्तं एस साहू; ता—

एरिस-पत्त-सुखेत्ते विसुद्ध-लेसा-जलणे संसित्तं ।  
 25 निहियं तु दव्व-सस्सं इह-पर-लोए अणन्त-फलं ॥  
 ता एत्थ कालोचिया देमि एयस्स एए कुम्मासे । जओ अदाण्णो  
 एस गामो, एसो य महप्पा कइवय-घरेसु दरिसावं दाऊण पडिनि-  
 यत्तइ; अहं पुण दो तिण्णि वारे हिण्डामि, तो पुणो लभिसं;

आसन्नो अवरो बिईओ गामो; ता पयच्छामि सव्वे इमे ' ति ।  
पणमिऊण तओ समप्पिया भगवओ कुमास्सा । साहुणा वि तस्स  
परिणाम-पयरिसं मुणन्तेण दव्वाइ-सुद्धिं च वियाणिऊण ' धम्म-  
सील, थोवे देज्जह ति' भाणिऊण धरियं पत्तयं । दिन्ना य तेण पव-

5 ढुमाणाइसएण । भाणियं च तेण—

धन्नाणं खु नराणं कुम्मासा हुन्ति साहु-पारणए ।

एत्थन्तरम्मि गयणन्तर-गयाए रिसि-भत्ताए मूलदेव-भत्ति-रज्जियाए  
भाणियं देवयाए ' पुत्त मूलदेव, सुन्दरमणुचिट्ठियं तुमे ! ता एयाए  
गाहाए पच्छद्धेण मग्गह जं रोयए, जेण संपाडेमि सव्वं !' मूलदे-

10 वेण भाणियं—

गाणियं च देवदत्तं दन्ति-सहस्सं च रज्जं च ।

देवयाए भाणियं ' पुत्त, निच्चिन्तो विहरसु । अवस्सं रिसि-चल-  
णाणुभावेण अइरेण चैव संपाज्जिस्सइ एयं । ' मूलदेवेण भाणियं ' भय-  
वइ, एवमेयं' ति । तओ वन्दिय रिसिं पडिनियत्तो, रिसि वि  
15 गओ उज्जाणं । लद्धा अवरा भिक्खा मूलदेवेण । जेमिओ पत्थिओ  
य बेण्णायड-सम्मूहं । पत्तो य कमेण तत्थ ।

पसुत्तो रयणीए बाहिं पहिय-सालाए । दिट्ठो य चरिम-जामे  
सुमिणओ ' पडिपुण्ण-मण्डलो निम्मल-प्पभो मयङ्को उयरं मे पाविट्ठो ।'  
अत्तेण वि कप्पडिएण एसो चैव दिट्ठो, कहिओ तेण कप्पडियाणं ।  
20 तत्थेगेण भाणियं ' लभिहिसि तुमं अज्ज घय-गुल-संपुण्णं महत्तरं  
रोट्ठगं ' । ' न याणन्ति एए सुमिणस्स परमत्थं ' ति न कहियं  
मूलदेवेण । लद्धो कप्पडिएण भिक्खा-गएण घर-चायणियाए जहो-  
वइट्ठो रोट्ठगो । तुट्ठो य एसो निवेइओ य कप्पडियाणं । मूलदेवो  
वि गओ एगमारामं । आवज्जिओ तत्थ कुसुमोच्चय-साहिज्जेण माला-  
25 गारो । दिन्नाइं तेण पुप्फ-फलाइं ! ताइं धेतुं सुइ-भूओ गओ सुविण-  
सत्थ-पाढयस्स गेहं, कओ तस्स पणामो । पुच्छिया खेमारोग-वत्ता ।  
तेण वि संभासिओ स-बहुमाणं पुच्छिओ य पओयणं । मूलदे-

वेण य जोडिऊण कर-जुयलं कहिओ सुविण-गुवइयरो । उवज्जाएण वि भाणियं स-हरिसेण ' कहिस्सामि सुह-मुहुत्ते सुविणय-फलं; अज्ज ताव अतिही होसु अम्हाणं । ' पडिवन्नं च मूलदेवेण । ण्हाओ जिमिओ य विभूईए । भुत्तुत्तरे य भाणिओ उवज्जाएण ' पुत्त, 5 पत्ता पवरा मे एसा कन्नगा, ता परिणेषु ममोवरोहेण एयं तुमं' ति । मूलदेवेण भाणियं ' ताय, कहां अन्नाय-कुल-सीलं जामाउयं करोसि । ?' उवज्जाएण भाणियं 'पुत्त, आयारेण चैव नज्जइ अकहियं पि कुलं' भाणियं च—

आचारः कुलमाख्याति देशमाख्याति जल्पितम् ।

10 संभ्रमस्सनेऽहमाख्याति वपुराख्याति भोजनम् ॥

तहा—

को कुवल्याण गन्धं करेइ महुरत्तणं च उच्छूणं ।

वर-हत्थीण य लीलं विणयं च कुल-प्पसूयाणं ॥

अह वा—

15 जइ होन्ति गुणा तो किं कुलेण गुणिणो कुलेण न हु कज्जं ।

कुलमकलङ्कं गुण-वज्जियाण गुरुयं चिय कलंकं ॥

एवमाइ-भणिईहिं पडिवज्जाविओ, सुह-मुहुत्तेण परिणाविओ । कहियं सुविणय-फलं ' सत्त-दिणबभन्तरेण राया होहिसि ' । तं च सोऊण जाओ हिट्ठ-मणो । अच्छइ य तत्थ सुहेणं । पञ्चमे य

20 दिवसे गओ नयर-बाहिं, निसण्णो य चम्पग-छायाए ।

इओ य तीए नयरीए अपुत्तो राया कालगओ । तत्थ अहियासियाणि पञ्च-दिव्वाणि । ताणि आहिण्डिय नयरि-मज्जे निग्गयाणि बाहिं, पत्ताणि मूलदेव-सयासं । दिट्ठो सो अपरियत्तमाण-छायाए हेइओ । तं पेच्छिय गुलुगुलियं हत्थिणा, हेसियं

25 तुरङ्गेण, अहिसित्तो भिङ्गारेण, वीइओ चमरोहिं, ठियमुवारि पुण्डरीवं ।

तओ कओ छोएहिं जय-जयारवो । चडाविओ गएण खन्धे, पइसारिओ य नयरिं, अहिसित्तो मन्ति-सामन्तेहिं । भाणियं च गयण-तल गयाए देवयाए ' भो भो ! एस मह्हाणुभावो असेस-

प्रा. क. सं. ९

कला-पारगओ देवयाहिडिय-सररीरो विक्कमराओ नाम रायो; ता एयस्स सासणे जो न वट्टइ, तस्स नाहं खमामि' ति । तओ सब्बो सामन्त-मन्ति-पुरोहियाइओ परियणो आणा-विहेओ जाओ । तओ य उदारं विसय-सुहमणुहवन्तो चिड्डइ । आढत्तो उज्जेणि-  
5 सामिणा वियारधवलेण संववहारो जाव, जाया परोप्परं निरन्तरा पीई ।

इओ य देवदत्ता तारिसं विडम्भणं मूलदेवस्स पेच्छिय विरत्ता अईव अयलोवरिं । तओ य निब्भच्छिओ अयलो ' भो अहं वेसा, न उण-अहं तुज्झ कुल-घरिणी ! तहा वि मज्झ गेहत्थो एवं-विहं  
10 ववहरसि । ता ममत्थाए पुणो न खिज्जियव्वं' ति भाणिय गया राइणो सयासं । भाणिओ य निवडिय चलणेसु राया ' तेण वरेण क्रीरउ पसाओ । ' राइणा भाणियं ' भण; कओ चैव तुज्झ पसाओ; किमवरं भणीयइ ? ' देवदत्ताए भाणियं ' ता सामि, मूलदेवं वज्जिय न अन्नो पुरिसो मम आणवेयव्वो, एसो अयलो मम  
15 व्ररागमणे निवारयेव्वो ! ' राइणा भाणियं ' एवं, जहा तुज्झ रोयए; परं कहेह, को पुण एस वुत्तन्तो ? ' तओ कहिओ माहवीए । रुट्ठो राया अयलोवरिं । भाणियं च ' भो मम एईए नयरीए एयाइं दोन्नि रयणाइं, ताइं पि खली-करेह एसो ' । तओ हक्कारिय अम्बाडिओ भाणिओ य ' रे तुमं एत्थ राया, जेण एवं-  
20 विहं ववहरसि ? ता निरूवेहि संपयं सरणं, करेमि तुह पाण-विणासं' । देवदत्ताए भाणियं ' सामि, किमेइणा सुणह-पाएणं पडिखव्वेणं ति ? ता मुच्चह एयं । ' राइणा भाणिओ, ' रे एईए महाप्फुभावाए वयणेणं छुट्ठो संपयं, सुद्धी उण तेणेवेह आणिएणं भविस्सइ । ' तओ चलणेसु निवडिउण निमाओ राय-उल्लओ । आढत्तो गबेसिउं दिस्सो दिसिं, तहा वि न लद्धो । तओ तीए चैव उणिमाए भवि-  
उण भण्डस्स वहणाइं पत्थिओ पारस-उलं ।

इओ य मूलदेवेण पेसिओ लेहो कासेल्लियाइं च देवदत्ताए तस्स य राइणो । भाणिओ य राया ' मम एईए देवदत्ताए उवरि मज्झन्तो

पडिबन्धो; ता जइ एईए अभिरुचियं, तुम्हं वा रोयए, तो कुणह पसायं, पेसेह एयं ! ' तओ राइणा भणिया राय दोवारिगा ' भो-किमेयं एवंविहं लिहावियं विक्रमराएण ? किं अम्हाणं तस्स य अत्थि कोइ विसेसो ? रज्जं पि सव्वं तस्सेयं किं पुण देवदत्ता । परं

5 इच्छउ सा ! ' तओ ह्कारिया देवदत्ता । कहिओ वुत्तन्तो । 'ता जइ तुम्ह रोयए, ताहे गम्मउ तस्स सगासं । ' तीए भणियं ' महापसाओ तुम्हाणुन्नायाण मणोरहाए अम्हं । ' तओ महा-विभावेणं पूइऊण पेसिया गया य । तेण वि महाविभूए चैव पवोसिया । जायं च परोप्परमेग-रज्जं । अच्छए

10 विसय-सुहमणुभवन्तो जिण-भवण-बिम्बकरण-पय-नेप्परो-त्ति ।

इओ य सो अयलो पारस-उले विढावियं बहुयं दक्खं भवणं च भण्डं भरेऊण आगओ बेण्णायडं, आवासिओ यं बाहि । पुच्छिओ लोगो ' किं नामाभिहाणो एत्थ राया ? ' कथियं च ' विक्रमराओ ' ति । तओ हिरण्ण-सुवण्ण-मोत्तियाणं थालं भरेऊण भाओ राइणी

15 पेक्खगो । द्वावियं: राइणा आसणं । निसण्णो पच्चभिन्नाओ य; अयलेण य न नाओ एसो ? । रन्ना पुच्छियं ' कुओ सेट्ठी आगओ ? ' तेण भणियं ' पारसउलाओ ' । रन्ना पूइएण अयलेण भणियं ' सामि, पेसेह कोवि उवरिमो जो भण्डं निरूवैइ । ' तओ राइणा भणियं— ' अहं सयमेवागच्छामि ' । तओ पञ्चउल-सहिओ गओ राया,

20 दंसियं वहणेसु सङ्ख-पोफल-चन्दणागुरु-मञ्जिहाइयं भण्डं । पुच्छियं पञ्चउल-समक्खं राइणा ' भो सेट्ठि, एत्तियं चैव इमं ' तेण भणियं ' देव, एत्तियं चैव । ' राइणा भणियं ' करेह सेट्ठिस्स अद्ध-दाणं परं मम समक्खं तोलेह चोहए ' । तोलियाइं पञ्चउलेण । भारेण पाय-प्पहारेण य धस-वेहेण य लक्खियं मञ्जिहमाइ-मज्झ-गयं

25 सार-भण्डं राइणा, उक्केल्लावियाइं चोहयाइं, निरूवियाइं समन्तओ जाव दिट्ठं कत्थइ सुवण्णं, कत्थइ रूपपयं, कत्थइ मणि-मोत्तिय-पवा-लाइ-महग्घं भण्डं । तं च दडुण रुट्ठेण निय-पुरिसाण दिन्नो आएसो

- ‘अरे बन्धह पच्चक्ख-चोरं इमं’ ति । बद्धो य थगथगिन्त-हियओ तेहिं दाऊण रक्खवाल-जणेसु गओ राया भवणं । सो वि आणो आर-क्खिगेण राय-समीवं । गाढ-बद्धं च दट्टण भाणियं राइणा ‘रे छोडेह छोडेह ।’ छोडो अन्नेहिं । पुच्छिओ राइणा ‘परियाणासि ममं?’
- 5 तेण भाणियं ‘सयल-पुहवि-विक्खाए महानरिन्दे को न याणइ ?’ राइणा भाणियं ‘अलं उवयार-भासणेहिं, फुडं साहसु, जइ जाणसि’ अयलेण भाणियं ‘देव न याणामि सम्मं ।’ तओ राइणा वाहरा-विया देवदत्ता, आगया वरच्छर व्व सव्वङ्ग-भूसण-धरा; विजाया अयलेण । लज्जिओ मणंमि बाढं । भाणियं च तीए ‘भो, एस सो
- 10 मूलदेवो, जो तुमे भाणो तंमि काले ममावि क्याइ विहि-जोगेण वसणं पत्तस्स उवयारं करेज्जह । ता एस सो अवसरो । मुक्को य तुमं अत्थ-सरीर-संसयमावन्नो वि पणय-दीण-जण-वच्छलेण राइणा संपयं ।’ इमं च सोऊण विलक्ख-माणसो ‘महा-पसाओ’ ति भाणोऊण निवडिओ राइणो देवदत्ताए य चलणेसु । भाणियं च ‘कयं
- 15 मए जं तथा सयल-जण-निव्वुइ-करस्स नीसेस-कला-सोहियस्स देवस्स निम्मल-सहावस्स पुण्णिमा-चन्दस्सेव राहुणा कयत्थणं, ता तं खमउ मम सामी ! तुम्ह कयत्थणामरिसेण महाराओ वि न देइ मे उज्जेणीए पवेसं ।’ मूलदेवेण भाणियं ‘खमियं चेव मए, जस्स तुह देवी-कओ पसाओ ।’ तओ सो पुणो वि निवडिओ
- 20 दोण्ह वि चलणेसु, परमायरेण ण्हाविओ य देवदत्ताए, पविराहिओ महग्घ वत्थे, राइणा मुक्कं दाणं । पेसिओ उज्जेणिं । मूलदेव-राइणो अब्भत्थणाए खमियं वियारधवलेण । निग्घिण-सम्मो वि रज्जे निविट्ठं सोऊण मूलदेवं आगओ बेण्णायडं, दिट्ठो राया । दिन्नो से चेव अदिट्ठ-सेवाए गामो तस्स रन्ना । पणमिऊण ‘महा-
- 25 पसाओ’ ति भाणोऊण य सो गओ गामं ।



इओ य तेण कप्पडिण सुयं जहा मूलदेवेण वि एरिसो सुमिणो  
दिट्ठो जारिसो मए । परं सो आएस-फलेण राया जाओ । सो  
चिन्तेइ 'वच्चामि जत्थ गोरसो, तं पिक्खित्ता सुवामि । जाव तं सुमिणं  
पुणो वि पेच्छामि । अवि सो पेच्छज्ज, न य माणुसाओ विभासा ।

## मण्डिय



वेष्णाथडे णयरे मण्डिओ नाम तुष्णाओ पर-द्व-हरण-पसत्तो  
आसी । सो य ' दुट्ट-गण्डो मि'त्ति जणे पगासेन्तो जाणु-देसेण  
निच्चमेव अद्दावलेव-लित्तेण बद्ध-वण-पट्टो राय-मग्गे तुष्णाग-सिप्पमुव-  
जीवति । चक्कमन्तो वि य दंड-धरिणं पाएणं किलिम्मन्तो

- 5 कंहं चि चक्कमति । रत्तिं च खत्तं खणिऊण दव्व-जायं  
घेत्तूण, नगर-सण्णिहिए उज्जाणेग-देसे भूमि-घरं, तत्थ निक्खि-  
वति । तत्थ य से भगिणी कण्णगा चिड्ढति । तस्स भूमि-  
घरस्स मज्झे कूवो । जं च सो चोरो दव्वेण पलोभेउं सहायं  
दव्व-वोढारं आणेति; तं सा से भगिणी अगड-समीवे पुव्व-णत्थासणे
- 10 निवेसिउं पाय-सोय-लक्खेण पाए गेण्हिऊण तंमि कूवए पक्खिवइ ।  
तओ सो विवज्जति । एवं कालो वच्चति णयरं मुसन्तस्स ।  
चोर-ग्गाहा तं न सक्केन्ति गेण्हिउं, तओ नयरे बहु-रवो जाओ । तत्थ य  
मूल देवो राया [पुव्व-भणिय-विहाणेण जाओ । कहिओ य तस्स पउरोहिं  
तक्कर-वइयरो, जहा 'एत्थ नयरे पभूय-कालो मुसन्तस्स वट्ठइ
- 15 कस्सइ तक्करस्स, न य तीरइ केणइ गेण्हिउं । ता करेउ किं पि  
उवायं ] ताहे सो अन्नं णगरारक्खियं ठवेति । सो वि ण  
सक्कति चोरं गेण्हिउं । ताहे मूलदेवो सयं नील-पडं पाउणिऊण  
रतिं णिग्गतो । मूलदेवो अणज्जन्तो एगाए सभाए णिसण्णो  
अच्छति जाव, सो मण्डिय-चोरो आगन्तुं भणति ' को एत्थ
- 20 अच्छति ? ' मूलदेवेण भणियं ' अहं कप्पडिओ । ' तेण भण्णति  
' ए हि मणुन्नं करेमि । ' मूलदेवो उट्ठिओ । एगंमि ईसर-घरे खत्तं  
खयं । सुबहुं दव्व-जायं णिणेऊण मूलदेवस्स उवरिं चडावियं ।  
पयट्ठा णयर-बाहिरियं । मूलदेवो पुरओ, चोरो असिणा कड्ढिएण  
पिट्ठओ एति । संपत्ता भूमि-घरं । चोरो तं दव्वं णिहाणिउ-
- 25 मारद्धो । भणिया य णेण भगिणी ' एयस्स पाहुणयस्स पाय-सोयं

- देहि' ताए कूव-तड-सन्नविट्टे आसणे निवेसिओ ताएपाय-सोय-लकखेण  
पाओ गहिओ ' कूवे लुहामि' त्ति जाव अतीव सुकुमारा पाया,  
ताए णायं जहा ' एस कोइ अणुभूय-पुव्व-रज्जो विहलियङ्को ।  
तीए अणुकम्पा जाया । तओ ताए पाय-तले सण्णिओ ' णस्स त्ति,  
5 मा मारिज्जिहिसि ' त्ति । पच्छम सो पल्लओ । ताए षोड्ढो कओ  
' णट्ठे णट्ठो' त्ति । सोय असिं कड्ढिड्ढम मग्गे ओल्लमो । मूलदेवो  
रायपेहे अतिसान्निकिट्ठं नाऊण चच्चर-सिषन्तरिओ-ठिओ । चोरो  
तं सिव-ल्लिङ्गं ' एस पुरिसो ' त्ति काउं कङ्कमएण असिणा  
दुहा-काउं पडिनियत्तो, गओ भूमि-घरं । तत्थ वसिऊण पहायाए  
10 रयणीए तओ निम्मन्तूण गओ बाहिं । अन्तरावणे तुण्णागतं  
करेति । राइणा पुरिसेहिं सदाविओ । तेण चिन्वियं जहा ' सो  
पुरिसे णुणं पा मारिओ, अवस्सं च एस सया भविस्सइ ' त्ति ।  
तेहिं पुरिसेहिं आणिओ । राइणा अब्भुट्ठाणेण पइओ, आसणे  
णिवेसाविओ, सुबहुं च पियं आभासिओ, संलत्तो ' मम भगिणि  
15 देहि' त्ति । तेण दिण्णा, विवाहिया राइणा । भोगाय से संपदत्ता ।  
कइसु वि दिणेसु गएसु राइणा मण्डिओ भग्निओ 'दव्वेण कज्जं' ति ।  
तेण सुबहुं दव्व-ज्जयं दिन्नं । राइणा संपूजितो । अन्नया पुणो  
मग्निओ; पुणो वि दिण्णं । तस्स य चौरस्स अतीव सक्कार-संमाणं  
पउज्जति । एएण पगारेण सव्वं दव्वं दवाविओ । भग्निं से पुच्छति,  
20 तीए भन्नति ' एत्थियं चेव वित्तं ' । तओ पुव्वावेइय-लेखा-  
णुसारेण सव्वं दव्वं दवावेऊण मण्डिओ सुलाए आरोविओ ।



## अगडदत्त



अत्थि जए सु-पसिद्धं सङ्खउरं पुर-वरं गुण-समिद्धं ।  
तम्भि य राया जण-जणिय-तोसओ सुन्दरो नाम ॥ १ ॥  
तस्स कुल-रूव-सरिसी समग्ग-जण-जणिय-लोयणाणन्दा ।  
अन्तेउरस्स पढ्मा सुलसा नामेण वर-भज्जा ॥ २ ॥  
तीए कुच्छि-पसूओ पुत्तो नामेण अगडदत्तो त्ति ।  
अणुदियहं सो पवरं वड्ढन्तो जोव्वणं पत्तो ॥ ३ ॥

सो य केरिसो—

धम्मत्थ-दया-रहिओ गुरु-वयण-विवाज्जिओ अल्लिय-वाई ।  
पर-रमाणि-रमण-कामो निस्सङ्के माण-सोण्डीरो ॥ ४ ॥  
मज्जं पिण्डू जूयं रमेइ पिसियं महं च भक्खेइ ।  
नड-चेडय-वेसा-विन्द-परिगओ भमइ पुर-मज्जे ॥ ५ ॥  
अन्नंमि दिणे रन्नो पुरवर-लोएण वइयरो सिट्ठो ।  
जह कुमरेण नराहिव नयरे असमञ्जसं विहियं ॥ ६ ॥  
सुणिऊण पउर-वयणं राया गुरु कोव-जाय-रत्तच्छो ।  
फुड-भिउडि-भासुर-सिरो एयं भणिउं समाढत्तो ॥ ७ ॥  
रे रे भणह कुमारं सिग्घं चिय वज्जिऊण मह विसयं ।  
अन्नत्थ कुणसु गमणं मा भणसु य जं न कहियं ति ॥ ८ ॥  
नाऊण वइयरं सो कुमरो चइऊण निय-पुरं रम्मं ।  
खग्ग-सहाओ चलिओ गुरु-माण-पवड्ढियामरिसो ॥ ९ ॥  
लङ्घित्ता गिरि-सरि-काणणाइ-पुर-गोइ-गाम-वन्दाइं ।  
निय-नयराओ दूरे पत्तो वाणारसिं नयरिं ॥ १० ॥  
तिय-चच्चरमाईसुं असहाओ भमइ नयर-मज्झंमि ।  
चित्ते अमरिस-जुत्तो करि व्व जूहाओ परिभट्ठो ॥ ११ ॥

हिण्डन्तेणं च तथा पुरीए मग्गोसु राय-तणएण ।  
बहु-तरुण नर समेओ एक्को किल जाणओ दिट्ठो ॥ १२ ॥  
सो य केरिसो—

सत्थत्थ-कला-कुसलो विउसो भावन्नुओ सुगम्भरिओ ।  
निरओ परोवयारे किवालुओ रूव-गुण-कलिओ ॥ १३ ॥  
नामेण पवणचण्डो वाईणं न उण सीसाणं ।  
सन्दण-हय-गय-सिक्खं साहिनतो निव-सुयाण तहिं ॥ १४ ॥  
तस्स समीवंमि गओ चरण-जुयं पणमिउं समासीणो ।  
कत्तो सि तुमं सुन्दर, अह भणिओ पवणचण्डेण ॥ १५ ॥  
एगन्ते गन्तूणं सङ्खुराओ जहा विणिकखन्तो ।  
कहिओ तह वुत्तन्तो कुमरेणं पवणचण्डस्स ॥ १६ ॥  
चण्डेण तओ भणिओ अच्छसु एत्थं कलाओ सिक्खन्तो ।  
परमत्तणो य गुज्झं कस्स वि मा सुयणु पयडेसु ॥ १७ ॥  
उट्टेउं उज्झाओ पत्तो गेहंमि राय-सुय-साहिओ ।  
साहेइ माहिलियाए एसो मह भाउय-सुओ त्ति ॥ १८ ॥  
ण्हविउणं कुमर-वरं दाउणं पवर-वत्थमाभरणं ।  
तो भोयणावसाणे भणियमिणं पवणचण्डेण ॥ १९ ॥  
भवण-धणं परिवारो सन्दण-तुरयाइ सान्तिंयं मज्झ ।  
सव्वं तुज्झायत्तं विलससु हियइच्छियं कुमर ॥ २० ॥  
एवं सो किर संतुट्ठ-माणसो मुक्क-कूर-ववसाओ ।  
चिट्ठइ तस्सेव घरे सव्वाओ कलाओ सिक्खन्तो ॥ २१ ॥  
गुरुयण-गुरु-विणय-पवन्न-माणसो सयल-जण-मणाणन्दो ।  
बावत्तरिं कलाओ गेण्हइ थेवेण कालेणं ॥ २२ ॥  
एवं सो कुमर-वरो नाय-कलो परिसमं कुणेमाणो ।  
भवणुज्जाणे चिट्ठइ अणुदियहं तप्परो धाणियं ॥ २३ ॥  
उज्जाणस्स समीवे पहाण-सेट्ठिस्स सान्तिंयं भवणं ।  
वायायण-रमणीयं उत्तुङ्गमई व वित्थिणं ॥ २४ ॥

तत्थत्थि सेट्टि-धूया मणोहरा मयणमञ्जरी नाम ।  
 सा घर-सिरमारूढा अणुदियहं पेच्छए कुमरं ॥ २५ ॥  
 अह तम्मि साणुराया अणवरय-पलोयणं कुणेमाणी ।  
 विक्खिवइ कुसुम-फल-पत्त-लेट्टुए किंपि चिन्तन्ती ॥ २६ ॥  
 हिययत्थं पि हु बालं कुमरो न निरिक्खए कला-रसिओ ।  
 आसङ्काए गुरूणं विज्जाए गहण-लोभेणं ॥ २७ ॥  
 अन्न-दिनंमि तीए वम्मह-सर-पसर-विहुरिय-मणाए ।  
 गहणे कलाण सत्तो पहओ उ असोग-गुच्छेणं ॥ २८ ॥  
 कुमरेण तम्मि दियहे सा बाला पलोइया य स-विसेसं ।  
 कङ्केहि-पल्लवन्तरिय-तणु-लया संभमुब्भन्ता ॥२९॥

चिन्तियं च—

किं एसा अमर-विलासिणी उअ ह होज्ज नाग-कन्न व्व ।  
 कमल व्व किं नु एसा सरस्सई किं व पच्चक्खा ॥ ३० ॥  
 अहवा पुच्छामि इमं कज्जेणं केण चिट्ठई एत्थं ।  
 इय चिन्तिऊण हियए कुमरो पयडं इमं भणइ ॥ ३१ ॥  
 का सि तुमं वर-बाले ईसिं पयडेसि कीस अप्पाणं ।  
 विज्जा-गहणासत्तं कीस ममं सुयणु खोभेसि ॥ ३२ ॥  
 सुणिउं कुमार-वयणं वियसिय-दिट्ठीए विहसिय-मुहीए ।  
 पयडन्त-दन्त-किरणावलीए तीए इमं भणियं ॥ ३३ ॥  
 नयर-पहाणस्स अहं धूया सेट्टिस्स बन्धुदत्तस्स ।  
 नामेण मयणमञ्जरी इह चेव विवाहिया नयरे ॥ ३४ ॥  
 जद्धिवाओ दिट्ठो सुन्दर तं कुसुमचाव-सारिच्छो ।  
 तदियहाओ मज्झं असुह-तरू वड्ढिओ हियए ॥३५॥

जेण—

निहा वि हु नट्टा लोयणाण देहंमि वड्ढिओ दाहो ।  
 असणं पि नो य रुच्चइ गुरू-वियणा उत्तमङ्गमि ॥३६॥

ताव-च्चिय होइ सुहं जाव न कीरइ पिओ जणो कोवि ।  
 पिय-सङ्गो जेण कओ दुक्खाण समप्पिओ अप्पा ॥३७॥  
 पेरिज्जन्तो उ पुरा-कएहि कम्मोहि केहिवि वराओ ।  
 सुहमिच्छन्तो दुल्लह-जणाणुराए जणो पडइ ॥३८॥  
 ता जइ मए समाणं सङ्गं न य कुणासि तरुणि-मण-हरणं ।  
 होहं तुह निय-वज्झा फुडं जओ नत्थि मे जीयं ॥३९॥  
 सो निसुणिऊण वयणं तीए बालाए चिन्तए हियए ।  
 मरइ फुडं चिय एसा मयण-महा-जलण-दडुडङ्गी ॥४०॥  
 निसुणिज्जइ पयडमिणं भारह-रामायणेसु सत्थेसु ।  
 जह दस कामावत्था होन्ति फुडं कामुय-जणाणं ॥४१॥  
 पढमा जणेइ चिन्तं बीयाए महइ संगम-सुहं ति ।  
 दीहुण्हा नीसासा हवन्ति तइयाए वत्थाए ॥४२॥  
 जरयं जणइ चउत्थी पञ्चम-वत्थाए डज्झइ अङ्गं ।  
 न य भोयणं च रुच्चइ छट्ठावत्थाए कामिस्स ॥४३॥  
 सत्तमियाए मुच्छा अट्टम-वत्थाए होइ उम्माओ ।  
 पाणाण य संदेहो नवमावत्थाए पत्तस्स ॥४४॥  
 दसमावत्थाए गओ कामी जीवेण मुच्चए नूणं ।  
 ता एसा मह विरहे पाणाण वि संसयं काहीं ॥४५॥  
 परिभाविऊण हियए राय-कुमारेण भाव-कुसलेणं ।  
 भणिया सिणेह-सारं सा बाला महुर-वयणेण ॥४६॥  
 सुन्दरि, सुन्दर-रत्तो सुन्दर-चरियस्स विउल-कित्तिस्स ।  
 नामेण अगडदत्तं पढम-सुयं मं वियाणेहि ॥४७॥  
 कल-यायरिय-समीवं कल-गहणत्थं समागओ एत्थ ।  
 पविसिस्सं जंमि दिणे तए वि धेत्तुं गमिस्सामि ॥४८॥  
 कहकहवि सा मयच्छी वम्मह-सर-पसर-सल्लिय-सरीरा ।  
 एमाइ बहु-पयारं भणिऊण कया समासत्था ॥४९॥  
 सो राय-सुओ तत्तो तीए गुण-रूव-रञ्जिय-मणो हु ।  
 निय-निलए संपत्तो चिन्तन्तो संगमोवायं ॥५०॥

अन्नमि दिणे सो राय-नन्दणो वाहियाए मग्गेणं ।  
तुरयारूढो वच्चइ ता नयरे कलयलो जाओ ॥९१॥

अवि य—

किं चलिउ व्व समुद्धो किं वा जलिओ हुयासणो घोरो ।  
किं पत्तं रिउ-सेन्नं तडि-दण्डो निवडिओ किं वा ॥९२॥  
एत्थन्तरंमि सहसा दिट्ठो कुमरेण विम्हियमणेण ।  
मय-वारणो उ मत्तो निवाडियालाण-वर-खम्भो ॥९३॥  
मिण्ठेण वि परिचत्तो मारेन्तो सोण्ड-गोयरं पत्ते ।  
सवडमुहं चलन्तो कालो-व्व अकारणे कुद्धो ॥९४॥  
तुट्ट-पय-बन्ध-रज्जु संचुणिय-भवण-हट्ट-देवउलो ।  
खण-मेत्तेण पयण्डो सो पत्तो कुमर-पुरओ त्ति ॥९५॥  
तं तारिस-रूव-धरं कुमरं दट्टण नायर-जणेहिं ।  
गहिर-सरेणं भणिओ ओसर ओसर करि-पहाओ ॥९६॥  
कुमरेण वि निय-तुरयं परिचइऊणं सुदक्ख-गइ-गमणं ।  
हक्कारिओ गइन्दो इन्द-गइन्दस्स सारिच्छो ॥९७॥  
सुणिउं कुमार-सहं दन्ती पज्जरिय-मय-जल-पवाहो ।  
तुरिओ पहाविओ सो कुद्धो कालो व्व कुमरस्स ॥९८॥  
कुमरेण य पाउरणं संवेल्लेऊण हिट्ट-चित्तेणं ।  
धावन्त-वारणस्सा सोण्डा-पुरओ उ पक्खित्तं ॥९९॥  
कोवेण धमधमेन्तो दन्तच्छोभे य देइ सो तम्मि ।  
कुमरो वि पिट्ट-भाए पहणइ दढ-मुट्ठि-पहरेणं ॥ १० ॥  
ता ओधावइ धावइ चलइ खलइ परिणओ तथा होइ ।  
परिभमइ चक्क-भमणं रोसेणं धमधमेन्तो सो ॥ ११ ॥  
अइव महन्तं वेळं खेलावऊण तं गयं पवरं ।  
नियय-वसे काऊणं आरूढो ताव खन्धंमि ॥ १२ ॥  
अह तं गइन्द-खेडुं मणोहरं सयल-नयर-लोयस्स ।  
अन्तेउर-सरिसेणं पलोइयं नरवरिन्देणं ॥ १३ ॥



ददुं कुंमरं गय-खन्ध-संठियं सुरवइं व सो राया ।  
 पुच्छइ निय-भिच्च-यणं को एसो गुण-निही बालो ॥ ६४ ॥  
 तेणं अहिमयरो सोमत्तणएण तह य निसिनाहो ।  
 सव्व-कलागम-कुसलो वाई सूरुो सुखुवो य ॥ ६५ ॥  
 एक्केण तओ भणियं कल-यायरियस्स मन्दिरे एसो ।  
 कल-परिसमं कुणन्तो दिट्ठो मे तत्थ नर-नाह ॥ ६६ ॥  
 तो सो कल-यायरिओ नरवइणा पुच्छिओ हरिसिएणं ।  
 को एसो वर-पुरिसो गय-वर-सिक्खाए अइकुसलो ॥ ६७ ॥  
 अभयं परिमग्गेउं कल-गायरिएण कुमर-वुत्तन्तो ।  
 स-विसेसं परिकाहिओ नरवइणो बहु-जण-जुयस्स ॥ ६८ ॥  
 तं निसुणिऊण राया निय-हियए गरुय-तोसमावन्नो ।  
 संपेसइ पडिहारं कुमरं आणेहि मम पासं ॥ ६९ ॥  
 गय-खन्ध-परिट्ठियओ अह सो भणिओ य दारवालेणं ।  
 हक्कारइ नर-नाहो आगच्छसु कुमर रायउलं ॥ ७० ॥  
 रायाएसेण तओ हत्थिं खम्भंमि आगलेऊणं ।  
 कुमरो ससङ्क-हियओ पत्तो नर-नाह-पासंमि ॥ ७१ ॥  
 जाणू-करुत्तमङ्गे महीए विणिहित्तु गरुय-विणएणं ।  
 जाव न कुणइ पणामं अवगूढो ताव सो रत्ता ॥ ७२ ॥  
 तम्बोलासण-सम्माण-दाण-पूयाइ-पूइओ अहियं ।  
 कुमरो पसन्न-हियओ उवविट्ठो राय-पासंमि ॥ ७३ ॥  
 तओ चिन्तियं राइणा ' उत्तम-पुरिसो एसो ' । जओ—  
 विणओ मूलं पुरिसत्तणस्स मूलं सिरीए ववसाओ ।  
 धम्मो सुहाण मूलं दप्पो मूलं विणासस्स ॥ ७४ ॥  
 अन्नं च—  
 को चित्तेइ मऊरं गइं च को कुणइ रायहंसाणं ।  
 को कुवलयाण गन्धं विणयं च कुल-प्पसूयाणं ॥ ७५ ॥  
 अवि य—

साली भरेण तोएण जलहरा फल-भरेण तरु-सिहरा ।  
 विणएण य सप्पुरिसा नमन्ति न हु कस्सवि भएण ॥ ७६ ॥  
 तो विणय-रञ्जिएणं कुसल-पउत्तीओ पुच्छिओ कुमरो ।  
 रत्ना कलाण गहणं स-विसेसं तह य पुट्टं ति ॥ ७७ ॥  
 निय-गुण-गहणं पयडेइ नो य लज्जाए जाव सो ताव ।  
 उज्झाएणं भणियं पहु निउणो एस सब्वत्थ ॥ ७८ ॥

परं महाराय—

निय-गरुय-पयाव-पसंसणेण लज्जन्ति जे महा-सत्ता ।  
 इयरा पुण अलिय-पसंसणे वि अङ्गे न मायन्ति ॥ ७९ ॥  
 एवं च तस्स रत्तो कुमार-चरियंमि खित्त-चित्तस्स ।  
 ता सयलो पुर-लोओ समागओ राय-पासंमि ॥ ८० ॥  
 वर-रयण-अम्बराइं सुयन्ध-कुसुमाइ-फल-सणाहाइं ।  
 मुक्काइ राय-पुरओ पउरेणं परिहव-गएणं ॥ ८१ ॥  
 तं पुर-जण-कोसल्लं नरवइणा अप्पियं कुमारस्स ।  
 अह ते कय-पणिवाया विन्नतिं काउमारद्धा ॥ ८२ ॥

तं जहा—

देव इमं तुह नयरं कुवेर-पुर-विहव-अहिय-धण-निवहं ।  
 कइवय-दिणाण मज्झे चोरस्स वि मन्दिरं जायं ॥ ८३ ॥  
 केणावि तक्करेणं दुट्ठेणं खत्त-चार-निउणेणं ।  
 मुट्टं नरवर नयरं एण्हं रक्खेसु किं बहुणा ॥ ८४ ॥  
 कडुय-वयणेहि भणिओ रत्ता आरक्खिओ पुर-वरस्स ।  
 रे रे पेच्छन्तस्स वि मुट्टं सब्बं पि तुह नयरं ॥ ८५ ॥  
 अह विन्नत्तं तेणं देव अणेगाणि अम्ह दियहाणि ।  
 जोयन्ताणं चोरं तह वि हु कत्थइ न सो दिट्ठो ॥ ८६ ॥  
 एत्थन्तरंमि राया विन्नत्तो अगडदत्त-कुमरेणं ।  
 पहु देहि ममाएसं लहेमि पुर-तक्करं सिग्घं ॥ ८७ ॥

मज्जे सत्त-दिणाणं पुर-चोरं नो ल्हामि जइ नाह ।  
तो जलिय-जलण-जालावलीसु जालेमि निय-देहं ॥ ८८ ॥  
एयं कुमार-वयणं नरवइणा निसुणिउण स-पइन्नं ।  
अणुमन्निउण भणिओ सिज्जेउ समीहियं तुज्ज ॥ ८९ ॥  
अह सो गहिय-पइन्नो रायाणं पणमिउं अणुव्विग्गो ।  
परिभमइ नयर-मज्जे जोयन्तो तक्कर-निवासे ॥ ९० ॥

अवि य—

वेसाण मन्दिरेसुं पाणागारेसु जूय-ठाणेसु ।  
कुल्लरियावणेसु य उज्जाण-निवाण-सालासु ॥ ९१ ॥  
मढ-सुन्न-देउलेसुं चच्चर-चउहट्ट-हट्ट-सालासु ।  
तक्कर-गमं नियन्तो हिण्डइ एक्कलओ कुमरो ॥ ९२ ॥  
ता जा छट्टो दियहो वोलीणो नो य तक्करो दिट्टो ।  
सत्तम-दिणंमि कुमरो गहिओ चिन्ताए स-विसेसं ॥ ९३ ॥  
किं वच्चामि विदेसं किं वा तायस्स अन्तियं जामि ।  
हरिउण तं मयच्छिं किं वा रणंमि गच्छामि ॥ ९४ ॥  
किं तु न जुत्तं एयं निम्मल-कुल-संभवाण पुरिसाण ।  
जं किर निय-जीहाए पडिवन्नं अन्नहा होइ ॥ ९५ ॥

जेण—

छिज्जउ सीसं अह होउ बन्धणं वयउ सव्वहा लच्छी ।  
पडिवन्न-पालणे सु-पुरिसाण जं होए तं होउ ॥ ९६ ॥  
नेयं महव्वयं खलु नरट्टि-मुद्दाए जं समुव्वहणं ।  
पण्डिवन्न-पालणं चिय महव्वयं धीर-पुरिसाणं ॥ ९७ ॥  
एवं च बहु-वियप्पे नियय-मणे भाविउण सो कुमरो ।  
अवरण्हय-वेलाए पुरस्स बाहिंमि संपत्तो ॥ ९८ ॥  
एगस्स पवर-किसलय-समूह-गुविलस्स सीय-छायस्स ।  
उत्तुङ्ग-वियड-साहाउलस्स सहयार-रुक्खस्स ॥ ९९ ॥  
उवविट्टो चिट्ठइ हेट्ठयंमि चिन्ताभरेण सुट्ठियङ्गो ।  
जोयन्तो दिसि-चक्कं विज्जा-भट्टो व्व खयरिन्दो ॥ १०० ॥

एत्थन्तरंमि एगो सहसा परिवायगो समणुप्पत्तो ।  
 कय-धाउ-वत्थ-वेसो मुण्डिय-सिर-कुच्च-सच्चूलो ॥ १०१ ॥  
 दण्ड-त्तिय-कुण्डी-चमर-संगओ तह गणेत्तिया-हत्थो ।  
 किं किंपि मुणमुणिन्तो संपत्तो कुमर-पुरओ त्ति ॥ १०२ ॥  
 करि-सोण्डा भुय-दण्डो विसाल-वच्छत्थलो फरुस-केसो ।  
 नव-जोव्वणो रउदो रत्तच्छो दीह-जङ्घो य ॥ १०३ ॥  
 निज्जाइऊण अह सो सासङ्को चिन्तए मणे कुमरो ।  
 एवंविह-रूवेणं हविज्ज एसो फुडं चोरो ॥ १०४ ॥  
 एत्थन्तरंमि तेणं भाणियो कुमरो पिएहि वयणेहिं ।  
 कत्तो सि तुमं सु-पुरिस केण व कज्जेण चिट्ठेसि ॥ १०५ ॥  
 नाऊण तस्स भावं भाणियं कुमरेण बुद्धि-निउणेणं ।  
 दालिहेणक्कन्तो भमामि नयरीए सुन्नमणो ॥ १०६ ॥  
 मा सोयसु पुत्त तुमं अज्जं छिन्दामि तुज्ज दालिहं ।  
 देमि समीहिय-दव्वं भाणियं परिवायगेणं ति ॥ १०७ ॥  
 कुमरेणं संलत्तं तुम्हाणं चैव पय-पसाएणं ।  
 नासइ मह दालिहं संपज्जइ ईहियं कज्जं ॥ १०८ ॥  
 एवं जंपन्ताणं नयण-पहं वज्जिऊण दिवसयरो ।  
 अहंसणमावन्नो दोस-भएणं व सप्पुरिसो ॥ १०९ ॥  
 संझुज्जोयंमि गए पयडी-हूयंमि रयणि-तम-नियरे ।  
 कट्ठेउं कोसाओ करवालं दारुणायारं ॥ ११० ॥  
 तुरिय-गई संचलिओ सो कुमरं भणइ एहि मह पिट्ठं ।  
 जेण समीहिय-कज्जं सव्वं कारेमि किं बाहुणा ॥ १११ ॥  
 ताव य दोन्नि वि सिग्घं संपत्ता नयरि-मज्झयारम्मि ।  
 परिभमिऊणं थोवं उवविट्ठा एग-देसंमि ॥ ११२ ॥  
 परिवायगेण ताव य ईसर-वणियस्स मन्दिरे तुज्जे ।  
 सुह-भेय-भित्ति-भाए खत्तं आलेहियं तेण ॥ ११३ ॥

जाए वि भित्ति-सन्धे खणियं खत्तं सुतिकर्त्त-सत्येण ।  
 सिरिवच्छ-सच्छहं सुप्पवेस-निग्गमण-मगूढं ॥ ११४ ॥  
 निज्जाइऊण सुइरं निहुय-पयं पविसिऊण सो धुत्तो ।  
 कड्ढइ महग्ग-भण्डं पभूय-पेडाओ तत्थेव ॥ ११५ ॥  
 ठविउं कुमरं आणिय देवउलाओ दरिद्दिए पुरिसे ।  
 ते गेण्हाविय ताओ नयराओ निग्गया ज्जत्ति ॥ ११६ ॥  
 तओ कुमरेण चिन्तियं-  
 आयाड्डिऊण खग्गं छलेण पहणामि किं इहं दुडं ।  
 अहव न जुत्तं अम्हं छल-घाओ कुल-पसूयाणं ॥ ११७ ॥  
 एय-निवासं गन्तुं दव्वं पेच्छामि कैत्तियं हरियं ।  
 कस्स कए अणवरयं मुसइ इमं नयरि-जण-निवहं ॥ ११८ ॥  
 एवं ते दोन्नि वि गहिय-मोसया पुर-वराओ निक्खन्ता ।  
 गुरु-भारेण किलन्ता नयरुज्जाणंमि संपत्ता ॥ ११९ ॥  
 परिवायणेण भणिओ कुमरो छल-घाय-मारण-निमित्तं ।  
 सु-पुरिस गरुया रयणी अच्छामो एत्थ उज्जाणे ॥ १२० ॥  
 पडिवन्ने कुमरेणं तत्थुज्जाणंमि ते समासीणा ।  
 किल निदं सैवेमो चिन्तेणं दो वि सासङ्का ॥ १२१ ॥  
 खण-मेत्तेणं दोन्नि वि दाहिण-वामेसु वच्छ-मूलस्स ।  
 अन्नोन्न-घाय-निरया अलीय-निद्दा-पसुत्ता त्ति ॥ १२२ ॥  
 ते ब्राह्मिण-पुरिसा सुत्ता वीसत्थ-माणसा सव्वे ।  
 कुमरो वि सत्थराओ उट्टेत्ता सणियमवकन्तो ॥ १२३ ॥  
 काउं करंमि खग्गं अन्नस्स महा-तरुस्स मूलंमि ।  
 पेच्छन्तो सांचिड्ढइ अपमत्तो तस्स चरियाइं ॥ १२४ ॥  
 सुत्त त्ति मुणेऊणं तेणं विणिवाइया उ ते पुरिसा ।  
 सयणे तमपेच्छन्तो जा जोवइ तत्थ सो कुमरं ॥ १२५ ॥  
 ता हक्किऊण दुडं कुमरो आयाड्डिऊण करवाळं ।  
 पहणइ जङ्घासण्णं भय-रहिओ भीम-बल-जुत्तो ॥ १२६ ॥  
 प्रा. क. सं. ११

एगेण पहारेणं पडियं जङ्घाण जुयलयं तस्स ।  
 चक्काहओ व्व रुक्खो निवाडिओ ज्ञात्ति धरणीए ॥ १२७ ॥  
 गन्तुं असमत्थेणं जीविय-सेसेण तेण सो भणिओ ।  
 आसि अहं सु-पसिद्धो नामेण भुयंगमो चोरो ॥ १२८ ॥  
 तह अत्थि इह मसाणे गेहं भूमीए मज्झयारंमि ।  
 तत्थत्थि मज्झ भइणी-वीरमई नाम जुवइ त्ति ॥ १२९ ॥  
 वड-पायवस्स मूले गन्तूणं कुणसु तीए वाहरणं ।  
 जेणं भूमि-घरस्सा दारं उग्घाडए तुरियं ॥ १३० ॥  
 तं परिणिउण सुन्दर गेण्हसु सव्वं पि दविण-जायं ति ।  
 विट्ठसु तत्थ सुहणं अहवा वसिमांमि गच्छेसु ॥ १३१ ॥  
 एवं जंपन्तो सो कुमरेणासासिओ खणं एकं ।  
 गहिउण तस्स खमं पत्तो ता पेय-भूमीए ॥ १३२ ॥  
 गन्तूण कओ सहो वडस्स मूलंमि तीए जुवईए ।  
 आगन्तूण य तीए घरस्स उग्घाडियं दारं ॥ १३३ ॥  
 निज्जाइउण सुइरं रूवं बालाए विम्हिओ सहसा ।  
 चिन्तेइ निय-हियएणं एसा मयणस्स सव्वस्सं ॥ १३४ ॥  
 पुट्ठो य तीए सुन्दर कत्तो कज्जेण केण वायाओ ।  
 कहिया तेण पउत्ती तं सोउं दूमिया हियए ॥ १३५ ॥  
 भाणिउण महुर-वयणं नीओ पायाल-मन्दिरे कुमरो ।  
 गुरु-गउरवेण तीए दिन्नं पवरासणं तत्थ ॥ १३६ ॥  
 स-प्पणयं चिय भाणिओ अहयं एयं च विउल-धण-निवहं ।  
 तुम्हायत्तं सव्वं ! सुन्दर विलसेसु सच्छन्दं ॥ १३७ ॥  
 पयडेउं वास-हरं भाणिओ वीसमसु एत्थ सयणिज्जे ।  
 अहयं पुण गन्तूणं आणेमि विलेवणं तुज्झ ॥ १३८ ॥  
 एवं भाणिउणं सा वास-हराओ विणिग्गया सहसा ।  
 कुमरो वि नीइ-सत्थं चिन्तेइ अहप्पणो हियए ॥ १३९ ॥  
 माया अलियं लोहो मूढत्तं साहसं असोयत्तं ।  
 निस्संसया तह चिय महिलाण सहावया दोसा ॥ १४० ॥

अन्नं च

न धेप्पइं सुसिणेहिं न विज्जइं न य गुणेहिं ।  
 न य लज्जइं न य माणिण न य चाडुय-सय-सहस्सेहिं ॥ १४१ ॥  
 न य खर-क्रोमल-वयणिहिं न विहवि न जोव्वणेण ।  
 दुग्गेज्जं मणु महिलहिं चिन्तहिं आयेरेण ॥ १४२ ॥

अओ—

जो जाइ जुवइ-वग्गे सब्भावं मयण-मोहिओ पुरिसो ।  
 दुत्तर-दुक्ख-समुदे निवडइ सो नत्थि संदेहो ॥ १४३ ॥  
 एवं च भाविऊणं सयण-तलं वज्जिऊण सो कुमरो ।  
 लुक्को अन्न-पएसे ठविऊणं तत्थ पडिख्वं ॥ १४४ ॥  
 सयणिज्जस्स य उवरिं जन्त-पओगेण जा सिला ठविया ।  
 सा झत्ति तीए मुक्का पडिया पलङ्क-उवरिम्मि ॥ १४५ ॥  
 नाऊण चुण्णियं तं पहिइ-हियया पहासई पावा ।  
 मह भाउयं वहन्तो किं जाणासि अत्तणो हियए ॥ १४६ ॥  
 सुणिऊण इमं वयणं कुमरो वि पहाविओ तयाहुत्तं ।  
 गहिया केस-कलावे भाणिया सा एरिसं वयणं ॥ १४७ ॥  
 हा पावे ! को सक्कइ मं मारेउं सुबुद्धि-विहवेण ।  
 जो जमाइ पर-छड्ढिं सो निय-छड्ढिए किं सुयइ ॥ १४८ ॥  
 गहिऊण य तं बालं वसुमइ-भवणाओ निग्गओ कुमरो ।  
 रत्तो वि अइविरत्तो तीए अइकूर-चरिएहिं ॥ १४९ ॥  
 गन्तुं राय-समीवे रयणि-पउत्ती य साहिया तेण ।  
 चोरो खग्गेण हओ तस्सेसा आणिया भगिणी ॥ १५० ॥  
 तं चिय पायाल-हरं बीय-दिणे दंसियं नरवइस्स ।  
 रित्थं तं नरवइणा समप्पियं नयर-लोयस्स ॥ १५१ ॥  
 तुट्ठेणं नरवइणा दिन्ना कुमरस्स नियय-धूय त्ति ।  
 नामेण कमलसेणा कमला इव सयल-जण-दइया ॥ १५२ ॥  
 वर-गामाण सहस्सं सयं गइन्दाण विउल-भण्डारं ।  
 पाइक्काणं लक्खं तुरयाणं दस-सहस्साइं ॥ १५३ ॥

एवं सो लद्ध-जसो जण-मण-नयणाण पुण्णिमा-चन्दो ।  
अलियं मुणेइ सव्वं रहिओ चिर-दिट्ठ-बालाए ॥ १९४ ॥

जओ—

ता लज्जा ता माणो ताव य परलोय-चिन्तणे बुद्धी ।  
जा न विवेय-जिय-हरा मयणस्स सरा पहुप्पन्ति ॥ १९५ ॥  
एवं मयणायत्तो सो चिट्ठइ जाव नियय-भवणम्मि ।  
ता एगा वर-विलया समागया कुमर-पासंमि ॥ १९६ ॥  
दिन्नासणोवविट्ठा भणिया कुमरेण केण कज्जेण ।  
तं आगया सि सुन्दरि, साहसु निययं अभिप्पायं ॥ १९७ ॥  
भणियं तीए निमुणसु अवहिय-हियओ कुमार होऊणं ।  
अहयं तुम्ह समीवे पट्टविया मयणमञ्जरिए ॥ १९८ ॥  
एयं तुह संदिट्ठं सुन्दर ! गुरु-विरह-जलण-तवियाए ।  
जा गच्छइ न य जीयं ता सिञ्चसु संगम-जलेणं ॥ १९९ ॥  
अन्नं च निमुणिऊणं गय-खेडुं तक्करस्स वहणं च ।  
दुट्ठित्थी-परिहरणं नरवइ-पमुहेण य जणेणं ॥ १६० ॥  
साहुक्कारं तुज्जं कारन्तं अहिय-विम्हिय-मणा सा ।  
जीयं पि हु तुह दंसण-समुस्सुया धरइ किच्छेणं ॥ १६१ ॥  
सुणिऊण तीए वयणं दाउं हत्थ-ट्ठियं च तम्बोलं ।  
भणिया सा हू इत्थी सिणेह-सारेहि वयणेहिं ॥ १६२ ॥  
कुसले ! पभणसु गन्तुं मा होहि समुस्सुया दिणे कइवि ।  
पत्थावं लहिऊणं सव्वं सत्थं करिस्सामि ॥ १६३ ॥  
अन्नंमि दिणे सहसा करहारूढा समागया पुरिसा ।  
भवणंमि पविसमाणा दिट्ठा कुमरेण हिट्ठ-मणा ॥ १६४ ॥  
आलिङ्गित्तं स-हरिसं अम्मा-पियरस्स कुसल-पडिउत्ती ।  
स-सिणेहं परिपुट्ठा पमुक्क-घण-अंसु-निवहेण ॥ १६५ ॥  
तो तेहि इमं भणियं अम्मा-पियरस्स कुमर ! कुसलं ति ।  
तह वि हु तुह विरह-महा-गहेण गहियाइ चिट्ठन्ति ॥ १६६ ॥



कइवय-दिणाण मज्झे जइ गन्तूणं न दंसणं कुणासि ।  
 तो कुमर ! निच्छएणं विमुक्क-जीयाण वच्चिहिसि ॥ १६७ ॥  
 एवं निसामिऊणं सज्जावेऊण नियय-खन्धारं ।  
 पत्तो राय-समीवे जंपइ सो एरिसं वयणं ॥ १६८ ॥  
 तायस्स समीवाओ उस्सुय-करहीरुहा दुवे पुरिसा ।  
 पहु मज्झ आणणत्थं समागया कहसु जं जोगं ॥ १६९ ॥  
 नरवइणा तो भणियं वच्चसु तं कुमर ! ताय-पासंमि ।  
 निय-परिवार-समेओ गन्तूण पुणो नियत्तेसु ॥ १७० ॥  
 दाऊण अलंकारं सम्माणेऊण महुर-वयणेहिं ।  
 निय-धूयाए समेओ नरवइणा पेसिओ कुमरो ॥ १७१ ॥  
 काऊणं संजत्तिं दावादेउं पयाणणं सिबिरं ।  
 एग-रहेणं कुमरो सयं ठिओ नयर-मज्झंमि ॥ १७२ ॥  
 जामिणि-पढमे पहेरे दूईए संगमीए पासंमि ।  
 कुमरेण नियय-पुरिसो पट्टविओ जाणणट्टाए ॥ १७३ ॥  
 गन्तूण तेण भणियं सिबिरं अम्हाण पविसियं मग्गे ।  
 एगागी राय-सुओ चिट्ठइ तुम्हाण कज्जेण ॥ १७४ ॥  
 ता सुन्दरि ! गन्तूणं आणसु लहु मयणमज्जरिं एत्थ ।  
 जेण समीहिय-कज्जं संपज्जइ अज्ज तुम्हाणं ॥ १७५ ॥  
 सुणिऊण तस्स वयणं गन्तूणं संगमी तुरिय-तुरियं ।  
 निय-सामिणीए साहइ जं भणियं कुमर-पुरिसेण ॥ १७६ ॥  
 आयाणिऊण सहसा रहस-समुच्छलिय-वहल-रोमञ्जा ।  
 संचल्लिया खणेणं सु-सहि-सहाया निय-घराओ ॥ १७७ ॥  
 पत्ता कुमर-सर्मावं आरूढा मयणमज्जरी जाणे ।  
 आरूहसु सुयणु ! सिग्घं इय भणिया राय-तणएणं ॥ १७८ ॥  
 अह चोइऊण तुरए रज्जुं गहिऊण वाम-हत्थेणं ।  
 नीहरिउं नयरीए संपत्तो नियय-कडयंमि ॥ १७९ ॥  
 तुरियं पयाण-ढक्का दवाविया तेण पत्त-मेत्तेणं ।  
 काऊण सु-संजत्तिं चालियं सेत्तं समत्थं पि ॥ १८० ॥

अणवरय-पयाणेहिं विसयं लङ्घेवि भुवण-पालस्स ।  
 पत्तो महा-अरण्णे सावय-तरु-संकुले भीमे ॥ १८१ ॥  
 अइविसम-महा-दुम-संकुलंमि मग्गंमि वच्चमाणस्स ।  
 सव्व-जणाणंदयरो पाउस-कालो समणुपत्तो ॥ १८२ ॥  
 तम्मि य मणहर काले वच्चइ कुमरो वणस्स जा मज्जे ।  
 सहस त्ति भिल्ल-सामी ता पडिओ तस्स सिबिरंमि ॥ १८३ ॥  
 तस्स बलेणं बल-दप्पिण्ण सहसा कुमार-खन्धारं ।  
 पवणेण व घण-वन्दं पक्खित्तं चउसु वि दिसासु ॥ १८४ ॥  
 एगेण सन्दणेणं सहिओ निय-पणइणीए राय-सुओ ।  
 रण-मज्जे सो थक्को हरि व्व मायङ्ग-जूयस्स ॥ १८५ ॥  
 ता बाणावलि-पहयं भग्गं भिल्लाण तं बलं सयलं ।  
 अन्नन्न-दिसि-पलाणं गन्धगयस्सेव करि-जूहं ॥ १८६ ॥  
 तं पुण पलायमाणं भिल्लवई पेच्छिऊण निय-सेन्नं ।  
 निट्टुरमक्कोसन्तो सहसा सवडंमुहो चालिओ ॥ १८७ ॥  
 अणवरयं ते दोन्नि वि अन्नोन्नं पक्खिवन्ति सर-निवहे ।  
 एक्को वि न वि छलिज्जइ निउणत्तणओ धणुव्वेए ॥ १८८ ॥

ओ चिन्तियं कुमारेण—

बुद्धीए पवञ्चेण य छलेण तह मन्त-तन्त-जोएण ।  
 पहणिज्जइ पाडिवक्खो जस्स न नीईए सक्केज्ज ॥ १८९ ॥  
 ता एसो भिल्ल-वई धणु-गुण-सत्थेसु लद्ध-माहप्पो ।  
 न य सक्को पहणेउं तेण उवायं विचिन्तेमि ॥ १९० ॥  
 एवं च चिन्तिऊणं भणिया कुमारेण सा निया भज्जा ।  
 कुणसु पिए सिङ्गारं उवविससु रहस्स तुण्डंमि ॥ १९१ ॥  
 उवविट्ठाए तीए दट्ठणं रूव-संपयं पवरं ।  
 दिट्ठिं तस्स निवेसइ पहओ मयणस्स बाणेहिं ॥ १९२ ॥  
 नीलुप्पल-पत्त-सरिच्छएण आरा-मुहेण बाणेणं ।  
 वच्छत्थलम्मि सहसा ता पहओ राय-तणएणं ॥ १९३ ॥

मम्म-पएसम्मि हओ पडिओ भूमीए भिल्ल-नरनाहो ।  
ईसिं वियसिय-नयणो जंपई सो एरिसं वयणं ॥ १९४ ॥

अवि य—

नाहं तुह सर-पहओ पहओ कुसुमाउहसस बाणेण ।  
अहवा किमेत्थ चोज्जं मयणेणं को वि नहु छलिओ ॥ १९५ ॥  
एवं पयंपिऊणं कालगओ भिल्ल-सामिओ ज्ञात्ति ।  
एत्थन्तरंमि कुमरो निय-परिवारं पलोएइ ॥ १९६ ॥  
जाव न रहे न तुरए सेवय-पुरिसे य नो य वर-सुहडे ।  
एग-रहेणं कुमरो संचलिओ निय-पुराहुत्तं ॥ १९७ ॥  
कहकहवि तं अरण्णं सो कुमरो लद्धिऊण भय-रहिओ ।  
गोउलमेगं पत्तो गावी-निवहेण रमणीयं ॥ १९८ ॥  
एत्थन्तरंमि कुमरं दट्टणं गोउलाओ दो पुरिसा ।  
पत्ता कुमर-समीवं भणन्ति महुरेहि वयणेहिं ॥ १९९ ॥  
कत्तो सि तुमं नर-वर ! कत्थ वि वच्चिहिसि कहसु अम्हाणं ।  
सङ्खउरे वच्चामो भणिया ते राय-तणएणं ॥ २०० ॥  
तो तेहि पुणो भणियं सुपुरिस ! अम्हे वि तुज्ज सत्थेणं ।  
सङ्खउरे वच्चामो जइ सुपसाओ तुमं होसि ॥ २०१ ॥  
एवं ति होउ पडिवज्जिऊण जोएइ जा रहे तुरए ।  
ता सत्थिल्लय-पुरिसा भणन्ति एयारिसं वयणं ॥ २०२ ॥  
एणं मग्गेणं अत्थि महन्तं अईव कन्तारं ।  
तस्स य मज्जे चिट्ठइ चोरो दुज्जोहणो चण्डो ॥ २०३ ॥  
मय-मत्तो गल-गज्जि कुणमाणो करि-वरो य अइविसमो ।  
दिट्ठी-विसो य सप्पो वग्घो तह दारुणो अत्थि ॥ २०४ ॥  
अन्ने वि सावय-गणा कूरा मंसासिणो य दुप्पेच्छा ।  
एवं नाऊण मणे वच्चसु एएण मग्गेण ॥ २०५ ॥  
कुमरेण तओ भणिआ मा कुणह भयं पयत्तह पहंमि ।  
कुसलेणं सङ्खउरे संपत्ता देमि किं बहुणा ॥ २०६ ॥

एवं निसामिऊणं अन्ने सत्थिल्लया नरां बहवे ।  
 राय-तणएण समयं संचलिया मुक्क-भय-पसरा ॥ २०७ ॥  
 एत्थन्तरंमि एगो दीह-जडा-मउड-भूसिय-सरीरो ।  
 भसमुद्धलिय-गतो तिसूल-चोक्केण य सणाहो ॥ २०८ ॥  
 पडिवारय-परियरिओ पत्थिय-लिङ्गेण वावड-करग्गो ।  
 तेयंसी सुपसत्थो महवइओ तत्थ संपत्तो ॥ २०९ ॥  
 तेण य भणिओ कुमरो तुम्ह सुसत्थेण पुत्तय अहं पि ।  
 सङ्खउरे वच्चामि तित्थाणं दंसण-निमित्तं ॥ २१० ॥  
 अन्नं च मह-समीवे कइ वि हु चिट्ठन्ति पुत्त दीणारा ।  
 बलि-पूयणत्थ-दिन्ना देवाणं धम्मिय-नरोहिं ॥ २११ ॥  
 ते गेण्हेसु महायस ! वच्चामो जेण निब्भया अम्हे ।  
 एवं बहु भणिऊणं समप्पिओ दविण-निउलो त्ति ॥ २१२ ॥  
 ताहे सो परितुट्ठो आसीसं देइ नरवइ-सुयस्स ।  
 सत्थिल्लएहि सद्धिं संचलिओ कवड-कय-वेसो ॥ २१३ ॥  
 मुणिउं तस्स स-रूवं कुमरो चिन्तेइ हियय-मज्झंमि ।  
 एएण समं गमणं न सुन्दरं होइ परिणामे ॥ २१४ ॥  
 एवं हियए परिभाविऊण कुमरेण चोइया तुरया ।  
 मग्गे रहो पयट्ठो संपत्तो गहण-देसंमि ॥ २१५ ॥  
 तेण महव्वइएणं भणिया सत्थिल्लया इमं वयणं ।  
 अज्ज अहं तुम्हाणं पाहुणयं सव्वहा काहं ॥ २१६ ॥  
 अत्थि इहरण-मज्झे गोउलमेगं पभूय-धण-निवहं ।  
 त्त्वत्थि मए वरिसालो आवन्तेणं कओ आसि ॥ २१७ ॥  
 तम्मि मए गोउलिया सव्वे आवाज्जिया निय-गुणेहिं ।  
 दाहिं ति अज्ज भोज्जं ता तुम्हे पाहुणा मज्झ ॥ २१८ ॥  
 एवं निमन्तिऊण गन्तूण समागओ महावइओ ।  
 पायस-धय-दाहियाणं भरिऊणं भण्डए गरुए ॥ २१९ ॥  
 आगन्तूण य तेणं भणिओ कुमरो विमहुर वयणेहि ।  
 पत्तय अज्जम्हाणं हिय-इच्छिय-निव्वुइं कुणसु ॥ २२० ॥

कुमरेण तओ भणियं गुरु-विअणा मज्झ उत्तमङ्गमि ।  
 वट्टइ अन्नं च जईण भोयणं कप्पए नेयं ॥ २२१ ॥  
 सत्थिल्लया य सव्वे भणिया कुमरेण दिट्ठि-सन्नाए ।  
 नहु भोत्तव्वं एयं एएण समाणियं भत्तं ॥ २२२ ॥  
 अवगाणिऊण कुमरं भुत्तं तं भोयणं विस-विमिस्सं ।  
 भुञ्जिय-मेत्ते सव्वे सहसा निच्चेयणा जाया ॥ २२३ ॥  
 जम-मन्दिरं पवन्ने सव्वे ते जाणिउं महावइओ ।  
 मेळन्तो सर-निवहं पहाविओ कुमर-वहणत्थं ॥ २२४ ॥  
 कुमरेण स-कोवेणं सर-निवहं वञ्चिऊण वेएण ।  
 मम्म-पएसे पहओ एगेणं अद्ध-चन्देणं ॥ २२५ ॥  
 अह सो महीए पडिओ जीविय-सेसो पयंपए एयं ।  
 पुत्त अहं सो दुज्जओ चोरो दुज्जोहणो नाम ॥ २२६ ॥  
 निब्भय-चित्तेण तए मह चित्तं रञ्जियं महाभाग ।  
 जीविय-सेसो अहयं संवुत्तो बाण-घ्राएण ॥ २२७ ॥  
 आयण्णसु मह वयणं एयस्स गिरिस्स वामपासंमि ।  
 सरियाण दोण्ह मज्झे देवउलं अत्थि रमणीयं ॥ २२८ ॥  
 तस्स य पच्छिम-भाए तलिण-सिला चज्जिया सुजत्तेणं ।  
 तं पेळ्ळिऊण वामे भूमि-घरं तत्थ पविसेसु ॥ २२९ ॥  
 तस्सत्थि मज्झ भाए मम महिला पवर-रूव-गुण-कलिया ।  
 नव-जोव्वणा विणीया नामेणं जयासिरी सरला ॥ २३० ॥  
 रित्थं अइव महन्तं चिट्ठइ मज्झम्मि तस्स भवणस्स ।  
 ता तं सव्वं सु-पुरिस अप्पायत्तं करेज्जासु ॥ २३१ ॥  
 मह पुण वट्टइ अन्तो गयंमि जीवंमि देसु कट्ठाणि ।  
 एवं सो भणमाणो पञ्चत्तं पाविओ सहसा ॥ २३२ ॥  
 दारु-समूहे मेलिय दिन्नो कुमरेण हुयवहो तस्स ।  
 आरुहियं पवर-रहं ताव गओ कहिय-देसंमि ॥ २३३ ॥  
 दो सरियाणं मज्झे देवउले जोइया सिला तेणं ।  
 उग्घाडिऊण दारं कओ य सद्दो जहा भाणिओ ॥ २३४ ॥

भणइ तओ सा रमणी सहसा गन्तूण दार-देसंमि ।  
 कोइल-महुर-सरेणं मज्जे आगच्छ भवणस्स ॥ २३५ ॥  
 पेच्छवि तीए रूवं साणन्दं जा पलोअए कुमरो ।  
 मयणमञ्जरीए ताव य अवहत्थेणं हओ सहसा ॥ २३६ ॥

भाणियं च—

बन्धु-पिया-सहियाओ नयरं गेहं च तुज्झ कज्जेणं ।  
 चत्तं मए अलाज्जिर तुमं पि अन्नं पसत्तो सि ॥ २३७ ॥  
 निसुणे वि तीए वयणं कुमरो वज्जेवि तं वणं सहसा ।  
 सन्दण-वरमारुहिउं संचलिओ अगओ ताहे ॥ २३८ ॥  
 लङ्घइ जाव सुहेणं वण-गहणं केत्तियं पि भीसणयं ।  
 सहस त्ति ताव पेच्छइ नासन्तं सदर-संघायं ॥ २३९ ॥  
 अह पेच्छिऊण कुमरो भय-तसिए वणयराण संघाए ।  
 चिन्तइ निय-चित्तेणं होयव्वं एत्थ मय-करिणा ॥ २४० ॥  
 सासङ्को हियएणं जाव पलोएइ तद्विसा-हुत्तं ।  
 सासि-सङ्घ-कुन्द-धवलं ता पेच्छइ करि-वरं एक्कं ॥ २४१ ॥  
 पञ्जरिय-मय-पवाहं मोडिन्तं तरु-वरे महा-काए ।  
 मयमञ्जरी खणेणं उव्विग्गा हियय-मज्जंमि ॥ २४२ ॥  
 कुमरेण तओ भाणियं मा बीहसु मुद्धि रण-कलहाओ ।  
 गरुयाण संपया आवया य न हु इयर-पुरिसाणं ॥ २४३ ॥  
 एवं भाणिऊण पियं अवयरिओ रह-वराओ सो तुरियं ।  
 गन्तूण उत्तरीयं पक्खित्तं झत्ति पुरओ त्ति ॥ २४४ ॥  
 ताव य सो मायङ्को छोहं जा देइ उत्तारिज्जंमि ।  
 ता कुमरो वि सु-दक्खो झड त्ति आरुहइ खन्धम्मि ॥ २४५ ॥  
 खण-मेत्तेणं सो मत्त-करिवरो णेग-वणयर-कयन्तो ।  
 स-वसो कुमरेण कओ अहि व्व मणिमन्त-जोएण ॥ २४६ ॥  
 निय-दइयाए पुरओ अवइण्णो गय-वरस्स खन्धाओ ।  
 पुणरवि रहंमि रूढो संचलिओ निय-पुरा-हुत्तं ॥ २४७ ॥

जा केत्तियं पएसं कुमरो लङ्घेइ निय-पिया-सहिओ ।  
 ता पेच्छइ सो वग्गं अद्धाण-तडंमि उवविहं ॥ २४८ ॥  
 उद्धुसिय-केसर-सहं अप्फालिय-वसुह-दीह-लङ्गलं ।  
 तं पेच्छिऊण कुमरो हसिऊणं धाविओ समुहो ॥ २४९ ॥  
 सजेउं रोइ-कमं वग्गो जा देइ निय-कर-पहारं ।  
 वेढिय-वत्थो हत्थो लूढो कुमरेण वयणंमि ॥ २५० ॥  
 दाहिण-हत्थेण पुणो पहओ असि-धेणुयाए खन्वंमि ।  
 गाढ-पहारेण हओ धस ति महिमण्डले पाडिओ ॥ २५१ ॥  
 निज्जिणिऊण य वग्गं जाव य लङ्घेइ थोवयं गहणं ।  
 पेच्छइ ताव भुयङ्गं अद्धाणे संठियं कुमरो ॥ २५२ ॥

केरिसं—

अलि-उल-कज्जल-वण्णं फणि-मणि-किरणोह-भासुर-सरीरं ।  
 दो-जीहं रतच्छं धमणी-धय-मुक्क-पुक्कारं ॥ २५३ ॥  
 सबद्धंमुहं उवेन्तं दट्टुणं मयगमञ्जरी सप्पं ।  
 गुरु-भय-कम्पिय-देहो लग्गा कुमरस्स कण्ठंमि ॥ २५४ ॥  
 मा बीहेसु भणन्तो उत्तिण्णो सन्दणाओ सो सुहडो ।  
 आवन्तस्स य फणिणो सहसा विहिओ गई-थम्भो ॥ २५५ ॥  
 तो काऊं मुह-थम्भं खेलावेऊण छडिडओ भुयगो ।  
 आरुहिऊण रह-वरं तुरियं संजोइया तुरया ॥ २५६ ॥  
 किच्छेण लङ्घिऊणं गहणं तं कहवि नरय-सारिच्छं ।  
 संपत्तो सङ्खउरे संतोसिय-नयरि-जण-निवहो ॥ २५७ ॥  
 वरविहिय-वत्थ-सोहाउलंमि नयरंमि सुन्दर-निवस्स ।  
 जण-मण-नयणाणन्दो दाणं दिन्तो पविट्ठो सो ॥ २५८ ॥  
 निय-मन्दिरं पि पत्तो जणणी-जणएण गरुय-नेहेणं ।  
 आलिङ्गिओ स-हरिसं लोएणं पणमिओ ताहे ॥ २५९ ॥  
 तो भोयणावसाणे पुट्ठो देसन्तराण वुत्तन्तं ।  
 तेण समग्गं कहियं जा पत्तो नियय-भुदणंमि ॥ २६० ॥

एवं ताणं सुह-संगमेण संजाय-परम-तोसाणं ।  
 वच्चइ सुहेण कालो रज्ज-सुहं भुञ्जमाणाणं ॥ २६१ ॥  
 अह अन्नया वसन्ते कामुय-लोयाण हियय-आणन्दे ।  
 बहु-पउर-परियण-जुओ उज्जाणं उवगओ राया ॥ २६२ ॥  
 अह सो वि तओ कुमरो सुहि-जण-परिवारिओ पिया-सहिओ ।  
 पुर-नारि-पलोइय-रूव-संपओ तत्थ संपत्तो ॥ २६३ ॥  
 बहु-हास-तोस-वीणा-विणोय-वर-नट्ट-गेय-कव्वेहिं ।  
 कीलइ पमुइय-चित्तो मयणमञ्जरियाए सह कुमरो ॥ २६४ ॥  
 अवरण्हे सब्ब-जणो रमिऊणं पुर-वरे गओ सिग्घं ।  
 राया वि सयल-परिवार-संजुओ भवणमणुपत्तो ॥ २६५ ॥  
 कुमरो वि विसज्जिय-सयल-परियणो जाव रह-वरं पत्तो ।  
 ता सा मयणमञ्जरिया डक्का भुयङ्गेण उग्गेण ॥ २६६ ॥  
 हाहा रवं कुणन्ती डक्का डक्क त्ति तह य विलवन्ती ।  
 कम्पन्त-सयल-गत्ता पडिया कुमरस्स उच्छङ्गे ॥ २६७ ॥  
 कुमरेण तओ भाणिया मा मा बीहेहि कुवल्लय-दलच्छि ।  
 विसहर-विसम-प्पभवं निमेस-मेत्तेण काहामि ॥ २६८ ॥  
 एवं भणमाणस्स य मुहुत्त-मेत्तेण सा पिया तस्स ।  
 विसम-विस-पीडियङ्गा खणेण निच्चेयणा जाया ॥ २६९ ॥  
 जीविय-मुक्क त्ति वियाणिऊण कुमरो वि मोहमावत्तो ।  
 विलवइ करुण-सरेणं हाहा-कारे विमुञ्चन्तो ॥ २७० ॥  
 कहकहवि हु किच्छेणं अत्ताणं संवेरवि कुमरेणं ।  
 रइऊण चियं ताहे ठविया उवरिमि सा भज्जा ॥ २७१ ॥  
 पज्जालिऊण जलणं अत्ताणं जा खिवेइ सो कुमरो ।  
 सहस त्ति ताव पत्तं गयणाओ खयर-जुयलं ति ॥ २७२ ॥  
 संपत्त-मेत्तएण य भाणिओ कुमरो सु-कौमलं वयणं ।  
 किमकारणेण सु-पुरिस अत्ताणं खिवसि जलणम्मि ॥ २७३ ॥  
 अहयं खण-मेत्तेण वि सत्थ-सरीरं करेमि तुह भज्जं ।  
 एवं पि जंपिऊणं पहया अहिमन्तिय-जलेण ॥ २७४ ॥



निदा-खए व्व बुद्धा अत्ताणं संवरेवि पसयच्छी ।  
 कयरो इमो पएसो पुच्छन्ती उट्टिया झत्ति ॥ २७५ ॥  
 तं खयरानं जुयलं उट्टावेऊण पणइणिं तस्स ।  
 जंपिय कुमरेण समं उप्पइयं गयण-मग्गंमि ॥ २७६ ॥  
 कुमरो वि पिया-सहिओ रयणीए अइतमन्ध-पउराए ।  
 पच्चासत्ते देवय-उलंमि सहस च्चिय गओ त्ति ॥ २७७ ॥  
 कुमरेण एत्थ समए भणिया दइया पसन्न-वयणेणं ।  
 आणेमि जाव जलणं ताव तुमं चिट्ठ खणमेगं ॥२७८॥  
 एवं भणिऊण गओ जलणं गहिऊण पुनरवि नियत्तो ।  
 ता पेच्छइ देवउले उज्जोयं मण-चमक्कारं ॥२७९॥  
 संपत्तेणं तेणं भणिया सासङ्क-माणसेणेवं ।  
 अज्जे दीवुज्जोओ दिट्ठो मे आसि देवउले ॥२८०॥  
 तीए वि य पडिभणियं पिय तुह हत्थ-इयस्स जलणस्स ।  
 जलियस्स समुज्जोओ संकन्तो सो तुमे दिट्ठो ॥२८१॥  
 एत्थन्तरंमि खग्गं भज्जाए समप्पिऊण सो कुमरो ।  
 महि-निहिय-जाणु-जुयले अहोमुहो धमइ जा जलणं ॥२८२॥  
 ता सहस च्चिय तीए खग्गं हत्थाओ कोस-परिहीणं ।  
 अइगरुय-निहाएणं पडियं देवउल-सिल-पट्टे ॥२८३॥  
 संभन्तो ता पुच्छइ निय-दइयं सो हु सरल-सब्भावो ।  
 किं कोस-विप्पमुक्कं खग्गं पडियं महियलंमि ॥२८४॥  
 तीए वि तओ भणिओ मह मण-मोहो अइव उच्छलिओ ।  
 तेणं परव्वसाए करवालं नवरि पडियं ति ॥२८५॥  
 जाले वि तओ जलणं देवउले वोलिऊण सा रयणी ।  
 गोसंमि नियय-भवणे गयाइ साणन्द-हिययाइं ॥२८६॥  
 बन्धव-सहि-सयणाणं रयणि-पउत्ती य निव्विसेसा सा ।  
 पिय-सहिएणं कहिया रहस-वसुल्लसिय-हियएणं ॥२८७॥  
 एवं च ताण दोण्ह वि हियय-समीहिय-विलास-सत्ताणं ।  
 वुच्चइ सुहेण कालो विसय-सुहं सेवमाणणं ॥२८८॥

अह अन्नया कयाई सप्पुरिसो राय-नन्दणो कुमरो ।  
 विवरीय-सिक्ख-तुरयं परिवाहइ वाहियालीए ॥२८९॥  
 तो तेण दुट्ट-हरिणा उच्च-हरिऊण लोय-पच्चक्खं ।  
 उवणीओ स रण्णे अइविसमे तावस-निवासे ॥२९०॥  
 परिभममाणेण तओ पत्तं कुमरेण जिणहरं एक्कं ।  
 चारण-समणो एगो दिट्ठो बहु-मुणि-गणाइण्णो ॥२९१॥

सो य केरिसो—

गह-नक्खत्ताणं ससहरो व्व रयणाण कोत्थुह-मणि व्व ।  
 कप्पदुमो व्व तरूणं देवाण सहस्सनयणो व्व ॥२९२॥  
 चन्दो व्व सोमयाए महि व्व खन्तीए दित्तिए मित्तो ।  
 रूवेण वम्महो इव निम्मल-चउणाण-संपन्नो ॥२९३॥  
 नामेण साहसगई विज्जा-वस-दिट्ठ-विस्स-ववहारो ।  
 बोहेन्तो भविय-जणे निम्मल-धम्मोवएसेणं ॥२९४॥  
 गन्तूणं कुमरेणं सहसा तो पणमियं चरण-कमलं ।  
 लद्धासीसो य तहा उवविट्ठो तस्स पासंमि ॥२९५॥  
 लहिऊण अवसरं तो भणियं कुमरेण विणय-पत्तेणं ।  
 सुहगुरु साहसु मज्झं स-कोउओ किंपि पुच्छामि ॥२९६॥  
 के पहु इमे सु-पुरिसा जोव्वण-लायण-रूव-पडिहत्था ।  
 वेरग्ग-मग्ग-पडिया पच्चवि इच्छन्ति वय-गहणं ॥२९७॥

तओ भणियं नाणिणा—

अत्थि इह विसय-मज्झे चमरी नामेण विसम-पह्लि तिं ।  
 तं भुञ्जइ बलवन्तो धरणिधरो नाम भिल्लो त्ति ॥२९८॥  
 अह अन्नया कयाई हय-गय-रह-जोह-सुहड-परियरिओ ।  
 एगो नरवइ-कुमरो समागओ तस्स भूमीए ॥२९९॥  
 तो तेण तस्स सिबिरं हय-विहयं तक्खणेण काऊणं ।  
 आढत्तो संगामो बल-वइणा तेण सरिसो त्ति ॥ ३०० ॥  
 भिडिया महइं वेळं जाब न एगो वि तीरणं छालिउं ।  
 तो तेण नियय-जाया कय-सिङ्गारा कया पुरओ ॥ ३०१ ॥

तो तीए उवरि दिट्ठी वम्मह-हरिण्ण पेसिया जाव ।  
 छिदं व्हिऊण तओ कुमरेणं सो हओ मम्मे ॥ ३०२ ॥  
 वहिऊण भिल्ल-नाहं सो कुमरो पविसिओ पिया-साहिओ ।  
 एए पुण पञ्च वि तस्स भायरो आगया तुरियं ॥ ३०३ ॥  
 जीय-विमुक्कं दट्ठं बाण-पहारेण भायरं जेट्ठं ।  
 रहमग्गेणं चलिया अमरिस-वस-फुरफुरन्तोट्ठा ॥ ३०४ ॥  
 संङ्खउरम्मि गएहिं दिट्ठो कुमरो कुमार-परियरिओ ।  
 चिट्ठान्ति तत्थ पञ्च वि जोयन्ता मारणे छिदं ॥ ३०५ ॥  
 अह अन्न-दिणे कुमरो उज्जाणे मुक्क-सयल-परिवारो ।  
 निय-जायाए समेओ दिट्ठो सो तेहि एगागी ॥ ३०६ ॥  
 जा चिन्तन्ति इमं ते वहणोवायं किलिट्ठ-परिणामा ।  
 सहस त्ति तस्स जाया दट्ठा दुट्ठेण भुयणेणं ॥ ३०७ ॥  
 गय जीयं नाऊणं अप्पाणं जा ख्विंवइ जलणंमि ।  
 ता विज्जाहर-जुयलं पत्तं सत्थी-कया तेणं ॥ ३०८ ॥  
 चइऊण तमुज्जाणं पच्चासन्ने गयाइ देवउले ।  
 मोत्तूण तं मयच्छि जलणस्स तओ गओ कुमरो ॥ ३०९ ॥  
 एवं पञ्च वि पुरिसा लद्ध-च्छला गरूय-तोसमावन्ना ।  
 वहण-करणुज्जय-मणा पच्छन्ना तत्थ चिट्ठन्ति ॥ ३१० ॥  
 एयाण काणिट्ठेणं चिर-गोविय-दीवओ समुग्गाओ ।  
 पयडीकओ य सहसा सुर-मन्दिर-मज्झयारंमि ॥ ३११ ॥  
 दीवुज्जोएण तओ दिट्ठो बालाए ताण लहु-भाया ।  
 अइनेह-निब्भराए पलोइओ सोम-दिट्ठीए ॥ ३१२ ॥  
 ता वुत्तो सो तीए होसु तुमं सुयणु मज्झ भत्तारो ।  
 जइ तं अन्नं झायसि ताहे नासेमि जीयं पि ॥ ३१३ ॥  
 तेण पुणो सा भाणिया मुद्धे इछाम हं तुमं किंतु ।  
 तुह भत्ता जइ जाणइ न सव्वहा अत्थि मे-जीयं ॥ ३१४ ॥

तओ तीए भाणियं—

सुहय अहं निय-दइयं वावाइस्सामि तुज्झ पच्चवखं ।  
 एवं पयंपिऊणं पईवओ झम्पिओ झत्ति ॥ ३१५ ॥  
 एत्थन्तरंमि कुमरो वर्णिह वेत्तूण झत्ति संपत्तो ।  
 संपत्तेण भणियं उज्जोओ इह मए दिट्ठो ॥ ३१६ ॥  
 तीए तओ भणियमिणं तुह-कर-गाहियस्स जलिय-जलणस्स ।  
 देवउले संकन्तो पिय उज्जोओ तए दिट्ठो ॥ ३१७ ॥  
 खम्मं समाप्पिऊणं जा सो दीवेइ हुयवहं कमरो ।  
 ता कड्ढिय-करवालं गवाए मुच्चए पहरं ॥ ३१८ ॥  
 एएण करुण-मइणा अवहत्थेऊण पाडियं खम्मं ।  
 सिट्ठं सहोयरारणं चरियं इत्थीए सु-विचित्तं ॥ ३१९ ॥  
 नाऊण तयं तीए विलसियमइदारुणं निरावेक्खं ।  
 वेरग्ग-समावन्ना समागया मह समीवंमि ॥ ३२० ॥  
 आयाण्णिय निय-चरियं संभन्तो माणसंमि सो कुमरो ।  
 परिभावइ पेच्छ अहो महिलाणं दारुणं चरियं ॥ ३२१ ॥

ता सच्चमेयं—

गड्ढाए वालुयं सायरे जलं हिमवओ य परिमाणं ।  
 जाणन्ति बुद्धिमन्ता महिला-हिययं न याणन्ति ॥ ३१२ ॥

तहा—

रोवन्ति रुवायन्ति य अलियं जंपन्ति पत्तियावेन्ति ।  
 कवडेण य खन्ति विसं मरन्ति न य जन्ति सब्भावं ॥ ३२३ ॥  
 महिला हु रत्त-मेत्ता उच्छू-खण्डं व सक्करा चेव ।  
 सच्चिय विरत्त-मेत्ता निम्बं कूरं विसेसेइ ॥ ३२४ ॥  
 अणुरज्जन्ति खणेणं जुवइओ खणेण पुण विरज्जन्ति ।  
 अन्नन्न-राय-निरया हलिह-रागो व्य चल-पेम्मा ॥ ३२५ ॥  
 हिययंमि निट्ठुराओ तणु-जम्पिय-पेहिएहि रम्माओ ।

जुवईओ सरिच्छाओ सुवण्ण-विच्छुरिय-छुरियाए ॥ ३९६ ॥  
ता अहो मे अहमत्तणं जमेय-कारणे मइलियं कुलं अङ्गीकओ  
अयसो । अह वा---

ताव फुरइ वेरग्गु, वित्ति कुल लज्ज वि तावहिं ।

ताव अकज्जह तणिय सङ्क गुरु-यण-भउ तावहिं ।

ताविन्दियह वसाइ जसह सिरिहायइ तावहिं ।

रमाणिहि मणु-मोहणिहि पुरिसु वसि होइ न जावहिं ॥ ३२१ ॥

ता धिरत्थु संसारस्स नत्थि एत्थ किंपि सुहकारणं । भाणियं च---

खण-दिट्ठ-नट्ठ-विहवे खण-परियट्ठन्त-विविह-सुह-दुक्खे ।

खण-संजोय-विओए संसारे रे सुहं कत्तो ॥ ३२८ ॥

एवमाइ भावेन्तो सर्वेगमुवगओ, निवडिऊण य भयवओ चलणेसु

भाणियं ' भयवं, मम सन्तियं चरिममेयं । अहं एएसिं भाइ-वायगो

उव्विगो य अहं संसार-वासाओ । ता करेह वय-पयाणेणाणुगहं !

दिक्खिओ भयवया । जाओ दुरणुचर-सामण्ण-परिपालणुज्जओ त्ति ।



## सू च ना

संक्षिप्त प्राकृत व्याकरण अने शब्द कोष  
जुदा पुस्तक रूपे छपाय छे.